

萬有文庫

第二集七百種

王雲五主編

曝書亭集

(三)

朱彝尊撰

商務印書館發行

萬有文庫

第二集七百種



商務印書館發行

曝書亭集

(三)

朱彝尊撰



卷一
書
用

空軍軍官學校圖書館

登錄

類



#810.827

2528



曝書亭集卷第七

古今詩六

強圉協洽

太原途中聯句四首

涓涓難老泉。分流晉祠側。曲周王顯祚。湛求中有長生蘋。冬夏同一色。彝尊

三過朝陽洞。一宿羽人居。彝尊萬籟夜俱寂。想見天地初。顯祚

高歡避暑宮。聞在龍山下。顯祚馬蹄不敢踏。慮有香姜瓦。彝尊

一百二十六。石柱刻作經。彝尊會須挾風峪。移置水邊亭。顯祚

猛虎行

班班南山虎。黃金環兩目。獐鹿非不甘。妄意食人肉。解一朝亦伏林間。暮亦伏林間。將軍不敢射。何況惡少

年。解二東海殺黃公。山嶠逐馮婦。牛哀導我前。左飛踞我後。解三下士捉虎尾。上士持虎頭。雄豪安可常。寢處

託王侯。解四

陳參議上年署中題畫五首

國家圖書館



004758670

香醪小榼載吳船。隔岸桃花湧石泉。此樂江鄉常在眼。披圖那不數歸年。
密樹雲根一徑開。水亭風檻足淹洄。最憐略約前谿好。可惜無人載酒來。
岸柳山松壓翠微。芭籬宛轉護柴扉。主人且莫攤書坐。看弄漁舟箇箇歸。
招提絕頂掩松關。茅屋巖阿竹樹環。恍憶昔游長至日。滿衣風雪括蒼山。
水檻風亭八九椽。叢筠秀木總堪憐。炎天引我江湖興。懊惱黃驄白玉鞭。

戲效香奩體二十六韻

淥水橋橫度。紅樓壁暗鑿。軒牕開了鳥。洞壑隱空嵌。絕世歌難得。同生感至誠。裁通心叩叩。愛執手摻摻。
蜀葉垂么鳳。釵梁綴小蟻。禾中女子有以織蛤簇蝶綴髮花者。細桃簪後放。碧草鬪來芟。淺黑鴉頭髻。微黃杏子衫。粉融研麝和。香潤避梅臧。點筆能成陣。聽詩便發凡。聰明箋樣改。放誕酒籌監。舊譜修簫史。繁聲擘阮咸。目因留客送。語以解圍僂。捕雀容貓戲。移花信鳥鶻。繡闌鶯睨皖。坐久燕沾誦。鈿鏡清於水。妝階白勝城。住須金作屋。行卽錦爲帆。鬱鬱亭前柳。青青牖口杉。回船同別鵠。去馬逐驚颿。角枕千行淚。蛾眉衆女讒。車輪腸內轉。石闕口中銜。積思凝瓊樹。輕郵達蒞函。犀文擣寒玉。兔穎蓄秋鬣。益智忘留贈。當歸費遠緘。神光渚離合。夢雨峽嶄崟。虎阜東西寺。烏山上下巖。當年並游地。悔不姓名劓。

城東小徑舊升堂。五載京華鬢已蒼。誰肯艱難全李燮。未容名姓隱韓康。風帘花市春游健。雲碓青精午飯香。閩史佳辰須盡醉。細論煙水送歸艎。

瓊華島

良嶽移花石。離宮枕玉河。年年御溝葉。相送麴塵波。島石相傳金人自汴移此。

朱碧山銀槎歌孫少宰席上賦

高堂宴客客未醉。主人愛客期開顏。羽觴玉爵詎足算。勸我鑿落重三鍤。槎枒老樹幾千歲。霜皮崩剝枝柯刪。陰崖自遭鬼斧劈。積雨暗齧苔紋斑。尋源之使出想像。高踞兩膝頂禿鬢。觀其傲岸意獨得。髣髴歸自明河灣。流傳河畔逢織女。所恨尙少雙煙鬢。列中鄉衡入其腹。未解刀削何由彎。傳之四座叫奇絕。有如白鳥飛翾翾。細看款識刻至正。問誰爲此朱碧山。良工名盛心益苦。顧茲毋乃經營艱。主人博搜金石文。向我更話天曆間。丹丘先生愛奇古。命製芝菌如初攀。當時虞揭相獻酢。是物亦得流人寰。自從闖賊躡燕市。大掠金帛仍西還。紛紛入肆尋鍛冶。否亦道半委榛菅。聞之不覺三歎息。可憐雙解今成鰥。吾鄉藝事多絕倫。奇巧不數古輸班。張銅黃錫近乃出。未若此老技最嫻。殊方促坐但酩酊。莫遣酒醒懷鄉關。

食半翅二首

賦物憐窮鳥。營飛日幾迴。遠依黃鼠穴。低搶白龍堆。不用深弓射。恆愁短翼摧。年年隨凍雀。重馬紇干來。

味合添雜筍。羹宜配凍醪。登盤人未識。入肆價須高。且緩思鴉炙。全勝食雉膏。莫愁嘗易盡。讒鼎戒貪饕。

食鐵腳二首

本與黃頭似。羣傳鐵腳名。網羅謀盡取。膏火遽先烹。凍免廚人割。貧貪市價輕。物微憐最苦。化蛤也爲羹。捕自愁雲外。來從凍雪初。體輕鶻鵠並。骨脆鵲鴿如。羹臠嘗兼得。臑胸法未書。故鄉無爾輩。只鱸玉鱸魚。

著雍涪灘

人日同閤孝廉爾梅紀處士映鍾陸處士嘉淑周處士容集龔尙書鼎孳齋中得人字

汾東代北三千里。惆悵花前四度春。江左文章公等在。燕臺風物客愁新。牋題薛訪誇車子。時命三歌童行酒許荆卿和酒人。不是尙書期我數。天涯淒斷此佳辰。歌

落日

落日銜西嶺。驚沙卷北風。今年春已半。猶有未歸鴻。

題高六柘塘移居圖二首

伍員吹簫市。韓信垂釣臺。昔賢曾混跡。之子亦多才。落月搖鄉樹。清淮上酒杯。誅茅三徑在。高詠日悠哉。草綠連隋苑。花飛憶楚州。人間從散帙。客至許登樓。自卜羅含宅。頻移范蠡舟。看君圖畫意。轉益故鄉愁。

中秋待月和劉興詩

高館清秋會。愁陰悵望中。當歌延夕漏。卷幔颺天風。玉葉翻雲細。金波落酒紅。殊方寒思早。甘作鹿皮翁。
華不注

仙梵開初地。春秋識舊名。青蓮齊吐萼。石筍獨抽萌。泉憶邊庭實。居連許殿卿。淒涼懷舊意。驅馬入荒城。
自沂水至大峴山作

征衣莫浣淚痕斑。五載辭家尚未還。目送燕鴻南去盡。計程翻度穆陵關。

濰水弔韓淮陰

淮陰師十萬。曾此擊龍且。廢壘人猶識。囊沙水漸淤。生慚諸將伍。史並列侯書。千載烏江廟。君臣反不如。

烏江項王廟以范增龍且配食。

寄錢二枋

我登魯連臺。君入淮陰市。不知千黃金。何人酬國士。

濟南除夕

五載論除夕。依然滯異鄉。逃名成白髮。歸計復青陽。櫪馬喧何事。燈花喜太忙。故園遺弟妹。相憶或停觴。

屠維作噩

鄒縣謁孟子廟二首

井地連滕壤。詩書近孔門。世儒多橫議。夫子獨知言。楊墨歸斯受。齊梁道自尊。巖巖留氣象。千載肅心魂。壞道殘碑臥。祠官異代虔。爵班公一位。里紀母三遷。叢木冬春冷。風燈卒史懸。空令布衣士。瞻拜獨淒然。

曲阜晚眺同劉中丞

徑轉通油幕。林深護石苔。夕陽新雨過。春杏舊壇開。入廟車猶在。看碑日幾迴。東城寒食近。不上鬪雞臺。

和朱十韻

宛平劉芳躅增美

孔庭釋菜後。攜客步莓苔。犧象湯孫徹。金絲魯殿開。牲碑工拓就。蒼草馬馱回。媿少春秋癖。言旋罷講臺。

地軸

地軸連年震。沂州接莒州。春農千里旱。野哭萬家愁。鴻鴈驚難定。蛟龍鬪未休。更聞城郭外。蜃氣接層樓。

飲歷下亭泛舟蓮子湖作二首

濟水來王屋。源泉處處清。自從湖口入。不復地中行。柳岸鳴蟬急。荷風浴鳥輕。江南歸思緩。髣髴櫂歌聲。海右亭仍在。城隅路不賒。竹深池館靜。山轉柁樓斜。小隊千行柳。行廚五色瓜。未愁霑席雨。歸櫂豁晴霞。

長城堡皇姑寺

皇姑正統間尼曾入大內諫止土木之行

十室長城堡。皇姑迹未湮。偶然朝鳳闕。不惜撼龍鱗。北伐回轅後。中宮感夢頻。荒祠巫覡在。猶見舞冬春。

度駱馬湖

自從前度黃河決。董口填淤駱馬過。夫柳至今喧里巷。客帆終覺厭風波。東南民力愁先竭。西北源泉棄尚多。安得歲星長守越。年年輓粟上盤渦。

淮南感事

城樓高見碧湖懸。淮堰將傾近百年。比歲凶荒耕未得。向來修築計誰先。預愁四瀆江河合。直恐三吳財賦捐。開濟何人輸上策。升虛急誦楚宮篇。

秋日登胥山

秋水日以駛。彝尊輕船泛清澄。周貧青士流沿轉紆曲。沈傳弓武功權急黏菰蔞。彝尊仄峰尙阻樹。貧近寺俄飛棧。傳弓窅窅梵磬出。彝尊鱗鱗波雲興。貧流目訝突兀。傳弓賞心闕峻嶒。彝尊舟維臥柳渡。貧道失寒瓜。傳弓誰言崕嶮微。彝尊曲磴緣百層。貧碣殘蘚欲剝。傳弓祠古藤交緜。彝尊緬懷大夫節。貧千秋痛填膺。傳弓覆楚豈大義。彝尊忠孝不兩能。貧飲泣蘆中戲。傳弓悲歌河上朋。彝尊當其恥已雪。貧屬鏤非所矜。傳弓慨此空山中。彝尊遺跡猶可徵。貧刃截兩白石。傳弓指點由孤僧。彝尊其旁臥石劍。貧霜色長侵陵。傳弓皜如鋪練帶。彝尊巨若橫丹秤。貧又如常山蛇。傳弓首尾相爲應。彝尊觀其氣怒激。貧毋乃神式憑。傳弓尙想鞭荆尸。彝尊壯士心摧崩。貧至今祠下水。傳弓猶作胥江稱。彝尊吾徒久于役。貧遠

攬岱與恆傳弓顧茲百里內。華尊屐齒游未曾。貧故鄉洵足慕。傳弓高興偶此乘。華尊寄言同心客。貧暇日期重登傳弓。

風懷二百韻

樂府傳西曲。佳人自北方。問年愁豕誤。降日叶蛇祥。巧笑元名壽。妍娥合喚嫿。次三蔣侯姝。第一漢宮嬙。鐵撥爛諸調。雲璈按八琅。琴能師賀若。字解辨凡將。弱絮吟偏敏。蠻牋擘最強。居連朱雀巷。里是碧雞坊。偶作新巢燕。何心敵笏魴。連江馳羽檄。盡室隱村牂。綰髻辭高閣。推篷倚峭檣。蛾眉新出繭。鶯舌漸抽簧。慧比馮雙禮。嬌同左蕙芳。歡悰翻震蕩。密坐益徬徨。板屋叢叢樹。溪田稜稜薑。垂簾遮雁戶。下榻礙蠶房。店鬼同時逐。祆神各自禳。亂離無樂土。漂轉又橫塘。阜散千條莢。紅飄一丈薔。重關于盼盼。虛牖李當當。鳳子裙纖褶。鴉頭鞞淺幫。倦猶停午睡。暇便踏春陽。雨溼鞦韆索。泥融碌碡場。冒絲捎蟻蠓。拒斧折螳螂。側徑循莎薦。微行避麥麩。浣紗宜在石。挑菜每登畎。羅薦情方狎。萑苻勢忽猖。探丸搜保社。結侶竄茅篁。庶改梁鴻賃。機仍織女襄。疎櫺安鏡檻。斜桷頓書倉。路豈三橋阻。屏還六扇僮。弓弓聽點屐。了了見縫裳。夙擬韓童配。新來卓女孀。縞衣添綽約。星靨婉清揚。芸帙恆留篋。蘭膏慣射芒。長筵分潑散。複帳捉迷藏。匱貯芙蓉粉。其煎豆蔻湯。洧盤潛浴宓。鄰壁暗闌匡。苑裏藉由鹿。藩邊喻觸羊。末因通叩叩。祇自覺佺佺。孟里經三徙。樊樓又一廂。漸於牙尺近。莫避竈觚煬。題筆銀鈎在。當牕繡袂颺。有時還邂逅。何苦太周防。

令節矜元夕。珍亭溢看場。鬧蛾爭入市。響屣獨循廊。根觸釵先溜。簷昏燭未戕。徑思乘窘步。梯已上初桃。
大智度論。譬如緣梯。從一初桃而上。莫縮同心結。停斟冰齒漿。月難中夜墮。羅枉北山張。冰下人能語。雲中雀待翔。青綾催製被。黃竹喚成箱。玉詫何年種。珠看滿斛量。綵幡搖婀娜。漆管韻清鏘。白鷗來簫史。斑駁駕陸郎。徒然隨畫艦。不分上華堂。紫葛牽駝架。青泥溼馬柳。枇杷攢瑣瑣。檉柳蔭泔泔。金屋深如此。璇宮思未央。朝霞凝遠岫。春渚得歸艎。古渡迎桃葉。長堤送窈孌。翠微晴歷歷。綠漲遠汪汪。日影中峯塔。潮音大士洋。尋幽雖約伴。過涉乃須印。澹墨衫何薄。輕紈扇屢障。心憐明豔絕。目奈冶游狂。纜解青絲紉。茵鋪白篋簾。回波吟栲栳。鳴櫓入菰蔣。竹筍重重籜。茶牙段段槍。甘菹翻舊譜。活火試頭綱。榼易傾鸚鵡。裘拚典驢驢。曉醒消芳蔗。寒具析餠餽。已共吳船凭。兼邀漢珮纒。瘦應憐骨出。嫌勿避形相。樓下兜衾臥。闌邊拭淚妝。便思蛩負壓。竊擬鳳求凰。兩美誠難合。單情不可詳。計程衝瘴癘。回首限城隍。紅豆憑誰寄。瑤華黯自傷。家人卜歸妹。行子夢高唐。杜宇催歸數。芻尼送喜忙。同移三畝宅。並載五湖航。院落蚪簷月。階流兔杵霜。池清彫菡萏。垣古繚篔簹。乍執摻摻手。彌迴寸寸腸。背人來冉冉。喚坐走佯佯。齧臂盟言覆。搖情漏刻長。已教除寶釧。親爲解明璫。領愛蝨蟻滑。肌嫌蜥蜴妨。梅陰雖結子。瓜字尙含瓢。捉搦非無曲。溫柔信有鄉。真成驚蛺蝶。甘作野鴛鴦。暫別猶凝睇。兼旬遽病尪。曆頭逢臘盡。野外祝年穰。忽枉椒花頌。來浮柏子觴。亮因微觸會。肯負好時光。鑪面薰鳧藻。卮須引鶴吭。象梳收鬢墮。犀角鎮心恆。滅燄餘殘炮。更衣挂短桁。簪挑金

了鳥。白轉木蒼根。納履黻旒底。舉幃罽毼旁。綺衾容並覆。皓腕或先攘。暮暮山行雨。朝朝日照梁。含嬌由半醉。喚起或三商。連理緣枝葉。于飛任頡頏。燒燈看傀儡。出隊舞跳踉。但致千金笑。何妨百戲償。偶然閒院落。隨意發縑紉。竹葉符教佩。留藤醬與嘗。硯明鸚鵡眼。香斲鷓鴣肪。日以娑拖永。時乘燕婉良。本來通碧漢。原不限紅牆。天定從人欲。兵傳迫海疆。爲園依錦里。相宅夾清漳。奪織機中素。看春石上梁。茗爐寒說餅。芋火夜然糠。唐突邀行酒。勾留信裹糧。比肩吳下陸。偷嫁汝南王。畫舫連晨夕。歌臺雜雨暘。旋娟能妙舞。謔姐本名倡。記曲由來擅。催歸且未遑。風占花信改。暑待露華瀼。蓄意教丸藥。含辛爲吮瘡。賦情憐宋玉。經義問毛萇。芍藥將離草。蘼蕪贈遠香。潮平江截葦。亭古岸多樟。鏡水明於鏡。湘湖曲似湘。加餐稠疊語。濃墨十三行。約指連環脫。葺絲袖複長。急如蟲近火。躁甚蟹將糖。理權迴青翰。驂駒驟玉環。寧期共命鳥。遽化逆毛鷓。寄恨遺卷髮。題絨屬小臧。憤奚殊蔡琰。悔嫁失王昌。作事逢張角。無成種董芭。流年憎祿命。美疾中膀胱。手自調羹臠。衣還借裊襠。口脂勻面罷。眉語背人剛。力弱橫陳易。行遲小膽忙。留仙裙盡皺。墮馬鬢交鬢。不寐扉重闢。巡簷戶暗塘。風微翻蝙蝠。燭至歇蛩螿。霧漸迷三里。星仍隔五潢。輕帆先下雪。岐路誤投杭。九日登高閣。崇朝舍上庠。者回成偈側。此去太愴惶。亂水逾浮玉。連峯度栝蒼。惡溪憎詘屈。盤嶼苦低昂。地軸何能縮。天台詎易望。重過花貼勝。相見紡停軒。射雉須登隴。求魚別有枋。筓籬六枳近。練浦一舟盪。烏白遮村屋。青蘋冒野漉。洛靈潛拾翠。蠶妾未登桑。驟喜佳期定。寧愁下女僮。繇英經

夜合珍木入宵炕。爾雅守宮槐葉畫聶宵炕。啓牖冰紗綠。開奩粉拂黃。話纔分款曲。見乃道勝常。卽事憐聰慧。那教別
慨慷。竭來要漢艾。塊獨泛沙棠。送遠歌三疊。銷魂賦一章。兜鞵投暗室。卷箔指昏亢。命續同功縷。杯餘九
節菖。截筒包益智。消食餉檳榔。膠合黏鸞鳥。丸堅抱蛞蝓。歡難今夜足。憂且暫時忘。本擬成翁媪。無端失
比伉。睫邊惟有淚。心上豈無盂。鍼管徐抽綫。闌灰淺凍帆。毫尖渲畫筆。肘後付香囊。訣絕分溝水。纏緜解
佩璜。但思篙櫓折。莫繫驢驄韁。帷帳辭秦淑。音塵感謝莊。豈無同宿鴈。終類失羣麀。衛黠頻開匱。秦衣忍
用祥。炕蒸鄉夢短。雪卷朔風雱。絕塞緣蠓螭。叢祠弔蚪蚡。刀環歸未得。軌革兆難彰。客乍來金鳳。書猶報
白狼。百憂成結轆。一病在膏肓。峽裏瑤姬遠。風前少女殃。款冬殊紫蔓。厄閨等黃楊。定苦遭謠詠。憑誰解
迭邊。揆先爲檀斫。李果代桃僵。口似銜碑闕。腸同割劍鏗。返魂無術士。團土少媧皇。翦紙招南國。輸錢葬
北邙。春秋鷓蟀換。來往鸞鳩搶。油壁香車路。紅心宿草岡。崔徽風貌在。蘇小墓門荒。側想營齋奠。無聊檢
筥筐。方花餘莞蕝。文瓦失香姜。扇憾芳姿遣。環悲柰女亡。玉簫迷處所。錦瑟最淒涼。束竹攢心曲。棲塵眯
眼眶。轉添詞悵悵。莫制淚浪浪。幔卷袖空疊。鈴淋雨正缺。情深繁主簿。癡絕顧長康。永逝文悽戾。冥通事
渺茫。感甄遺故物。怕見合歡牀。

上章閣茂

寄懷李因篤

鴈門北上忽西還。未得相逢一解顏。傳道全家依渭曲。幾時匹馬出潼關。樽前舊事憑誰說。篋裏新詩待爾刪。三載齊東留滯日。愁看李白讀書山。

送謝燦入燕

記昔別君時。太原風雨梁公祠。五年不一見顏色。竭來濟上樽重持。勞人相顧徒草草。白髮青燈且傾倒。歷下亭前柳滿汀。塵沙又走長安道。人生聚散絕可憐。吾將歸種梅溪田。夏蓋山南湖水北。扁舟期我知何年。

同紀處士映鍾杜太史鎮譚舍人兄吉璫集孫侍郎承澤研山齋四首

勝序愁初豁。高齋近許過。圖書留客少。花藥閉門多。興每耽丘壑。衣從挂薜蘿。千秋論述作。出處本同科。啓事東曹後。名山歲月深。論交半縫掖。真樂在抽簪。遽有忘年約。虛陪作者林。寥寥知己語。一一感人心。野趣行無次。林棲坐不辭。書看金薤出。杯喜竹根持。戶牖分今古。朋游隔歲時。齊東回首望。最憶虎頭癡。謂顧子炎武也。

改席塵逾遠。看花徑轉幽。猶存漢金石。不廢晉陽秋。客已呼沉醉。誰當續後游。六街分手緩。歸騎夕陽流。

九日集刺梅園松下送譚七舍人之官延安四十韻

秋氣薄林木。南海程可則。周量蕭條鴻鴈天。他鄉仍令節。彝尊高會敞離筵。客盡東南美。華亭高層雲二

鮑情因去住懸。黃花分漢苑。長洲申稷。葢施綠酒自吳船。繫馬斜陽裏。嘉興李良年武曾班荆古樹前。枝撐寒雪厚。山陰沈胤。范康臣。榦走老龍纏。空翠垂垂落。江都汪懋麟。季角層陰的的圓。旅懷長戀此。嘉興譚吉璫。舟石幽興豈徒然。歲月風塵換。可則川涂夢寐牽。相逢曾幾日。彝尊回首憶當年。慷慨荆軻筑。層雲飛揚祖。逖鞭一官乘絕障。稷雙闕動行旃。入雒名元重。良年臨關汝最賢。蒲桃隨馬至。胤范鸚鵡得人憐。地險榆爲塞。懋麟原荒鹵作田。由來秦上郡。吉璫遠接漢居延。百戰山河舊。可則單車騎吹聞。自應思魏尙。彝尊那復羨張騫。美政知無敵。層雲雄文孰與傳。龍山爭繾綣。稷鳳閣尙留連。勝事歸圖畫。良年長歌當管絃。江淹魂已黯。胤范顧愷技誰先。銀燭燒林黑。懋麟金盤滃露鮮。霜螯充海族。吉璫香橘摘江煙。麴米封鱗細。可則萸房壓鬢偏。幾忘身是客。彝尊恰笑口流涎。俊味還稠疊。層雲深杯莫棄捐。劇談逾衰袞。稷屢舞各僊僊。聚散時難定。良年交親志肯遷。彈冠新得路。胤范簪筆舊隨肩。作吏今行矣。懋麟專城敢任焉。瘡痍何術起。吉璫井邑幾家全。不問金如粟。可則寧論酒是泉。徵書黃霸續。彝尊擁傳馬卿旋。但遣心期在。層雲無愁後會愆。河流千尺練。稷月挂九秋弦。坐久頻催漏。良年衣輕更著緜。祇緣詩錄別。胤范遂使夜忘眠。長短青門柳。懋麟崢嶸華嶽蓮。來朝一揮手。吉璫惆悵隔幽燕。可則

題譚漢畫山水送譚七舍人兄三首

舍人佐郡出京華。馬後圖書載五車。欲上恒山最高頂。自馴白鹿飯松花。

大漠霜流積草枯。鄆筒蘆酒急須沽。雲中西去黃河曲。未必山川似畫圖。
桑乾九月未成橋。想像關榆葉盡凋。曾向鴈門三度宿。人家歷歷在山椒。

壽徐侍讀元文

紫籟雲霄迴。彝尊金門雨露偏。羣公爭獻納。李良年之子信才賢。甲第烏衣盛。彝尊家聲鳳沼沿。堂看遺笏在。良年經憶過庭傳。儒雅矜當代。彝尊飛騰數妙年。九重書第一。良年三策對無前。饌出仙廚美。彝尊袍分獸錦鮮。上陽芸是閣。良年中禁木爲天。苑柳晴相映。彝尊宮鶯歲屢遷。星輶馳漢節。良年驛路入秦川。得士皆殊絕。彝尊難兄編修乾學。更接聯。遙聞臚唱日。良年正值使車旋。兩到須迴轍。彝尊雙丁足比肩。把文同謝舅。良年謂顧子炎武。染翰失張顛。賓至交珠履。彝尊朝回並玉鞭。連枝真不易。良年初度乃居先。南斗神仙籙。彝尊西清侍從員。黑頭誰得似。良年青眼獨依然。歷下尋山屐。彝尊江干載酒船。因人慙入洛。良年結客重投燕。不謂迎縫掖。彝尊翻教起晝眠。茱萸猶結佩。良年醞醖此開筵。瓊進崑山玉。花明祕省甄。彝尊幽歌應可續。良年比調有新篇。彝尊

酬潘耒

燕京秋九月。雨雪紛漑漑。初晴出戶去。延望西山崖。薄衣先苦寒。炙背返荆柴。晚聞僮僕語。有客叩吾齋。新詩題紈扇。留贈出中懷。臨風百過誦。音響一何佳。泠泠朱絃瑟。調必宮商諧。壯哉四方志。獨擢浮江淮。

傷禽戢羽翼。鳴鹿求其儕。河東衛先生。簡討既齊。埽室道南街。希音辨元始。望古窮津涯。同聲一相應。衆說誠可排。爾雅及三倉。豪髮未嘗乖。伊余去鄉國。萬里敝青鞵。媿乏洛生詠。徒觀泰山柴。憂玉聞琳瑯。披雲豁塵霾。譬彼同岑草。所惜在根荄。願貞歲寒期。筮笠行相偕。

贈朱十

吳江潘 未次耕

天台拔羣峯。東壁輝列宿。南州盛衣冠。之子爲領袖。傑然雲霄姿。大廈資結構。匏瓜悲天懸。井渫惻寒。整間爲蘇門嘯。善作伶倫奏。大雅還初元。風騷獨馳驟。峨峨春明門。英賢畢來輟。高齋埽晴雪。玉山驚邂逅。聞游泰岱還。應宿天門岫。日輪湧溟桑。幾時割昏晝。僕本同岑人。折麻欣有舊。才非士龍奇。齒是公明幼。偶然弔燕昭。金臺暫停留。方辦五嶽裝。青精煮糧糗。何日相提攜。蓮峯掇三秀。

壽申檢討 涵盼

東山零雨別。不見忽三年。再作京華客。重逢獻壽筵。歲星方朔並。午夜望舒圓。滿把黃花酒。豳歌九月篇。慈仁寺夜歸。同李十九良年對雪兼有結鄰之約。

暝色辭沙界。蓬門更埽除。數錢燈下酒。入饌雪前魚。遠作比鄰約。相連水竹居。扁舟當此夜。來往意何如。孫少宰塾室觀吳季子劍四十韻

窮冬塾室寒。重扃晝飛雪。嘉興李良年武曾役車雖已休。客子遠相挈。鼻尊蕭然主人意。示我太古鐵。吳

江潘未次耕。黯淡四座光。模糊百夫血。上海蔡湘竹。瀉精氣所結聚。入手詎敢褻。良年摩挲讀遺銘。千春
字不涅。彝尊始知延陵佩。曾挂徐君碣。未金碧爭毫芒。雨風助嗚咽。湘歲久蠟就頽。中作黍米缺。良年段
冶難爲良。青白氣先竭。彝尊首廣信。參分身重裁。七錡未丸丸。初莖長衍衍。漸後設湘制。類銅虎符。質並
蒼水玦。良年其文雜蟲魚。其體蔓瓜瓞。彝尊蜿蜒蛟螭纏。錯落星宿列。未當其鑄始成。見者皆骨裂。湘洪
鐘無聲拂。堅玉應手切。良年拭用華士良。淬以江水冽。彝尊一充君子服。遂使雌雄別。未神靈相護持。鬼
物盡蹙躡。湘試宜借諸離。相必經歐薛。良年適楚羞湛盧。制越定姑蔑。彝尊神物不虛歸。抗首想前哲。未
紛紜春秋季。推刃相篡竊。湘何爲藐千乘。脫屣意不屑。良年遠繼讓王風。近慕子臧節。彝尊投分寄縞帶。
達音在樂閔。未寸心義所要。存沒傷中訣。湘留贈物則微。高誼泉壤徹。良年古樹風蕭蕭。下爲狐兔穴。彝
尊何期陵谷變。土花未云齧。未依然出人間。百代共傳閱。湘題字勘孔碑。裝炭談越絕。良年接未驚窮猿。
干霄飲雌蜺。彝尊雄思崆峒倚。利想犀兕截。未是物洵希有。寧許膜眼別。湘博物賴張華。造書辨臣頡。良
年豈爲馮生彈。聊效莊叟呖。彝尊感我壯士懷。慨慷中腸熱。未持之祓不祥。可以當桃荔。湘

雪牕

寒威凌夾牕。夜色不可揜。彝尊初疑弦月駐。載驚鄰燭燄。蔡湘漏鼓凍欲沉。荒雞號已漸。彝尊攬衣訝手
敲。出戶怯風颭。湘朔氣何稜稜。同雲猶泠泠。彝尊飢鷹距未擊。啁雀羽齊斂。湘老樹壓更高。遙岑明復睽。

彝尊灑壑遏冰泉。浮空露仄仄。湘僧閒梵未放。磴滑樵愈險。彝尊悅若玉井峯。蓮花冠郊陝。湘中田從射兔。北園宜載獫。彝尊鏗冷生溼煙。草枯覆叢蕪。湘近須爐火圍。遠愛酒旗閃。彝尊就市沽芳馨。傳杯瀉澗澗。湘元叔囊垂空。平仲豆猶掩。彝尊旅思話歸吳。扁舟懷入剡。湘束薪硯初炙。棊几翰斯染。彝尊形兼洛陽臥。跡異昌黎貶。湘撒鹽擬詎工。授簡賦何詔。彝尊郢曲有和歌。殊鄉聊自慊。湘

雪中過程五倉部同李十九蔡大賦二首

長安風雪後。歌舞閉門重。客子誰能記。倉曹獨許逢。牕寒留炙硯。日暝坐聞鐘。更約尋香閣。西山對曉峯。令子趨庭早。深杯勸客揮。愛看如意舞。判倒接羅歸。易酒行無算。吳鹽撒漸稀。憑將紅燭淚。試作鳳凰飛。

壽何侍御元英

東閣寒梅放。西山霽色澄。騷人日初度。朋酒歲相仍。頌魯期難老。歌豳信有徵。名先柱下史。官亞殿中丞。禮自猶龍擅。謠聽避馬曾。城南瞻斗極。薊北凜霜稜。敢諫虞箴在。籌時國寶增。文宜蠲瑣細。弊力埽榛莠。水旱謀誠切。徵輸法可承。廟廊需至理。駟駿必深懲。疇昔雙龍闕。逶迤四牡乘。桂林銜羽節。勾漏問丹秤。嶺外收區冊。舟中慕李膺。含香持國計。聚米佐軍興。允矣資喉舌。良哉寄股肱。人倫誰比似。意氣益飛騰。八顧三君並。千金一諾憑。聯詩過沈范。愛客邁春陵。勝日交珠履。高齋冒紫藤。對門深徑轉。開閣小山層。畫得滄洲趣。書傳草聖能。連蜷師衛蠶。妙麗奪曹蠅。籤帙縱橫列。爐煙遠近蒸。庭閒看玉樹。道重比朱繩。

謬喜枌榆託。相親色笑恒。一行來獻咒。萬里此簫滕。月尙今年滿。觴同舊里稱。頌椒春序近。懷核舞筵登。
青眼人人識。朱顏歲歲疑。不辭五雲裏。長對九枝燈。



曝書亭集卷第八

古今詩七

重光大淵獻

立春日同李十九飲孫少宰蟄室有懷曹侍郎在里

七度辛盤會。他鄉歲歲殊。未知今夕讌。得與故人俱。舞鶴喧庭榭。飛花灑畫圖。因懷鉏菜叟。萬里隔春蕪。

西山書所見

斜陽猶未鎖松筠。雪後風清石路塵。莫笑游人今歲早。馬頭山店已燒春。

同作

上海蔡湘竹瀉

中官墳墓碧雲齊。樵客東風飲恨啼。故向黃茅遺爨火。亂山燒過夕陽西。

臥佛寺

路入晴雲北。山敲臥佛前。津梁疲已甚。土木意能傳。夜續林中磬。春流枕外泉。長安車馬客。輸爾只高眠。

題退谷

退翁愛退谷。未老先抽簪。行藥亂峯路。築亭雙樹林。閒中春酒榼。靜裏山泉音。滿目市朝貴。何人期此心。

古今詩 七

一三七

來青軒

天書稠疊此山亭。往事猶傳翠輦經。莫倚危欄頻北望。十三陵樹幾曾青。

鮑家寺白松歌

鮑家寺中九白松。扶疎宛似桂之樹。密葉陰連古殿寒。霜皮晝偃盤根互。我來繫馬風泠然。入門四顧喜欲顛。巢鼓迴見鶴鶴坐。榦老不數蛟龍纏。長廊飯僧僧未至。松子松花飄滿地。半嶺平銜夕照曛。雙林遠勝春浮翠。其餘四株皆可娛。矯矯離立空牆隅。枝柯雖殊無異色。知是歲寒霜雪俱。山僧怪我摩杪久。茗盃簾前一招手。此樹今來二百年。問余歲月能知否。

同作

蔡湘

巖下石門苔蘚重。早春已發花茸茸。晚風吹墮一黃鶴。棲在月明何處松。

玉泉山下別瞻公

石橋風泠泠。夕曛斷崖口。回指翠微深。山僧此分手。

贈歌者陳憐二首

樂府新傳夜度孃。吳衫白紵越羅裳。愁看玉面燈前出。笑問銀鈎若箇藏。千鍾已分醉如泥。授色留賓曲轉低。想像天河猶未落。長鳴不聽汝南雞。

贈冒嘉穗二首

我昔齊東住。君來歷下遊。客亭無奈別。樽酒未言愁。暑雨城西寺。高林棗外樓。醉歌今始得。同調日相求。盡說移居好。投詩給事莊。松筠深不見。丘壑興何長。夜燭攤書坐。春醪並馬嘗。追隨吾更數。知愛接輿狂。

何侍御元英招同高上舍層雲士奇繆處士永謀趙舍人隨鄭舍人宣飲刺梅園松下四首

禁煙高詠遍龍潭。未得同游祇自慚。小榼春風攜最好。又騎驄馬到城南。客來隨意但圍碁。細草空園席屢移。憶過松陰三度醉。未如此會恰花時。吾家池上雙槐好。此樹連蜷想像間。最喜諸公盡吳語。一時把酒話鄉關。

離筵九日記曾開。送客西征上郡隈。正向樽前論往事。不知天外一書來。庚戌九日。集此送譚七郡丞兄。是日適得榆林來札。

周郡丞令樹遷太原守詩以送之兼懷傅處士山

五馬西歸日。銅符領晉陽。川臨瀟湘近。山轉峒嶺長。童子爭驂篠。邦人尙詠棠。憑君尋傅叟。暇卽過松莊。將出都門曹舍人貞吉黃舍人仍緒沈舍人胤范喬舍人萊曹舍人禾汪舍人懋麟招同高上舍

層雲李秀才良年賦詩贈行口占留別

鳳池才子各翩翩。攜客城南釀酒錢。滿眼鶯花無奈別。河梁愁思復今年。

和程遠龍尾硯歌爲方侍御亨咸作卽送其入粵硯有辛卯米芾四字印。舊藏黃公道周家。

龍眠柱史饒硯癖。篋藏龍尾開深窪。雀臺古瓦詎比數。石末未許青州誇。黝如純漆久欲脫。粹若水玉堅。新剗中央私印尙可識。流傳乃自元章家。騷人生年記辛卯。初度肇錫名何嘉。十椽彙開見八八。兩已相背無瓜邪。當其片石始入手。重之豈易黃金車。雲峯模糊潑急雨。雪繭天矯騰修蛇。東都淪後內庫發。重寶散失同紛麻。赤瑚玉英半缺折。物理所貴韜其華。流傳迄今六百載。山骨完好無纖瑕。黃公昔年在漳浦。以此注易緯蒼牙。嗚呼聚散勢所必。精靈呵護靡幽遐。房融有硯譯梵字。遺蹟尙爾矜僧伽。平公巨璞本光滑。少陵野老猶咨嗟。況茲貞質世鮮兩。宜爲有識羣高奢。前歸大滌後龐谷。顛人地下應哈呀。黃海布衣嗜奇最。吟成古調歐淫哇。盤空硬語難驟讀。詩膽直欲凌劉叉。謂余吾歌子當和。荅云四座且莫譁。我昔南游度大庾。羚羊峽口戈船划。手披煙液入巖穴。礪礪硯硯圍周遮。石紋蘊秀各異狀。就中最美數青花。有時精氣凝作眼。碧者鸚鵡黃者鴉。火輪奔處界微白。宛似蕉葉抽春芽。其餘瑣細盡當辨。黃龍翠羽兼丹砂。爭如此石鐵色古。稜角漸去成礮礮。柱史聞之忽狂叫。便欲五嶺探雲霞。隋隄三月送君去。柳絲藤蔓何麤塗。黯然消魂萬里別。長言不覺肆滂葩。

賦得官柳送人自濟入燕

官路垂楊柳。春風處處青。遙憐煙雨色。何限短長亭。送子燕臺去。還從歷下經。七橋明月夜。繫纜有荷汀。

紅橋

春蕪小雨滿城隈。茅屋疎籬兩岸開。行到紅橋轉深曲。綠楊如薺酒船來。

題何氏書樓

屢醉齊東酒。曾開薊北書。林泉尋舊好。瀟灑勝吾廬。簾額仍通燕。堂坳亦有魚。蘭成擅詞賦。宜作小園居。

早

水潦江淮久。今年復旱荒。翻風無石燕。蔽野有飛蝗。桎梏懲屠釣。檣巢迫死亡。虛煩乘傳使。曾發海陵倉。

送越孝廉闖入楚兼作廬山之游

蕪城相見惜蹉跎。又送雲帆楚澤過。九疊屏風何處好。三湘芳草至今多。尋山應得逢匡俗。作賦還看壓景瑳。準擬歸來秋月滿。樽前同聽大堤歌。

逢周侍郎亮工二首

悵別西湖曲。重逢又十年。艱難增旅話。傾倒共詩篇。春遠仍題扇。江寒未放船。甘棠留召伯。聽取舊歌絃。

侍郎曾觀
察揚州

阿戎頻問訊。公子在浚燕晉兩鄉俱。道已廿三黜。家從泛五湖。登臨山屐在。存沒酒人殊。感王猷定胡介諸舊游也白髮明燈裏。飛揚不可無。

酬彭師度三首

燕郊春雨灑塵輕。我唱驪駒子送行。回憶酒人天外隔。不知舟楫下蕪城。
艾家橋北論交日。回首星霜十九年。祇向天涯相送老。新詩讀罷一淒然。
竹西酒市接平山。燈下妖姬十八鬢。留取霜紈調錦瑟。紅橋一曲送君還。

送柯大崇樸還里兼寄周質

渡淮三月滯江都。送爾歸尋舊酒徒。十幅蒲帆鄉樹杪。夜船聽雨到南湖。

送葉上崇舒崇之睢陽

昔游同鼓山陰櫂。我年方壯君尙少。紅妝隔座送藏鬪。君醉宵眠我狂叫。江湖轉眼遽離羣。東尋百越西
三雲。幾回落拓來燕市。秋草金臺共夕曛。君今三十猶貧賤。吳楚山川遠游遍。天涯聚散二十年。鄉里何
曾一相見。酒人燕市愛君詩。置酒邀君必我期。城東城西夜漏午。呼僮僕被恒相隨。謂當同醉椒花酒。夜
雨新年翦新韭。豈意驪駒忽在門。贈行不待春楊柳。黃塵千里盧溝橋。朔雲慘淡風蕭條。短衣匹馬睢陽
去。正值梁園雨雪飄。平臺滿目皆狐兔。對雪相如可重賦。若見當壚勸酒人。也應憶我長安路。

譚孝廉十一兄瑄歸自楚粵訪予維揚喜成三首兼懷郡丞七兄吉璉在榆林

鄉園十載隔。相對總殊方。髮短愁先鑷。杯深喜益狂。寒梅探庾嶺。秋草下潯陽。未暇歸三徑。明燈話射堂。
柳岸舟同汎。蕪城草乍班。望衡曾九面。夢雨得雙鬢。車騎將休汝。榆林欲度關。雕蟲何足尙。辛苦羨名山。

十月邊城路。曾傳上郡鴻。弟兄三歲別。夢寐幾人同。望遠平山隔。懷歸舊業空。回思童穉日。誰料各西東。
雪霽同周儀部襄緒對酒康山二首

一簣城隅出。千家雪後勻。江湖談往事。絲竹老斯人。謂對山也。不厭尋幽晚。惟應對酒頻。寒梅意蕭瑟。想見武功春。

樽前橫蜀嶺。鳥下起吳歌。繫馬從星使。憑軒覽漕河。雪深花尙發。風急雁翻多。有約江春到。行廚次第過。

玄默困敦

題竹垞壁

買斷竹垞將四載。園林新筍未經嘗。今來散帙時初夏。忽見抽梢喜欲狂。背市有人酤濁酒。南鄰許我借匡牀。江村臥穩真堪樂。愁說燕雲射獵場。

雨度仙霞嶺三首

縹緲江郎石。朝來竟不分。客愁偏暑雨。祠古但寒雲。小市兵戈盡。飛泉下上聞。泥塗雖自苦。暫喜遠人羣。
岸缺人猶度。橋迴徑轉偏。古苔緣樹上。密竹聚峯圓。白袷晴還溼。青鞵暮屢穿。笑看茅屋近。編筏渡溪煙。
仙霞高不極。半嶺一雲平。倚杖驚吾老。攀崖羨客行。經心蒼蘚滑。照眼白花明。回首楓林暮。先秋葉自鳴。

題福州林秀才竹亭

道南移宅後。蕭瑟草堂質。尙有孤亭在。堪歌伐木詩。翠兼梧下竹。黃坼圃中葵。最愛涼風滿。無煩羽扇持。

泰安道中曉霧

苦霧滴成雨。平林翳作峯。不知巖際寺。恰送馬頭鐘。汶水已爭渡。泰山猶未逢。忽驚初日躍。遠近碧芙蓉。

重陽前一日沈暎日鮑夔生載酒柯氏園亭同諸子分賦兼感舊游成二十韻

水竹通三徑。星霜隔幾年。悲歌同調續。秋色異鄉先。葉落交簷樹。雲寒欲雨天。解鞍嘶騎擁。載酒麴車連。席嚮西南上。杯行少長前。從容寬禮數。傾倒迭詩篇。楚舞何相似。秦風亦有焉。吟看吳會並。交取性情便。二子真同好。相期幸未愆。臨池良不厭。舍坐屢教遷。破帽垂垂落。疎簾處處懸。籬花平綴錦。沙鴈小如拳。薄暝爭投轄。提壺更數錢。風燈升降影。茅屋去來煙。衰藉囊萸早。宵因說餅延。塵埃驚老大。身世益迍邐。尙憶班荆地。曾開送別筵。舊游惟沈岸。登鄭培遠夢。各山川。榆塞橫汾曲。譚七郡丞兄蠶叢桂竹偏。高層年。中郎遺爨笛。蔡洲歎逝轉悽然。吉璫潘二未雲李

柯將軍園亭卽席分韻送柯三維楨還嘉善

匹馬嵩陽返。曾探玉女崖。征衣猶雨雪。歸櫂復江淮。客有悲歌獨。文傳別賦皆。葛疆池上月。後夜不勝懷。

送計孝廉東還吳江

三年歸計總蹉跎。日見輕舟下潞河。君去登高誰對酒。空憐秋色異鄉多。

送陳錢之青浦

憶同九日登高巖。益信陳琳最善文。易水自來長送客。詞人且免學從軍。帆飛薛澗連鄉樹。鶴下華亭割海雲。吾老思歸猶未得。天涯歲月總離羣。

送汪戶部琬還長洲

殊方動惜故人違。聽唱驪歌淚暗揮。白下乍傳星使返。江東忽見步兵歸。茗華徑曲藏書屋。蓮葉舟輕上釣磯。不獨文章今日少。誰能未老念荷衣。

送陳叟南歸

軍都關口朔雲凝。羨爾臨行匹馬登。歸向高陽逢舊侶。銜杯試話十三陵。

昭陽赤奮若

人日謁景皇陵

重湖裂帛已流澌。岸柳三眠又一時。尙有寢園開夕照。每逢人日撫殘碑。童童獨樹栖禽少。冉冉長途下馬誰。回首昌平山近遠。裕陵松柏總淒其。

同劉侍郎芳躅入大房山時劉編修芳謁養疴山中八首

羣峯迴合靜飛塵。野杏山桃各自春。不共南陽劉子驥。桃源一望已迷津。

丹梯直上與天連。鐵鎖垂垂百尺懸。安得山中十日雨。石門一道迸飛泉。
帝城回望隔峯霞。蘭若松門自歲華。剩有紅羅宮監在。香臺猶禮九蓮花。
上方層閣少經過。猶有樵人樹杪歌。試乞山僧老藤杖。天風扶上摘星陀。
解道劉伶善閉關。田衣竹杖此躋攀。長安車馬紛無數。誰肯高居六聘山。
春風依舊野棠紅。麥飯僧廚餉客同。不用三車頻問法。白頭試話玉熙宮。
定公八十猿猱捷。峻嶺何曾策杖遊。邀我遠登龍虎峪。翠巖天半結飛樓。
羊何此日和歌成。夢草池塘句更清。刻取谿亭雙櫟樹。千春長識謝公名。

過何侍御丹臺書屋二首

一飯長安地。先生許數來。牕虛同畫舫。徑盡出丹臺。風幔宜斜卷。庭花獨早開。但令施枕簟。日日此銜杯。
宛在山茨下。層陰翳小亭。花移大房茜。石帖太湖青。筆斷何妨續。琴歌亦可聽。閒來須賭墅。一爲寫黃庭。

送喬舍人萊還寶應

今秋甲子雨不絕。小池殘暑風淒淒。棧車難行瘦馬滑。終朝兀坐愁雲低。有客上書臨欲去。折簡招我斜
街西。房山香醪貯一石。浮以斛角暹羅犀。定州瓷盃白如雪。津門紫蟹團霜臍。坐中曹舍人汪舍人意氣
古。杜詩韓筆名相躋。草堂圖畫凡幾幅。酒酣並起爭留題。龍竿寺旁射陂曲。中分一水名柘溪。君家嚴君

侍御此游息。翠煙繚繞含晴霓。王官谷深城府隔。武陵花發時人迷。只今八十尙健飯。過橋不用扶青藜。可聘此去秋未晚。籬邊圓菊黃花齊。連江峭帆檻外落。一雙老鶴階前栖。衡門啓後綵衣入。定使眼膜開金篋。桓山四鳥雖折翼。時舍人有兄喪循陔庶免心酸嘶。兼珍之膳娛永日。靜觀節物移暄萋。嗟余旅食尙淹滯。懷鄉未得瞻秦稽。送君沉吟數長路。寸心千里隨輪蹄。維揚稷稻美自昔。邇來厥土仍塗泥。灣頭清水聞更決。上流未築歸仁隄。千村廬舍總昏墊。可知鴈戶猶悲啼。漕船萬斛輓不上。荒岡斷岸何繇梯。太倉紅粟漸已貴。曷歸長水親鉏犁。期君歲暮白田上。班草城南手重攜。

和韻送徐編修乾學還崑山

潞河臨發動晨颺。惜別重歌折柳辭。前席定來宣室召。蹇驢仍借杜陵騎。秋深準續登高約。月出應懷對酒時。賓從玉山知不少。相思定寄草堂詩。

藍秀才見示劉松年風雪運糧圖

潞河十月櫓聲絕。連檣如薺啼飢鳥。層簷炙背苦岑寂。有客示我運糧圖。遙峰隱隱露積雪。村原高下紛盤紆。千年老樹風怒黑。寒葉盡脫無纖枯。人家左右僅茅屋。傍有水碓臨山廚。秣穰旣揚力輸稅。安有甌石存桑樞。大車檻檻四黃犢。疾馳下坂尋修塗。嗟爾農人歲已暮。婦子不得相歡愉。披圖恍見南渡日。北征甲士連戈艾。當年諸將猶四出。轉粟未乏軍中需。同仇大義動吠畝。輸將豈畏胥吏呼。始知繪事非漫

與堪與無逸。豳風俱古來。工執藝事諫。斯人畫院良。所無嗚呼。斯人畫院良。所無不見宋之君。臣定和議。笙歌晨夕游西湖。

席上贈陸生三首

江東陸弟擅風流。負笈今爲萬里游。畫取燕臺山近遠。黃雲白雪一時愁。芳筵鮭菜故鄉同。刻燭藏鉤漏未終。閉戶須爲十日飲。銜杯最愛百分空。風雪寒凝老樹枝。蟹螯深夜且同持。前身定是周邦彥。醉裏能歌片玉詞。

夢硯歌爲汪舍人懋麟作

我怪汪舍人。臥疴嬾朝參。眼前富貴非所好。惟於載籍偏沉酣。無錢可糴太倉米。僮僕入市心懷慚。舍人舒膝方晝寢。如蟲食蓼翻知甘。忽然夢入無人區。廣庭巨室何毖毖。中羅石硯十有二。一一就視煙雲含。鼉磯苦堅龍尾滑。洮河水玉徒盪窺。詎若羚羊峽中質。青花白葉波滄涵。良璞得一亦已足。十二盡取毋乃貪。覺來伏枕賦長句。中心惆悵真難堪。爲語舍人且莫貪。高要峽路吾能諳。昔年著屐入巖穴。親斲山骨施斧鑿。黃金盡散要不惜。一百八石巖前擔。自從輕舟發大庾。篷牕一日摩挲三。榜人潛窺竊其九。餘歸見者爭來況。眼看美好盡已去。何況夢寐侈空譚。舍人翻然釋惆悵。留余濁酒開新壘。統如漏鼓猶未起。起時月落天西南。

龔尙書輓詩八首

坤維初震後。元老忽淪亡。九日地震。越三日公沒。已定春帆計。翻教夜壑藏。把杯人未散。戀闕意堪傷。盛德今徂謝。

悲看大鳥翔。

西掖存封事。南天返使車。位仍三獨坐。職半六尙書。典禮真無忝。論文盡不如。最憐羣弟子。入揖共欷歔。

九日龍潭讌。招尋自此休。公每歲九日。讌客賦詩於黑龍潭。遲歸因酒債。垂死及山游。九月七日。公扶病遊萬壽寺。別袂何曾把。時余赴通

州。詩篇總未酬。重來清淚迸。風急總帷秋。

京華留滯久。恒苦出無車。記憶惟公切。過從聽我疎。頓忘何日別。急簡舊時書。剩有雷塘句。臨岐禊飲初。

辛亥上巳。余從京師至揚州。公以詩贈行。

墨自臨池妙。詩先過嶺工。換鷺何太苦。刻燭未教終。匹練題長遍。聯篇思轉雄。要知作者意。肯與古人同。

別有新詞麗。樽前賦物華。歌翻舊桃葉。笛按小梅花。檀板柳三變。金荃溫八叉。江南腸斷句。回首向誰誇。

公最賞余阻風湖口詞。

含玉遺孤在。招魂上客存。天邊丁令鶴。夢裏謝公墩。笳吹將歸路。田廬何處村。應同鍾太傅。丙舍寄諸孫。

已輟青門餞。空憐白馬留。九京應萬里。百口但孤舟。逝矣名須易。傷哉涕莫收。寄聲縫掖賤。休作帝京游。

送龔孝廉宜生掌教涿洲

圖經雄涿鹿。壁沼亞橋門。錦里仙人水。樓桑帝子村。詩傳頤盡解。官冷道彌尊。不遠房山麓。相期泛竹根。

九言題田員外 雲秋汎圖

田郎與我相識。今十年。新詩日下萬舌爭流傳。黃塵撲面三伏火。雲熱每誦子作。令我心爽然。開軒示我秋汎圖。五丈鴨頭畫出宛。似吳中船。大通橋北官舍最湫隘。箕筥斗斛囊橐羣喧闐。他人對此束縛不得去。田郎掉頭一笑浮輕漣。疎花蒙籠兩岸渡頭發。蹇驢蹶躓百丈風中牽。五里十里長亭短亭出。千絲萬絲楊枝柳枝眠。當其快意何啻天上坐。酒杯入手興至吟尤顛。慶豐牖口自有此渠水。未知經過誰子曾洄沿。倉曹題柱名姓不可數。似子飛揚跌宕真無前。長安酒人一時賦長句。我亦對客點筆銀光牋。篷牕寂寞不妨添畫我。從子日日高詠秋水篇。

寄懸公

竹外繩橋渡口鐘。別來消息五春冬。南湖虛有煮茶約。下若幾曾歸櫂逢。去鴈書成難問訊。愁猿路險怯過從。衰年願得精廬近。須卜橫山第一峰。

曝書亭集卷第九

古今詩八

闕逢攝提格

春雪二首

臘去初無雪。春來盡日飄。披離侵柳陌。取次及花朝。入夜飛何急。因風卷未消。攜錢思縱飲。不用酒旗招。客久催蒼鬢。師行冷鐵衣。漸看迴鴈近。只共早梅飛。關塞愁無極。鄉園信轉稀。空憐兒女在。遙計放船歸。

送龔大之淮陽

潞河遲日送征驂。禁雪初晴柳尚含。一路青山到淮浦。照人明月已江南。

汪舍人懋麟以丁娘子布見贈賦寄

丁娘子爾何人。織成細布光如銀。舍人笥中剛一疋。贈我爲衣禦冬日。感君戀戀情莫踰。重之不異貂襜褕。攜歸量幅二尺闊。未數星紈與荃葛。曬卻渾如飛瀑懸。看來只訝神雲活。爲想鳴梭傍碧牕。摻摻女手定無雙。浣時應值湔裙水。漂處除非濯錦江。長安城中盛衣馬。此物沉思六街寡。裁作輕衫春更宜。期君再醉天壇下。天壇三月踏青時。領邊短鬢風吹絲。試尋油壁香車路。追逐紅禪錦髻兒。

寄高層雲

萬里歸舟興有餘。蜀薑召客鱸魚。酒邊可憶朱齡石。深夜明燈勘羽書。

王尙書崇簡招同錢澄之毛會建陸元輔陳祚明嚴繩孫計東讌集豐臺藥圃四首

上苑尋幽少。東山載酒行。發函初病起。出郭始心清。一老風流獨。集賢少長并。甘從布衣飲。真得古人情。水淺孤村外。亭開萬柳中。流觴過上巳。卷幔已南風。旅話江湖別。幽期出處同。接羅拚共倒。舉手對山公。山田圍輞水。左右出豐臺。是日孤亭坐。繁花四面開。蟻浮傾更滿。蝶舞去翻來。卽事多高詠。天涯不易哉。麗草攢細蕊。晴風卷絳雲。井華宜近汲。衣桁忽斜曛。興自抽簪發。人因賭墅分。重過知不厭。歸騎且紛紛。

送鄭培南還

長安似爾客最久。自別舊鄉今八年。五里亭邊傾薊酒。一帆風末挂吳船。承顏正好趨庭日。生計須謀負郭田。莫以故人歸未遂。卜居不與竹垞連。

鴛鴦湖權歌一百首有序

甲寅歲暮。旅食潞河。言歸未遂。爰憶土風。成絕句百首。語無詮次。以其多言舟楫之事。題曰鴛鴦湖權歌。聊比竹枝浪淘沙之調。冀同里諸君子。見而和之云爾。

蟹舍漁村兩岸平。菱花十里權歌聲。儂家放鶴洲前水。夜半真如塔火明。

宋朱希真避地嘉禾。放鶴洲。其園亭遺址也。余伯貴陽守。治別

樂於上真如塔峙其西

沙頭宿鷺傍船棲。柳外驚鳥隔岸啼。為愛秋來好明月。湖東不住住湖西。

春城處處起吳歌。夾岸疎簾影翠蛾。一葉舟穿妝閣底。傾脂河畔落花多。傾脂河在楞嚴寺東。人家多跨水為閣。

寶帶河連錦帶斜。精嚴寺古黯金沙。牆陰一逕游人少。開遍年年梓樹花。寶帶錦帶俱水名。精嚴寺多梓樹。

西埏里接韭谿流。一簣餅山古木秋。慣是爭枝鳥未宿。夜深啼上月波樓。西埏里載干寶搜神記。在嘉興縣治西。韭谿之水經其下。餅山。

宋時酒務。月波。秀州酒名。載張能臣天下名酒記。樓係令狐挺所建。宋人集題詠詩詞甚多。

和韻

嘉興譚吉璫舟石

蘇小墳前水北流。茗花梧葉滿園秋。月華不與高城隔。飛上星湖第一樓。

橋李亭荒蔓草存。金陀坊冷寺鐘昏。湖天夜上高樓望。月出東南白苧村。橋李亭址在金銘寺北。宋岳珂為勸農使。居金陀坊。著金陀粹

編。寺南有樓。名湖天海月。

和韻

譚吉璫

胥江不遠小山存。猶有遺祠翠木昏。挂席西風乘興去。白蓮秋水夕陽村。

百尺紅樓四面牕。石梁一道鎖晴江。自從湖有鴛鴦目。水鳥飛來定自雙。

和韻

譚吉璫

水市花船一樣牕。龍淵學繡一條江。憑誰移箇龍淵塔。學繡村邊也作雙。

倅解偏宜置酒過。亭前花月至今多。不知三影吟成後。可載兜娘此地歌。陸游入蜀日記倅解花月亭有

樂章云得句於此亭也張子野云往歲吳興守

滕子京席上見小伎兜娘後十年再見於京口

女牆官柳遍啼鴉。小閣臨風卷幔斜。笑指孩兒橋下水。雨晴漂出滿城花。孩兒橋在天寧寺東石闌盡

檣燕檣烏繞楫師。樹頭樹底挽船絲。村邊處處圍桑葉。水上家家養鴨兒。樂府阿子歌注嘉興人養鴨兒作此歌

桃花新水湧吳艚。十五漁娃櫓自操。網得錢塘一雙鯉。不知魚腹有瓜刀。錢塘杜子恭就人借瓜刀其主

行至嘉興有魚躍入船中破魚腹得瓜刀見搜神後記

和韻

譚吉璫

春來河蜺不論錢。竹扇茶爐載滿船。沽得梅花三白酒。輕衫醉臥紫荷田。

金衣楚雀白鷄雞。不住裴公島上啼。白馬未嘶雲屋外。紅船先度板橋西。裴島即放鶴洲相傳裴休別業

隄外湖光隄內池。露荷珠綴夜涼時。阿誰月底修簫譜。更按東堂舊日詞。毛滂在秀州賦見鴛鴦睡月底

修簫譜樂府調名東堂滂集名也

鴨餛飩小漉微鹽。雪後壚頭酒價廉。聽說河鮑新入市。萋蒿荻筍急須拈。方回題竹州門外鴨上餛飩

城北城南盡水鄉。紅薇徑外是回塘。千家曉閣紗牕拓。二月東風蕙草香。

和韻

譚吉璫

江村復禮舊名鄉。竹作笆籬石作塘。到處十家三酒店。春波繫纜岸花香。

西水驛前津鼓聲。原田角角野雞鳴。臺心菜甲桃花里。未到天明權入城。西水驛在城西桃花里。人多種菜為業。

和韻

譚吉璫

棟子花疎過雨聲。紫山看火樹頭鳴。鄰船兩槳買桑葉。南抵餘城北渚城。

姑惡飛鳴觸曉煙。紅蠶四月已三眠。白花滿把蒸成露。紫甚盈筐不取錢。姑惡鳥名。蠶月最多。野薔薇開

成香露。可以澤髮。

村中桑斧響初停。溪上叢麻色漸青。郡閣南風纔幾日。荷花開滿鏡香亭。亭在慈恩寺南。今廢。香

徐園青李核何纖。未比僧廬味更甜。聽說西施曾一招。至今顆顆爪痕添。徐園李核小如豆。絲懸其中。僧

施爪痕。

藉袈橋上水松牌。白石登登鴈齒階。曾記小時明月夜。踏歌連臂竹鄰街。竹鄰里。元陳秀民所

谷水由來出小湖。渚城辟塞總春蕪。戰場吳楚看猶在。折戟沙中定有無。水經注引吳記。渚城在今城北十五

里。水經注又云。浙江又東。逕柴辟南。舊吳楚戰地。備候於此。故謂之辟塞。

金魚院外即通津。轉粟千艘壓水濱。年少女牆隨意望。縫衣恰對柁樓人。與地紀勝。金魚院在嘉興縣西北。

懷家亭館相家湖。雪艇風闌近已蕪。猶有白蘋香十里。生來黃蜺蛤蜊鹿。懷悅居相湖南。關柳莊有水亭名雪艇。湖中產蜺甚肥。

學繡女兒行水潯。遙看三塔小如鍼。並頭菡萏雙飛翼。記取挑絲色淺深。城西學繡里。俗傳西子入吳。刺繡於此。三塔龍淵寺前塔也。

梅花小閣兩重階。屈戌屏風六扇排。不及張銅爐在地。三冬長煖牡丹鞵。里有張鳴岐製銅為薰爐。聞於時。

鶴湖東去水茫茫。一面風涇接魏塘。看取松江布帆至。鱸魚切玉勸郎嘗。鶴湖在白牛涇。清風涇即魏塘。

蓮花細步散香塵。金粟山門禮佛頻。一種少年齊目斷。不知誰是比肩人。金粟寺在海鹽西南。林坤誠齋雜記。海鹽陸東美妻有容。止夫

婦相重。寸步不離。時號比肩人。孫權封其里。

織成錦衾碧間紅。繚以吳絲四五通。錦上鴛鴦三十六。雙棲夜夜水紋中。善錦出里。

和韻

譚吉璫

巷西古塔畫闌紅。閣老廳門一徑通。猶記北樓驂篠地。薔薇一丈曉庭中。

天寧佛閣早春開。鳥語風鈴次第催。怪道回船溼羅韞。嚴將軍墓踏青來。天寧寺在秀水縣治東北。後有嚴助墓。

和韻

秀水陳忱用直

東林禪宇白蓮開。魚版纔停午復催。坐久雙谿明夕照。布帆一半鷓湖來。

長水風荷葉葉香。斜塘慣宿野鴛鴦。郎舟愛向斜塘去。妾意終憐長水長。長水。秦時所鑿。斜塘地名。

腕地垂楊絮未飄。蘭舟上已祓除遙。射襄城北南風起。直到吳江第四橋。城北王江涇。有射襄橋。俗謔

宣公橋南畫鼓搗。酒船風幔拄鴉叉。碧山銀盃勸郎醉。權入南湖秋月斜。陸宣公橋在城東。朱碧山。元時

記。橋李澤國也。東南皆陂湖。而南湖尤大。

木樨花落擣成泥。霜後新橙配作鹽。猶恐夜深妨酒渴。教添玉乳禦兒黎。禦兒玉乳。黎。見漢書注。

畫眉墨是沈珪丸。水滴蟾蜍硯未乾。休恨圖經山色少。與郎終日遠峰看。沈珪。禾人。善製墨。諺云。沈珪對

郡城四望無山。宋鄭毅夫月波樓詩。野色更無山。隔斷是也。

和韻

譚吉璫

碧瓦珠光火一丸。綠楊絲挂綵幡乾。泥孩縱說廊延好。不及曹王廟上看。

三姑廟南豆葉黃。馬王塘北稻花香。秋衣薄處宜思妾。春酒熟時須餉郎。三姑事見括異志。今長

小婦春風樓下眠。與論家計最堪憐。勸移百福坊南住。多買千金圩上田。石門有春風樓。錢塘應才為嘉

貝瓊元末避地千金圩。

小舫中流播燕梢。一螺青水練塘坳。隨郎盡日鹽官去。莫漫將儂半邏拋。燕梢。小船名。長水東有練浦。一

滿樹。今謔為半路。

鎗金硯匣衍波牋。日坐春風小閣前。鏤管簪花書小字。把郎詩學魯豈編。鎗。去聲。斜塘楊匯。髹工鎗金。鎗

石花竹翎毛亭臺屋宇人物調雖黃韶粉以金銀箔
傅之見陶宗儀輟耕錄杜詩編年自禾人魯嘗始

雨近黃梅動浹旬舟回顧渚鬪茶新問郎紫笏誰家焙莫是前溪讀曲人

秋燈無燄剪刀停冷露濃濃桂樹青怕解羅衣種鷺粟月明如水浸中庭禾中產鷺粟相傳八月十五夜

繡綾圖存陸晃遙唐家花鳥棘鍼描只愁玉面無人畫須是傳神盛子昭陸晃禾人有繡綾圖載宣和畫

墨作棘鍼子昭魏塘人嘗畫崔鶯鶯像

去郭西南桂樹林五畝之園一半陰笑插枝頭最深蕊兩鬢如粟辟寒金城西屠氏園有桂二本垂蔭逾

榆錢陣陣麥纖纖野菜花黃蝶易黏記送郎船溪水曲平蕪一點甌山尖甌山在桐鄉今

比翼鴛鴦舉權迴雙飛蝴蝶遇風開生憎湖上鷓鴣鳥百遍魚梁曬翅來鷓鴣湖在海

龍香小柄琵琶彎切玉瓊瓏約指環試按花深深一曲海棠開後望郎還南宋太學服膺齋上月詞一秀

傳播酒樓伎館皆歌之載古杭雜記花深深海棠開後詞中語也琵琶字唐人多作仄音讀

酒市茶寮總看場金風亭子入春涼俊游改作烏篷小蔡十郎橋低不妨晏殊類要嘉興縣有金風亭

落花三月葬西施寂寞城隅范蠡祠水底盡傳螺五色湖邊空挂網千絲城西南金銘寺有范蠡祠舊井

蘇小墓前秋草平蘇小墓上秋瓜生同心綰結不知處日暮野塘空水聲唐徐凝嘉興逢寒食詩惟蘇小

有荒墳今縣南有賢倡巷

和韻

譚吉璫

參旗橫照郡樓平。塔火初沉漁火生。郭外城中十三寺。一時落月盡鐘聲。

風檣水檻盡飛花。一曲春波激豔斜。北斗闌干郎記取。七星橋下是兒家。春波七星橋名

天星湖口好花枝。便過三春采未遲。蝴蝶雙飛如可遂。教郎乞夢冷仙祠。天星湖在嘉興縣治東。湖北有協律郎冷謙祠。禱夢者有奇驗。

江樓人日酒初濃。一一紅妝水面逢。不待上元燈火夜。徐王廟下鼓鼙聲。徐王廟在府城東北。每歲人日。穀日。擊鼓。士女往觀。

河頭時有浣衣人。處處春流漾白蘋。橋下輕舟來往疾。南經娛老北蹲賓。娛老橋在城南。蹲賓橋在府治西。

芳草城隅綠映衫。鳳池坊北好抽帆。徐恬舊宅芹泥煖。過雨斜陽燕子銜。鳳池坊。婁機故宅。今郡學之。前徐恬宅。見陸廣微吳地記。

秋涇極望水平隄。歷歷杉青古闌西。夜半嘔啞柔櫓撥。亭前燈火落帆齊。秋涇橋在城北。杉青闌名。落帆亭名。

和韻

譚吉璫

青鷺白鷺浴湖隄。飛向羅潭廟口西。竹傘櫻鞵塵不到。秋風且看稻花齊。

屋上鳩鳴穀雨開。橫塘游女蕩舟回。桃花落後蠶齊浴。竹筍抽時燕便來。橫塘在城東。俗名。早者曰燕來。

漏澤寺西估客多。樓前官道後官河。正值喧闐日中市。楊花小伎抱箏過。吳船女。郎入市。唱曲。號唱。楊花。

五月新絲滿市塵。繰車鳴徹斗門邊。沿流直上羔羊堰。雙櫓迎來販客船。羔羊堰在石門北。斗門在石門北。

魚梁沙淺鷺爭淘。處處村田響桔槔。一夜城西茗水下。酒船直並小樓高。

和韻

譚吉璫

槐葉青時和冷淘。槐葉濃時轉桔槔。槐葉黃時香稻熟。登場禾稼比牆高。

九里橋西落照銜。櫻桃初熟鳥爭鶻。須知美酒烏程到。遙見新塍一片帆。宋曾魯公監秀州新

馬場漁激幾沙汀。宿雨初消樹更青。最好南園叢桂發。畫橈長泊煮茶亭。彪湖一名馬場一處會於春波

門外建會景亭南園余叔宜春令別業有桂樹四本高俱五丈蘇子瞻煮茶亭在水北

青粉牆低望裏遙。紅泥亭子柳千條。郎船但逐東流水。西麗橋來北麗橋。

伍胥山頭花滿林。石佛寺下水深深。妾似胥山長在眼。郎如石佛本無心。胥山在城東十八里石佛寺唐刹

花船新造水中央。曉發當湖泝漢塘。聽盡鐘聲十八里。平林小市入新坊。角里東為漢魏二塘德藏寺鐘

之工行至新坊十八里遠擊之由是不能遠聞載括異志

蒲山草與薺山齊。激浦潮來乍浦西。白沃廟南看白馬。巫言風雨夜長嘶。蒲山菜薺山俱在平

綠煙初洗兔華秋。片片魚雲靜不流。山月池邊看未足。移船買酒弄珠樓。山月池在平湖德藏

鸚鵡湖流碧幾灣。白龍湫水落陳山。游人秦小孃祠過。社鼓聲邊醉酒還。鸚鵡湖即柘湖陳山上有白龍

在平湖縣東南二十里

阿儂家住秦溪頭。日長愛櫂橫湖舟。霑雲寺東花已放。義婦堰南春可遊。橫湖霑雲寺俱在半灘東義婦

難糜府君斂錢葬之。今譌爲品蒙冢。

巫子峰晴返景開。傳聞秦女葬山隈。閒聽野老沙中語。曾有毛民海上來。樂資九州志。鹽官縣有秦駐山。始皇逕此。美人死葬於山下。山

之東海口有巫子山。水經注。光熙元年有毛民三人集於縣。蓋汎於風也。

橫浦東連白塔雲。下方鐘鼓落潮聞。結成海氣樓相似。煮就吳鹽雪不分。白塔山在海中。鹽官亦有蜃市。

勸郎莫飲黃支犀。勸郎莫聽花冠雞。聞琴橋東海月上。烏夜村邊烏未啼。烏夜村。何準宅舊址。

和韻

三條玉帶兩條犀。爭訪金雞夢白雞。高冢纍纍羊虎盡。塘南塘北亂烏啼。

鷹窠絕頂海風晴。烏兔秋殘夜並生。鐵鎖石塘三百里。驚濤齧盡寄奴城。鷹窠頂在澈蒲山椒。每十月朔。年孫恩犯海鹽。故治。拒

之築城於海鹽。故治。拒

招寶塘傾水淺深。會骸山古冢銷沉。都緣世上錢神貴。地下劉伶改姓金。招寶塘在海鹽西南。九州要記。古有金牛入山。皋伯通兄弟鑿

山取牛。山崩。二人同死穴中。因曰會骸山。郡有劉伶墓。土人避錢繆諱。改呼金伶墓。

曲律崑山最後時。海鹽高調教坊知。至今十棒元宵鼓。絕倒梨園弟子師。

春絹秋羅軟勝絲。折枝花小樣爭傳。舟移濮九娘橋宿。夜半鳴梭攪客眠。濮院。元濮樂開所。居濮九娘橋在焉。

郎牽百丈上官塘。客倚篷牕晚飯香。黃口近前休賣眼。船頭已入語兒鄉。

輕船三板過南亭。蠶女提籠兩岸經。曲罷殘陽人不見。陰陰桑柘石門青。崇德古南亭。石門。春秋時吳壘石以拒越。

和韻

譚吉璫

宅西狷石舊名亭。曾侍先人說五經。夢想故園猶在眼。櫻欄一樹假山青。

走馬岡長夕照中。塘連沙渚路西東。不知吳會誰分地。生遍茱萸一色紅。走馬岡在石門永新鄉。地有官窯。相傳吳越分疆處。語兒中涇。

一名沙渚塘。吳會分地紀。書名。見太平御覽。吳茱萸。禾郡土產。

移家只合甓川居。釀就新漿雪不如。留客最憐鄉味好。屠墳秋鳥馬嗥魚。閩人卓成。太元末。僑居甓川。馬

也。魚可為腊。

郎家湖北妾湖南。兩槳緣流路舊諳。卻似釣鼈磯畔鷺。往來涼月影毵毵。釣鼈磯在南湖中。

野王臺廢只空墩。翁子墳荒有墓門。舍宅尚傳裴相國。移家曾住趙王孫。白蓮寺。朱買臣墓在角里街北。真如

寺。相傳裴休宅。趙王孫。謂孟堅也。居廣陳里。

秋晚東林落木疎。白蓮僧寺水中居。昏鐘不隔漁莊火。古殿猶存日本書。白蓮寺。即東林施水院。漁莊在

處。

斬王戰艦已無蹤。婁相高墳啓舊封。曾見朋游南渡日。北山堂外九株松。縣東三十里。一冢甚高。傳是婁

草堂。沈氏宅。其石壘自南宋。

仲圭舊里足淹徊。曲徑橫橋一水隈。小榭春風誰酌酒。佛香長和墓門梅。吳鎮墓在嘉善縣治北梅花菴。

懷蘇亭子草成蹊。六鶴空堂舊蹟迷。惟有清香樓上月。夜深長照子城西。懷蘇亭在府治六鶴堂。宋知州鄧根建府廨。有清香樓。見異聞

總錄。子城載閒廳括異志。今日為子牆脚。

稗花楓葉宋坡湖。路轉潮鳴山翠無。百里鹽田相望白。至今人說小長蘆。宋坡湖即賁湖。吳郡記。海濱廣

見周必大吳郡諸山錄。

桑邊禾黍水重圍。時有秋蟲上客衣。三過堂東開夕照。滿村黃葉一僧歸。三過堂。蘇子瞻遺跡。黃葉菴。釋智舷所築。

百花莊口水泔泔。中是吾家太傅墳。當暑黃鸝鳴灌木。經冬紅葉映斜曛。百花莊在城北十五里。先文恪公賜塋在焉。

鴨鶩小船淺水通。荻花門巷蕭蕭風。荆南豫北鬪新釀。不比吾鄉清若空。清若空亦秀州酒名。見武林遺事。

秋水尋常沒釣磯。秋林隨意敞柴扉。八月田中黃雀啁。九月盤中黃雀肥。黃雀味甚腴。產陶莊馬疇。

和韻

譚吉璉

菜花涇下半漁磯。蒼蘆林中盡竹扉。寒水看同春水闊。高田比似下田肥。

江市魚同海市鮮。南湖菱勝北湖偏。四更枕上歌聲起。泊遍冬瓜堰外船。唐張祜曾領嘉興冬瓜堰稅。

妾家城南望虎墩。郎家城北白牛村。白牛不見郎騎至。望虎何由過郭門。陳舜俞居秀州。嘗跨白牛往來。自號白牛居士。

百步橋南解纜初。香醪五木隔年儲。不須合路尋魚鮓。但向分湖問蟹胥。去郡城東北三里。有百步橋。名永鄉。嬾真子。蘇秀道中有地名。

五木出佳酒陸游日記合路賣
鮮者甚衆一統志分湖產蟹

石尤風急駐蘇灣逢著鄰船販橘還祇道夜過平望驛不知朝發洞庭山

蘇灣近吳江境上
陳舜俞墓在焉

父老禾興舊館前香杭熟後話豐年樓頭沽酒樓外泊半是江淮販米船

望雲門北舊有禾興館唐李瀚
嘉興屯田政績記嘉禾一穰江

淮爲之康嘉禾一
歉江淮爲之儉

茅屋東谿興可乘竹籬隨意挂魚罾三冬雪壓千年樹四月花繁百尺藤

東谿從叔
子蓉別業

舍南舍北遶春流花外初鶯囀未休畢竟林塘輸角里愛攜賓客醉山樓

山樓從叔子葆所居四
方賓客至者必集於此

谿上梅花舍後開市南新酒釀新醅尋山近有艾基宅看雪遙登願況臺

余近移家長水之梅谿艾山在
其西橫山在其南皆可望見願

況讀書臺
在橫山頂

和韻

譚吉璉

木樨開後菊花開黃雀霜螯載酒醅九日登高東塔寺風沙終勝赫連臺

歸人萬里望丘爲白酒黃壺瓠作卮來往權歌無不可西溪東柳任吾之

丘爲郡人王維送之詩云五湖
三畝宅萬里一歸人里中黃元

吉治錫爲壺極精緻近日鄉人多用匏樽西
溪在府城西三里鮑恂所居東柳在平湖

檻邊花外盡重湖到處杯觴興不孤安得家家尋畫手谿堂遍寫讀書圖

黃子久有由
拳讀書圖

和韻

譚吉璉

權歌欵乃勝西湖。風景尊前調不孤。只少松陵朱處士。屏風八尺寫新圖。

旃蒙單闕

題畫竹二首

疎筠个个倚風輕。忽憶鄉園宿雨晴。三畝宅西桐樹北。此時新筍又應生。

雪禽未染唐希雅。怪石須添趙大年。興發欲尋潭柘寺。春流泱泱響山泉。燕京無竹。惟潭柘寺東院一林。

懷上方山二首

不到上方三歲久。茅茨長想結山隈。盡移細石教泉下。亂插繁花把徑開。倦客春深歸未得。故人書寄約重來。水筒雲碓安排易。只欠江南遶屋梅。

百丈霞梯澗戶扃。層崖依舊入天青。花源未有秦人住。屐齒曾同謝客經。殷地昏鐘催夜月。過橋春水續寒汀。精藍近結支纖侶。準擬松根煮茯苓。

送顧乃西還楓涇

客游五載莫淒然。元夕天涯我十年。爲羨王孫歸去路。岸花江草送吳船。

嚴侍郎招同吳明府山濤龔觀察佳育陳處士晉明高上舍層雲集吳氏園亭時公子曾繫在坐八驕曉出郭門東。避暑閒園河朔同。山簡賓寮攜沼上。謝家裙屐滿亭中。微涼高柳虛檐日。過雨新苗隔

岸風四坐傳杯那不醉。主人先已百分空。

贈吳明府山濤

詩人吾愛塞翁好。風格西陵別擅場。嗜酒肯淹千里駕。罷官為起七歌堂。雲山畫出無前輩。暑雨燈殘話故鄉。角里菜畦猶未賣。歸時休只戀餘杭。

潞河遙送湯駟南還四首

惜別無從倒玉壺。傲裝遙發短亭孤。荆高舊侶分攜盡。燕市何人送酒徒。青齊南下即扁舟。一片雲帆故國樓。此去向平婚娶了。明年五岳試同遊。生計歸時且掩門。還憐舊業已無存。全家欲傍西溪住。最愛梅花第幾村。竹垞三徑也蕭然。歸夢天涯又隔年。儻肯結鄰長水市。開門同對小池蓮。

懷鄉口號八首


醜舫西偏盡竹梧。紫微山石儘教鋪。兒孫鄉里堪娛日。不用千金買佛奴。醜舫。余齋名。元濬樂閒。以中統鈔一千錠買歌兒汪佛奴。先人舊宅北門棲。舍後斜陽塔影低。門逕傷心難再問。夢魂猶繞舊沙隄。

碧漪坊裏譚公宅。鴨腳清陰半畝餘。最憶兒時好兄弟。樹根同讀五車書。五經進士譚公宅。在府治東北。碧漪坊。舟石郡丞左羽孝廉。孝山太守。次友典籍及亡兄舍人夏士皆讀書於是。余亦與焉。庭有鴨腳樹三本。

舊日園林半已荒。惟餘曲水繞芳塘。少年最憶春游好。曾向顏家看海棠。顏家園海棠花最盛。今已摧折。
墨林遺宅道南存。詞客留題尙在門。天籟圖書今已盡。紫茄白苺種諸孫。項處士元汴。有天籟閣。蓄古書畫。甲天下。其閣下有皇甫子循。

屠緯真諸公題詩尙存。

舊游俞繆日過從。三李銜杯興最濃。明月綠牕期沈約。白鹽赤米問周顒。憶右吉。天子。青士也。曾分虎山子。青士也。
司農泉石向來耽。徐穉同遊飲必酣。夢想谿山真意好。夏天修竹水亭南。曹侍郎秋岳。倦圃。有谿山真意軒。徐穉指敬可也。
方外能詩數復公。結茅初地虎谿同。詞人寂寞宜過此。一舸月明湖水東。地復公字文可。住初菴。詩格最老。



曝書亭集卷第十

古今詩九

柔兆執徐

讀葉司城封嵩游草賦贈

客居通潞春復冬。有如飢鳥仍投籠。平生夢寐在五岳。垂老未覩嵩陽峰。峰頭玉女定笑我。那不控鶴鞭。癡龍瓊漿勿飲良可惜。白髮滿鏡徒愁容。葉君昔年宰登封。莓苔洗字尋石淙。霞梯高高八百丈。筍鞵踏遍青芙蓉。廬巖瀑飛一匹布。鐵梁峽偃千年松。仙人十六時相逢。閒吹鵝管向明月。有時髻插三花穠。漸川俞叟與君往來熟。言君愛奇恆未足。開筵爲蒸玉面狸。行藥曾騎雪色鹿。測景還登測景臺。逍遙宛在逍遙谷。偶然長嘯百里聞。每遇殘碑三日讀。不見囊中金石編。何殊集古歐陽錄。崇文門西車轂擊。十里黃塵眯人目。下馬尋君道名姓。一笑情親爲鄉曲。投我嵩陽詠百篇。勝聽哀絲與豪竹。近來海內工詩格。新城王君最雄獨。一見君詩許絕倫。同調由來賞心速。君今司城名籍甚。栗果少年齊足跼。入門廳事半栽花。插架圖書尙連屋。作吏如君良不俗。閒從巷北期王君。更許高齋醉醞醑。金箱圖書恣臥遊。豈必盧鴻草堂宿。

春暮何少卿招同故鄉諸子集古藤花下送譚十一孝廉兄之舒州

古藤二本高刺檐。麤毫亂挂驪龍髯。主人築堂二十載。客到盡卷堂中簾。肥香徐來翠陰動。晴絲欲墮朱光炎。今年經過物候早。三月已見繁花黏。河豚未罷直沽市。牡丹定綠房山尖。春風不飲最可惜。急收筆架移書籤。相期鄉黨十數子。同時走送譚孝廉。一觴一詠少長集。脫略禮法無纖嫌。懸燈直教猛燭並。有酒但向深杯添。移時留髡盡送客。三人密坐清宵嚴。北城漏鼓聽漸數。下弦殘月光磨鎌。捉臥瓮人選新格。主猶鯨吸賓魚噉。人生離多合亦易。有淚肯對花前沾。舒州地勝山水兼。孤城皖口跳波漸。芙蓉之池泛永日。訟庭無事恆虛恬。鱗魚凝脂切黃玉。翠螺如畫圍蒼兼。乃知下第去亦得。絕勝六街衣馬塵容黔。

題元張子正林亭秋曉圖同高層雲賦

一峰畫品最緻密。逾三百載流傳稀。今人摹仿目未睹。但取率略屏紆威。殘山剩水不數點。豈惟神異貌亦非。當時藝事許入室。華亭張中稱庶幾。卽如此圖乃學井西王。生筆林亭曉色開。熹微焜黃老綠下掩。百竿竹。是誰竹下結屋關。荆扉橋無一人行。樹無一鳥飛。斜川折溜凡幾轉。古寺突兀樓松圍。涼雲濛濛不可極。懸泉直下春林霏。人家磧歷更高處。水榭八九相因依。武陵桃花笑卑溼。茲山避地堪茹薇。當知作者意。獨得能使留題數。子傳聲微。客中三伏正苦熱。對此羽扇都停揮。安得天風扶我縹緲度絕磴。與君攜手同振千仞岡頭衣。

贈鄭篋

金陵鄭篋隱作醫。八分入妙堪吾師。竭來賣藥長安市。諸公袞袞多莫知。伊余聞名二十載。今始邂逅嗟何遲。自從鴻都石經後。工者疎密無定姿。任城學官闕里廟。羅列不少漢人碑。篋也幽尋遍摹搨。羲娥星宿撫無遺。郃陽酸棗法尤備。心之所慕手輒追。黃初以來尙行草。此道不絕真如絲。開元君臣雖具體。邊幅漸整趨肥癡。寥寥知解八百禩。盡失古法成今斯。邇來孟津數王鐸。流傳恨少無人披。太原傅山最奇崛。魚頰鷹跬勢不羈。臨清周之恆。委曲也得宜。勾吳顧苓粵譚漢。暨歛程邃名相持。未若篋也下筆兼經奇。繇如煙雲飛欲去。屹如柱礎立不移。或如鳥驚墮羽翮。或如龍怒撐之而箕。張昂萃各異狀。屏嶂大小從所施。平山堂成蜀岡湧。百里照耀連雲榭。工師斲扁一丈六。衆賓歎息相瞠眙。須臾望見篋來至。井水一斗研險糜。由來能事在獨得。筆縱字大隨手爲。觀者但妒不敢訾。五加皮酒浮千鷗。我聞此事足快意。目雖未覩心已怡。安得留之數晨夕。醉時竊拊醒肩隨。盧溝橋北風已厲。子今南去生凌澌。驪駒在路留未得。歲聿其暮云誰思。鍾山草堂定好在。放溜且任吳中兒。華陽瘞鶴字刻露。鄧尉遺樹花參差。無錫城邊見巖四。示我長歌一和之。

送顧瀛之沂州

官亭把袂惜離居。南指臨沂歲未除。行過蒙陰山葉響。馬頭青壤雪消初。

壽何少卿元英

冷卿宴客已無錢。猶有南牀許醉眠。清鏡看來容四十。練裙書禿管三千。日邊初度春尤近。雪後今宵月最圓。弟子麴車來不少。相留判飲到新年。

壽劉編修芳蒔二首

金錢衰衰考堂輸。今日通階昨日殊。誰似編修甘寂寞。七年不向集賢趨。人日梅花一月前。騷人初度棗弧懸。蕭然賦雪攜羣從。絕勝徵歌玳瑁筵。

強圉大荒落

河豚歌

天津之水連北溟。七十二沽漩迴汀。漁師乘春漾極浦。鰲舫葉葉輕於萍。河豚此時舉網得。活東小大同賦形。賣不直錢棄可惜。堆置更比凡魚腥。南人見之莞爾笑。是物足勝通侯鯖。葦蒲束取十百輩。馬馱車載兼手拾。晨興主人食指動。忽覩兩縛陳吾庭。客來疾呼莫莫莫。亟當投畀煩丁寧。食熊者肥食鼃瘦。豆令人重榆則瞑。彼猶無傷此獨甚。犯之不異衝鈴釘。主人語客且安坐。吾言物理君試聽。人生一死各有候。韭英棗華木葉零。卽如飲啄亦分定。鼎腹豈必堅關扃。雖云甘脆腐腸藥。不聞茹藿長延齡。茲魚信毒種乃別。臆胸有法食有經。或如燕子尾涎涎。或如束帶腰黃鞓。今之饋者皆不爾。安用荷鍤葬丘冥。挾精

刮膜漉出血。如鼈去醜魚。乙丁磨刀霍霍切作片。井華水沃雙銅餅。薑芽調辛橄欖醃。荻筍抽白蕒蒿青。日長風和竈觚淨。纖塵不到晴牕櫺。重羅之麪生醬和。凝視滓汁仍清冷。吾生年命匪在卯。奚爲舌縮箸蠲停。西施乳滑恣教齧。索郎酒釀未願醒。入脣美味縱快意。累客坐久心方寧。起看牆東杏花放。橫參七點昏中星。

送董孝廉愷游五臺

軍都關外朔雲屯。過盡龍堆入鴈門。一路金光瑤草色。青天直上五峰尊。

兕觥歌

觥爲許文穆公錢趙太史定字物爲何少卿賦

覆玉盃。屏香螺。徹銀鑿。落金叵羅。黃支之犀塵。盡辟主人持觥客前席。請看觥上銘。爲君陳夙昔。定陵沖年資相臣。元老奪情衆怒噴。朝陽一鳳午門伏。折檻寧辭逆鱗觸。歸時餞者滿都亭。珍重臨岐許文穆。神羊一角詎有雙。流傳旣久歸婁江。張公以之遺弟子。敢諫吾公趙公似。更兼愛客無倦容。平原十日恆過從。朝衣典盡且不顧。快意但寫鳧花濃。我浮此觥亦已數。尊前豈惜狂歌重。吾公邇年徙卿寺。西掖南牀誰鶚視。漢殿今無白獸尊。滿飲黃流莫輕寘。

周郎中自閩回賦贈二首

萬里孤臣去。三年別館囚。遙憐天北望。不異海西頭。曲罷紅薔老。園荒紫蓼秋。空堂今夜燭。誰分話離愁。

入夜羝同宿。經秋鴈不飛。歸迎雙眼淚。去陷幾重圍。攬鏡顏都改。趨庭計已非。辛勤完節意。冬月尙絺衣。
同里李符游於滇。遇碧雞山道士。謂曰。子前身廬山行腳僧也。後十年當仍歸廬山。符乃畫廬山
行腳圖。俾予題詩二首。

畫裏分明廬岳僧。雲峰有約十年登。江湖到處勾留住。看爾入山能不能。
桃鄉一望水按藍。擬結鄰居共釣潭。休信碧雞狂道士。閒拋老屋在花南。

春浮閣

春浮本佛樹之子。愛逃禪。小閣道南市。清流插口泉。攤書官柳近。對酒女牆偏。盡笑張思曼。能牽岸上船。

題董尙書墨蹟

三真六草董尙書。北米東邢總不如。試誦容臺好詩句。一縑肯換百砵礪。

彭城道中詠古二首

舊社枌榆改。寒雲芒碭收。山風吹野火。飛度斬蛇溝。
博浪飛椎後。圯橋進履年。無人知偶語。況有素書傳。

清流關

清流關。屢屢設險。古來尙細路。緣秋毫。石角竦殊狀。舍我一兩車。拄此九節杖。初行井臼中。俄出松果上。

回睇衆山卑。連峰走頽浪。入關少礪礫。客意始蕭放。平岡響楓葉。斷壁偃花當。南滁暑未銷。西澗水新漲。眺遠懷昔人。儒衣謁戎帳。君臣旣深契。一言判興喪。偏師越死地。於此蹶上將。遺跡雖已湮。過者心所嚮。山高而水清。獨立但招悵。

題顧夫人畫蘭

眉樓人去筆牀空。往事西州說謝公。猶有秦淮芳草色。輕紈勻染夕陽紅。蘭名見金漳趙氏譜

著雍敦牂

興化李先生清壽詩

世事有屈必有伸。吾思遜國忠節臣。詔書張目不肯草。何得復作叩頭人。一時史筆授曲學。壯夫氣短懦夫噴。褒忠之典歲久闕。草野論議徒紛綸。棗園先生家海濤。早成進士官於鄞。掖垣竹埤歷八舍。抗疏豈憚批龍鱗。曾聞過江上封事。神人觀聽交歡忻。方黃鐵練名盡易。榜祠木末金川新。電光石火雖暫照。猶勝霧霧霾窮塵。傳之百世終不湮。先生用意良苦辛。邇來閉戶三十載。著書更比當年勤。東京舊事孟元老。北盟新編徐夢莘。藏之名山自怡悅。使者徵索推蒲輪。先生穩臥南溪濱。白蕉之衫紫荷巾。三詔六聘催未起。衡門但與沙鷗親。年今八十能抱真。齒兒髮秀目綠筋。立譚古昔猶斷斷。玉堂才子念明發。四月正及懸弧辰。袖懷蟠桃五寸核。目送海鶴千里津。棗園池水風漣淪。闌藥四照花如茵。五加皮酒粥面厚。

鳴薑鱸鯉羅兼珍。烏衣不改王謝里。一門羣從稱觴頻。古來傳經藉遺老。耆儒往往上壽臻。不見張蒼伏勝暨轅固。博士江翁杜子春。

鄭州題壁

積水漁村渡。新涼酒旆風。河間多姘女。若箇數錢工。

得龔百朋嶺南書卻寄

別鴈橫汾信去留。何時漂轉入端州。天邊消息初踰嶺。戰後江山獨上樓。草檄硯開鸚鵡潤。歸帆雲暝鷓鴣愁。回憐十載相逢地。晉府街東並馬遊。

爲徐徵士題畫

買斷西濛港。湖田二頃餘。應同尹都尉。暇便著農書。

王尙書招同陸元輔鄧漢儀毛奇齡陳維崧周之道李良年諸徵士讌集怡園周覽亭閣之勝率

賦六首

北斗依城近。南陔選地偏。綵衣逢暇日。珠履託羣賢。山擁牆初亞。林疎徑屢穿。身隨沙際鶴。飲啄到平泉。石自吳人壘。梯懸漢棧牢。白榆星歷歷。蒼蘚路高高。宛得棲林趣。渾忘步屨勞。下山無定所。隨意各分曹。澗白泉初徙。籬金菊未枯。夕曛含略約。亂石點樗蒲。密坐千人許。迷途八陣俱。不因爨煙細。何處覓行廚。

風磴雙亭外。疎藤蔓十尋。龍蛇寒自蟄。鳥雀暮長吟。待結千花墜。應同萬柳深。隔林催未起。獨坐想濃陰。履滿西南戶。堂臨上下洄。落成凡幾日。勝引喜先陪。監史新圖格。壺觴舊醖醅。謝公能賭墅。會見捷書來。小閣簷端起。虛牕樹杪憑。忽驚黃屋近。更繞翠微層。九日今年悔。諸公逸興能。尙書期可再。雪後轉須登。

題周恭肅公畫牛二首

白川畫龍兼畫牛。遶村急雨菰蒲秋。百年紙墨黯無色。雲氣溟濛猶未收。牧童橫笛吹不得。背面卻看溪上山。記得濫溪西去路。荻花楓葉淺沙灣。

沈烈女詩

吳趨沈氏女。許嫁黃小同。墨車雖未迎。媒妁言已通。黃童抱羸疾。十九年命終。沈女得凶問。淚落如泉江。布總箭筈鬢。喪服治衣工。上樓不下樓。顛頓縣春冬。含辛桂枝蠹。食苦蓼葉蟲。父母勸之嫁。女恚經樓中。須臾救復活。自誓永不雙。獨居三十年。兵革俄乘墉。全家盡逃匿。女仍守樓牕。結我裳與衣。輟彼殮與饗。一笑歸黃壚。之死何從容。層層虎丘塔。下臨松栢桐。兩家謀合葬。龜筮咸相從。小字書新銘。白石沙磨礪。雙飛化蝴蝶。並蒂生芙蓉。春水鴨頭綠。秋草雞冠紅。花船恣來往。愛泊山西東。吾願游冶女。視此馬鬣封。

題腰鼓圖

細腰急捧鼓參搗。水調兼歌穆護沙。料得翻身誇絕技。只嫌插鬢少葵花。

丘漢陽壽詩二首

自從江漢櫂歸舟。雲壑棲遲三十秋。占得釣磯臨海嶼。至今八十轉風流。
圖經七十二福地。其二乃在東楚間。先生林居蓋池近。長年不改芙蓉顏。

屠維協洽

元日同孫枝蔚毛奇齡陳維崧吳雯汪楫諸徵士喬萊舍人湯右曾上舍集曹舍人禾書齋遲李
良年潘耒不至卽席限韻二首

勝引期元日。虛齋束五經。客來衣半白。杯至眼俱青。密坐更番改。清詩次第聆。燭花高不落。嘶騎且迴停。
極樂修簫譜。觴行罷酒盃。同聲歌郢曲。異味轉吳帆。東閣花須放。西山翠可鑷。還期共潘李。並馬試春衫。
古意投高舍人士奇

奕奕九成臺。泠泠五絃琴。威鳳刷其羽。歌舞樂帝心。朝儀靈沼上。夕息高梧陰。覽輝千仞餘。求友及遐深。
爰居本海處。亦復辭煙溽。東門一戾止。游目嘉樹林。和風動閭闔。百鳥啁啾吟。獨無笙簧舌。臆對難爲音。
主人軫物微。飼花若黃金。食之非不甘。愧莫報以琛。寄言鸞鳳侶。釋此歸飛禽。

酬閻若璩

烈火燔帝竹。秦鏡忽以淪。番番濟南叟。後死髦而勤。腹笥傳少女。齒落餘空齦。掌故穎川來。何繇聽其真。

所怪張歐陽。疑義嘿不申。金絲魯宮響。科斗蟠輪囷。俄遭巫蠱發。竹簡迹久湮。梅生千載後。一一紛羅陳。其餘航頭字。摺撫亦有因。譬若完衣裳。安用重補紉。文從義艱晦。體殊絕蹤塵。孔書旣成在。謨誥恆鮮新。何不正今譌。去險歸溫純。此義誠難知。疑者頗相循。閻生并州彥。徙宅清淮濬。去年應詔至。旅食春明春。小心對縫掖。餘勇刺古人。示我一編書。其言狂且醇。諸家援王吳。百氏搜墨荀。幽室決窾奧。希音辨韶鈞。雖爲見者駭。猶勝徒咕呻。吾生嬾述作。老矣潛悲辛。君非漢井丹。經義何紛綸。況有紈扇詠。贈我情彌親。客子寓招提。不出動盈旬。春冰玉河裂。草暖波粼粼。紅杏舒繁條。翠嵐壓重闈。相期出郭游。西山恣迴巡。並馬騁劇談。九皇八八民。醒卽坐松石。醉卽臥花茵。

御試省耕詩二十韻

長樂蚪鐘啓。端門羽仗排。良辰元已近。暄景暮春佳。帝念勤民切。羣情望幸皆。蘋風吹近遠。蘭澤洗氛霾。銜尾中流鷁。拳毛內廐騮。農輿霑雨露。俞騎束鞞鞞。沙柳津亭岸。山松驛路牌。西疇一以望。東作此時偕。予耜分原上。提筐饁水涯。杏花殷似火。菖葉小於釵。巷靜錫簫市。煙澄土鏗柴。倉庚飛習習。布穀語喈喈。樂事紆乾顧。豐年協睿懷。歌時成夏諺。行處卽堯階。帳殿開黃屋。人家遶翠厓。定知先稼穡。力爲減徭差。吉日宣王禱。空同軒后齋。星躔齊北拱。聲教已南諧。曲渚宜浮洛。芳尊迴勝淮。宸游多悅豫。振旅入天街。

送張大理雲翼省親皋蘭結婚作

纔投縞紵慰臨岐。別酒翻慳雪後持。聽棘暫辭歸覲日。絃桐爲譜述昏詩。咸陽紫鳳秦臺迴。京兆青螺漢殿知。此去心懸清禁月。重逢應及柳如絲。

爲姜宸英題畫

潞水秋風上短槎。日湖南望水雲賒。空教天子知名字。不賦長楊賦白華。

送施鑾范令什邡

早縮銅章去。嚴程莫滯留。連雲仍舊棧。到日恰高秋。訟向泉邊聽。書從鳥外郵。毋嫌山郭小。漢將此封侯。

寄酬張五處士兄彥之

五茸多富室。算緡苦煩拏。兄也雖屢空。家居能晏如。糠糲恆不飽。寄詩饒鴈魚。何哉兔園冊。不鈔貨殖書。

和田郎中雯移居韻

道南道北書一車。田郎與我齊移家。月俸雖分五斗粟。相呼野性同麀麇。濁醪盈杯注涑水。暖湯濯足歌彭衙。風簾無額星炯碎。短牆縱葺仍天斜。牕前喜有兩棗樹。凝想滿眼他時花。誦子山薑詩句爽。有若暝坐翻金鴉。盤空硬語和未穩。月黑漏鼓瑟瑟搗。布衾不睡我亦爾。牽牛獨處嗤媯媯。

題李檢討澄中所藏明月蘆鴈圖二首

吾家水閣傍江斜。風荻侵簷一丈花。連鴈低飛渾不見。祇聽拍拍響圓沙。

遠岸風微宿雨殘。天邊忽湧爛銀盤。盧河橋畔秋容好。比似南湖一曲看。

淨業寺看荷花同嚴四檢討繩孫作

香刹緣隄轉。官橋信水流。綠雲千萬頃。不見采蓮舟。

李檢討澄中惠鮮鰻魚賦謝

海岱惟青州。水族不可算。有魚其名鰻。託命白石研。孔如螺者九。體具蚌之半。浮沉信潮汐。出沒昧昏旦。涖涖逐崩濤。汨汨臨駭岸。漁師三五輩。利刃挾新鍛。迎寒解衣禪。燎薪雜石炭。我而投衝波。若勇士赴難。滑苔裹獷殼。自恃兩堅悍。彼石陷死地。嗟汝豈得竄。殺機伺巧發。一割乃中斷。黨附安可常。徒令見者歎。是物昔所珍。不數鵠鴉胖。彥回三十枚。曾鄙萬錢換。李君家諸城。古臺琅邪畔。封書敕官奴。鄉味來歲晏。荒途犯風雪。羸馬走顛汗。以之貽故人。腥涎尙未澣。疑有蠙珠存。無復朽索貫。饌法失嚴龜。食經忘馬琬。庖廚異羹臠。南北互譏噴。於焉出新意。滓汁藉糟灌。雜雜筠筐排。一一桂火煨。雖殊馬甲脆。足勝羊胃爛。觀頤匪自養。比鄰呼酒伴。饑奴了陶盤。不食真鈍漢。

送耿副使之官隴右

雙旌曉發動。征塵猶見黃。花驛路新。樹屏莫辭朱圉遠。封侯須與玉關鄰。魚龍積水褰帷近。馬鹿晴山繞幕春。到日西堂留牘少。尺書須寄倦游人。

佛手柑二首

柰女環初脫。金仙露最甘。萬重來水市。一笑啓筠籃。味豈踰淮變。香仍隔歲含。回思珠海住。千樹嶺雲南。宛是祇林得。宜從漢殿傳。浮江螺女外。置驛橘官先。白截鶩肪嫩。黃堆兔棗圓。尙嫌香氣遠。分傍枕函邊。

上章涪灘

平蜀詩十三章并序

臣伏見皇上卽阼以來。仁聲溥洽。凡在海外。重譯來格。邇者巴蜀負固。蕞爾叛寇。神人交憤。六師所向。何堅不摧。皇上先之以德化。未卽咸劉。乃凶渠旣殞。餘孽罔悛。天威赫怒。爰命虎臣。五道分軍。深入其阻。日未浹旬。保寧成都。千里底定。正月丁巳。捷書上聞。誕集文武臣工。宣于闕下。僉曰。蜀寇之不靖。於今六稔。皇上休養民力。湛靜不絃。金鏡在握。朗照萬里之遠。山川險易。瞭若掌中。廟算恢宏。指授方略。以師則武。以時則利。以將相則和調。用能不日成功。聖武布昭。遠邁隆古。臣以布衣。被蒙恩澤。拔置史館。粵稽曩昔。劉闢旣擒。韓愈進元和聖德詩。明之平蜀。劉基亦作頌以獻。臣雖蒙滯。躬逢盛際。於以頌揚丕烈。其何敢後。乃拜手稽首而獻詩曰。

皇帝聖哲。靡遠勿瞻。南諧北燮。西被東漸。蠢爾不庭。憑阻滇黔。爰踞巴蜀。以逞戈鋌。皇帝曰咨。无戎是敕。欲宣武功。誕敷文德。寇衆來挑。我堅壘壁。匪久其師。恤民之力。

民力旣恤。士氣孔揚。我車我牛。我倉我箱。芻茭菽粟。在巘在岡。萬夫豫附。萬馬騰驤。魁渠肆殄。梟謀日阻。帝曰可哉。命整雲旅。分鑣以馳。揚旌負羽。或搃其吭。或擊其脅。赫赫奮威。師度七盤。旣下葭萌。入閬中關。桓桓勇略。烏道鈎援。縣井旣收。遂復錦官。如彼東瀛。用注螢燭。如彼衝風。用卷秋穰。昧雉斯經。窮獸乃縛。徹其幟竿。清我堠柝。蜀之黃髮。植杖以遨。蜀之黃口。聯臂而謠。壺則有漿。箠則有醪。或徯于野。或迓于郊。迺驅迺理。禮林棘路。爾宅爾田。輕爾徭賦。巴貢其賤。寶輸其布。棧谷梯山。千里褰泝。捷書夜奏。徹於宸聰。午門斯啓。宣示臣工。小大稽首。蹈舞攸同。庭燎哲哲。光如日中。我出我師。正月初吉。至於益部。會不旬日。矯矯虎臣。殆罕其匹。帝心是嘉。首用遷秩。人亦有言。師克在和。惟此成功。廟算實多。貳者勿族。降者勿苛。皇仁之溥。四國是吡。井絡旣平。坤垠式奠。蒙詔牂牁。載歸赤縣。皇帝神武。俾脩組練。亦有昆池。於焉習戰。聖有恆訓。儆戒無虞。凡百有位。職思其居。勿謂外寧。官守或渝。小臣作詩。以贊訏謨。

題李檢討枏梅花圖和韻

樂飲高齋勝。都亭不易哉。客從元夕暇。花擬故園開。未雨莓苔潤。衝寒雀豹來。若爲方法便。分乞小牕栽。

刺梅園餞別陸進游汝陽

刺梅園裏青松樹。笑我頻來竟白頭。避暑暫辭襍穢客。停杯又起別離愁。村煙斷續陽人聚。山色東西邨縣樓。餘事機雲時唱和。莫忘日下置輕郵。

題湯上舍自牧潛籟軒

香草芹城外。幽居虎峪隈。緇塵吹不到。白鳥有時來。萬籟入門寂。羣花繞屋開。家僮聞剝啄。知得異書回。

七月晦日賜藕恭紀二首

宸遊西苑念詞曹。踏藕連船出鷺濤。白藕金門教遍及。青泥玉井訝新淘。欲添素節秋迎閏。是歲閏八月看漉花甌日漸高。賜果自來聞曲禮。不圖異數小臣叨。

分載篋輿路未賒。冰條玉筍淨無瑕。蒸來須實牙鑿稻。雪後寧論虎掌瓜。故事繙書前代少。歸田對客異時誇。餘根試傍柯亭種。驗取薰風紅白花。

送慕主事權關杭州

江漲橋邊路。星隨使者來。須知持國計。端藉軼倫才。書幌晴湖卷。茶檣夜火開。西谿春信早。誰並詠官梅。

題吳徵君雯詩卷二首

藉甚吳郎大雅材。賦詩不上柏梁臺。翻飛卻似橫汾鴈。幾度秋風上苑來。三晉風騷雜僞真。遺山歿後更無人。把君行卷誰堪並。除是番禺屈大均。

送趙主事吉士權關揚州

珠簾十里江都市。鐵鹿連船估客檣。持節自來星使重。算緡須比水衡強。橋邊揚子仍開驛。柳外平山舊有堂。到及梅花官閣綻。好攜賓從促飛觴。

贈別梅庚三首

宛陵才子數都官。似爾清詩和者難。猶記春游潭柘寺。下方點筆到層欄。東田西曲我曾居。擬向茅山讀道書。此意沉吟三歲久。送君南去轉躊躇。

谿山重疊細泉分。畫手由來最軼羣。輸與田郎團扇好。秋牕看寫敬亭雲。謂學使

奉酬相國馮夫子問病之作

月閏延秋序。樽空病酒徒。黃楊生易厄。烏几凭逾孤。夫子勝龍樹。奉錢資藥爐。清風兼有作。宛使蟄蟲蘇。送十一叔還里卽作豫章之遊二首

沙隄棘寺路依然。再到京華四十年。客裏鬢絲驚並老。愁中藥裹迭相憐。觥籌尙記投賓轄。薑蔗都無負郭田。此去南湖仍暫住。未容高枕竹林眠。

大江西上總風湍。猶勝驚沙老據鞍。擬共故人登快閣。便浮小艇泝層灘。竹雞格磔雲根語。蘭草葱青鏡裏看。南道逢迎應不少。莫輕留滯等長安。

曝書亭集卷第十一

古今詩十

重光作噩

送陸參議光旭督儲江北兼訊龔方伯佳育金司臬鎮田學使燮

春盤細菜散觥籌。暇許招尋醉肯留。遲日最難花下別。輕塵恰向雨餘收。熟知官閣三山近。預想燈船五月遊。驂竹黃童應笑語。石城岳牧總風流。

題李檢討澄中濯足圖

我昔左海遊。曾爲東武客。夕陽一騎人不知。馬耳晴峰照金碧。夢想青蓮五朵開。雩泉百折流瀼洄。當時濯足若逢爾。笏鞬桐帽忘歸來。攜手日上超然臺。

夏日瀛臺侍直紀事六首

暗水三橋出。明星萬戶開。玉堂鈴索動。宣喚入瀛臺。
宿葦多於薺。涼沙白似冰。隴隴深樹裏。忽露九枝燈。
麗草雲根潤。風花鳥下香。蓬萊今始到。真在水中央。

太液新蓮葯。金盤曲宴初。君恩念蠲渴。先賜馬相如。
螭首濡毫罷。蛾眉散直歸。爐煙香未歇。荷氣復侵衣。
紫籩千花露。金塘萬柳條。牽罨容左史。徐度赤闌橋。

五月丙子侍宴保和殿恭紀二十四韻

柱下隨周史。琴邊聽舜歌。廟謨神策勝。荒服遠人過。
葱嶺車書接。條支部落多。郵籤幾重譯。貢使百明駝。
黃帕開封速。花甄視日趨。九賓齊脫劍。一士許鳴珂。
乍橐螭頭筆。還衣鳳尾羅。逶迤緣幔閣。踖踖步鑾坡。
天半聞清蹕。塵中隔絳河。班聯小侯近。禮異叔孫苛。
秬秠官庖出。葡萄塞馬馱。壺冰淘紫苣。山葉裹瓊禾。
割肉容臣朔。傾心到尉佗。上雲留麗曲。深雍舞蠻韉。
喜溢龍顏甚。衰慚鶴髮何。見知真特達。矢報尙蹉跎。
懷核披香案。分酬太液波。自然蠲渴暑。直覺去沉疴。
煙淨高城柳。風傳別殿荷。景猶長北至。序正秩南訛。
帝治原無外。皇居信有那。萬方皆屬國。六詔敢橫戈。
洱海兵將洗。苴蘭石可磨。宣功宜作頌。聖德邁元和。

題王舍人嗣槐西山游記三首

三年索米住長安。咫尺雲峰欲上難。讀罷高文但西笑。
開簾試隔女牆看。盧師說法已千霜。石上松猶四尺強。
我亦曾尋二龍子。夕陰點筆在莓牆。上方絕磴最嶄巖。
花藥春叢靜不芟。六聘山中三日住。輸君秉燭入空嵌。

臨淮口號

鮮鯽臨淮美。傳聞尺半強。祇供津吏索。不放老夫嘗。

秋杪同周贊王羣李符龔翔麟邵夔舍弟舉玠從子建子游攝山是夕包銘曹彥樞適至際曉周覽山曲信宿乃還輦圖爲行看子各紀以詩予得四首

一峰立如繖。衆峰韜陰霞。有時衆峰露。一一青蓮花。我來秋已深。白露零蒼葭。同調五六人。志在窮幽遐。出郭屏僂從。取徑入嵒呀。高墳何王墓。但有麟辟邪。犬吠疎籬根。鳥棲枯樹樞。每因青谿曲。遂使略徇斜。山僧遠迎客。拄杖披袈裟。坐我青豆房。汲泉烹紫茶。

槭槭霜葉鳴。皎皎霜月白。豈期深山中。乃有不速客。將無御風行。吹落大小翮。手持竹如意。並坐萬古石。舉杯斟酌之。酒戶笑連壁。東林鐘魚聲。相荅永今夕。

凌晨取微徑。栗杖叩精廬。病葉脫鴨腳。斜門束林筵。秋盡澗泉涸。厝窟徙潛狙。谿橋凡屢渡。徑草多未除。西上天開巖。縱觀石壁書。大江流烏下。日午風舒舒。急漿擘盧舟。有若逆水魚。不知躋絕頂。蒼茫復何如。山游逾信宿。未能極深窈。我僕迎路隅。揭步出叢篠。比丘指雙松。紀年千歲少。何人植此樹。毋乃明僧紹。摩挲捨宅碑。風迹尙未杳。王郎妙山水。能事擅江表。試畫偕游朋。煙液信昏曉。經營殫意匠。改月庶能了。

晚登燕子磯同周布衣贊柯舍人崇樸各賦三韻

舞燕寒不出。危磯淨無塵。夕陽射亭柱。遠渚移釣輪。應從長蘆畔。指點登高人。

魯太守超席上賦

海內詞流幾派分。盡誇皇甫士安文。太守作今詞選序正愁縞帶交期晚。蚤有瑤華驛使聞。歸路亭皋飛木葉。放

船薛澱冷湖雲。十年夢寐西堂燭。今日題襟得共君。

贈徐丈

石帆先生海嶽姿。盛年解組棲山茨。耕漁軒竹長千个。上下崦梅開幾枝。有客問年書亥字。閉門轟飲過申時。只今介雅多新句。好續金蘭舊日詩。

玄默閣茂

送徐中允秉義假還崑山六首

紫陌春晴匹馬歸。清江南下一帆飛。人生半百且適意。未見朝衫勝芟衣。經義紛綸致異同。誰能閉戶軟塵中。著書終讓名山好。輸與周南太史公。舊侶荆高對酒頻。香螺畫榼五冬春。獨醒客去無堅坐。臥甕憑誰捉醉人。石湖居士范成大。金粟山人顧阿瑛。歸向東吳無箇事。留賓題徧草堂名。爛漫廚煙煮野蔬。菘根秋末韭春初。到家一事差堪惜。不食松江巨口魚。中允性不食魚

淥波碧草望中遙。劉井柯亭轉寂寥。他日歸帆下吳苑。先攜竹杖訪平橋。

送張劭之平遙

彼汾沮洳吾舊遊。送爾匹馬逾徐溝。人行芳草碧於水。日出杏花紅滿樓。榼中酒味苦桑落。簾外鳥聲黃栗留。客居適意遠亦得。搖筆賦詩何所求。

送孫編修卓使安南

詞臣銜命自螭坳。親捧天書出漢郊。萬里騶鸞經北戶。百夫騎象迓南交。蕉花紅壓桃榔杖。蘭葉青連翡翠巢。知有清文冰雪並。能令瘴雨洗黃茅。

李檢討澄中紺園雜詠六首

荷陂

風過蓮葉香。日出釣船去。不聞雞犬聲。但有鷓鴣語。

柳浪

斷岸綠楊齊。濃陰覆水低。東風吹太急。扶起過橋西。

綠水軒

軒中獨木几。檻外獨木橋。際夜沙月明。蘆荻風蕭蕭。

會心亭

雜卉秋尙開。淺莎晴可坐。於此獨寤言。浮榮等糠莖。

鏡香樓

吾里鏡香亭。君家鏡香樓。滿池鴛鴦浴。四面芙蓉秋。

松風臺

山月無片雲。夜半松風起。欲寫入瑤琴。風聲吹不已。

上巳萬柳堂讌集同諸君和相國馮夫子韻二首

不到閒園已隔年。綠楊高映女牆連。無妨並馬橫橋渡。更許深杯曲水傳。徑仄易侵蘋葉小。日晴況有杏花妍。舞雩幸忝從游列。澹沲春光過禁煙。

小徑升堂步履偕。隄沙遙築避塵霾。歌翻驟雨新荷好。地比崇山峻嶺佳。露井有華滋藥甲。春衣無桁挂松欵。永和會後斯游最。禊飲蓬池未許儕。

送陳四處士晉明再入楚二首

燕山雪後送君行。茸帽駝裘馬上輕。一片晴川萬楊柳。春風重入武昌城。官清幕府足棲遲。漢上題襟定有詩。鑿井便爲王粲宅。行歌隨處葛疆池。

沈詹尹莖崔少詹蔚林招同湯侍讀斌施侍講閔章潘檢討耒飲限燈字

九月秋陽氣尙蒸。晚來欲雨薄寒增。黃花插帽經三宿。白苧裁衣試幾層。小鳥飛翻簷外樹。微風升降酒邊燈。相期偶值趨朝暇。起問寥寥鼓未曾。

同作時重陽後三日

潘耒

西峰鎮日翠峻嶒。倬直無因得共登。九陌年華銀箭水。千秋心事玉壺冰。惟因綠酒親元亮。莫遣黃花笑季鷹。卻憶升平多故事。醉騎官馬簇紅燈。

送查上舍昇之湖口

爾去彭湖口。香爐對客牕。潮痕灌嬰井。果否應潯江。

除日保和殿侍宴

珮結緋魚後。樽開白獸先。呈能勾樂隊。密坐潤爐煙。紫路頻除夕。青燈異往年。誰當頌椒會。猶侍聖人前。

昭陽大淵獻

元日賜宴太和門

垂衣逢盛際。輯玉盡來庭。白醞三光酒。青歸一葉萸。新年恩較渥。昨日醉初醒。九奏鈞天曲。風飄次第聽。

十三日乾清宮賜宴

詔許宮門入。人隨陸戟移。江梅低壓帽。火樹密交枝。既醉盈觴酒。無疆萬壽詩。夢游真不到。今夕奉恩私。

是夜賜內紵表二裏一

元老傳天語。殊恩及侍臣。禮優加束紉。價重抵雙銀。笑荅妻孥問。爭尋剪尺頻。光風今歲早。春服最宜人。

十五日保和殿侍食

露草詩歌雅。雲天易象需。不圖大酺樂。獨許小臣俱。注盃茶膏滑。堆盤菜甲殊。歲除曾幾日。四度飫堯廚。

是日再入保和殿侍宴

乍賜晨餐出。仍容午宴陪。一夫馳秉翟。七校下傳杯。妙舞娑盤歇。華鐘取次催。分明衣上月。攜自九霄回。

二十日召入南書房供奉

本作漁樵侶。翻聯侍從臣。迂疎人事減。出入主恩頻。短袂紅塵少。晴牕綠字勻。願爲溫室樹。相映上林春。

恩賜禁中騎馬

魚鑰千門啓。龍樓一道通。趨翔人不易。行步馬偏工。鞭拂宮鴉影。衣香苑柳風。薄遊思賤日。足繭萬山中。

三十日上自南苑回賜所射兔

壹發歌文囿。三驅入漢郊。乍肥淺草窟。宜入早春庖。賜向燈前出。歸從馬後捎。食經繙未得。方法試燔魚。

二月初二日賜居禁垣

講直華光殿。居移履道坊。經營倚將作。宛轉繞宮牆。對酒非無月。攤書亦有牀。承恩還自哂。報國祇文章。

駕幸五臺山恭紀三首

圖經曾識五臺名。想見雲從帳殿生。節物乍分春恰半。登臨最好雪初晴。林香紫鴿翻風上。月黑金蓮照地明。定有山靈呼萬歲。不徒龍象下方迎。

花宮高下繞臺懷。鐵鑲層層鴈齒階。代郡雲山連朔郡。北街星斗劃南街。千夫試轉清涼石。二月如燔泰岱柴。望秩百王曾不到。天教宸藻首磨崖。

紫府仙居岳鎮同。削成大古想神功。地傳竺法蘭棲處。山入勾龍爽畫中。曲磴溪流頻度馬。晴雲鳥下數歸鴻。省方豈爲尋沙界。特采天花壽兩宮。

駕自五臺回賜金蓮花

紫府蕃神草。金花近御牀。獻非緣鹿女。恩許載牙箱。一束叨殊數。千金補禁方。丁寧須什襲。或恐夜生光。

銀盤菇

細菌多無算。銀盤大一圍。未殊榆肉脆。更較樹雞肥。御墨題猶溼。嘉蔬物豈微。流傳文館記。盛事景龍稀。

賜紵紀事

上闌初日映簾犀。天語聽傳紫閣西。織自珠宮加熨貼。擎來黃紙驗封題。折枝花訝臨風並。掉尾鯨看戲。

水齊。端綺入春恩。再洽稱詩彌。媿在梁鵝。

賜御衣帽恭紀

鶴紋初啓尙衣封。藤帽朱絲自九重。日角乍辭宮樣穩。冰紈不散御香濃。玉堂掌故傳他日。清鏡衰顏話舊蹤。回憶滄江六年事。筍皮荷葉釣船縫。

醍醐飯

絕品醍醐飯。人間總不知。素餐臣節媿。推食主心慈。九釐長腰米。兼金六寸匙。青精徒自滑。較此駐顏遲。

賜鱒魚

京口鱒魚尺半肥。黃梅小雨水平磯。無煩越網千絲結。早見燕山一騎飛。翠釜鳴薑纔敕進。玉河穿柳旋攜歸。鄉園縱與長干近。四月吳船販尙稀。

憎蠅

曉夢晨光裏。羣飛戶尙扃。慣能移白黑。非止慕羶腥。曲几思投筆。輕巾屢拂屏。北牕眠未穩。孤坐憶江亭。

憎鼠

尺二田間鼠。何來廣廈中。鬚看縛筆易。聲比數錢工。未肯腸三易。須知技五窮。銜蟬如可聘。滅燭臥宵終。

送杜少宰臻視海閩粵二首

漢將樓船遠受降。重臣疆理到南邦。山程伐嶺復見嶺。水驛下瀧還上瀧。榕葉清陰交露輞。梅花疎影入吟牕。不知五色羅浮雀。玉節前頭日幾雙。

暫輟山公啓事書。周巡閩海自扶胥。廿年已失魚鹽利。百戰猶存蕩析餘。鴈戶沙邊尋舊宅。鮫人渡口趁新墟。恩言卻似平淮後。相度來宣走傳車。

早秋西華潭

殘暑秋逾熾。涼風午乍催。微波蓮葉卷。新雨豆花開。宛轉通橋影。清冷傍水隈。夕陽山更好。金碧湧樓臺。

夜起

銀浦懸宮月。金風動井榦。魚雲吹不去。蚪箭滴初殘。木落南樓早。山連北口寒。秋來無別夢。夜夜望回鑾。

送宋僉事華之官通路四首

十里鶯花露輞前。慶豐插水得漁船。莫嫌一出春明遠。猶是城東尺五天。中盤曾聽佛樓鐘。按部重登紫蓋峰。料得使君吟興發。塞門百道走紅龍。漁陽松繖寶坻魚。漉酒吳船味不如。更憶昔年移柳在。濃陰輸爾晝簾餘。白馬銀鞍紫絡纓。引弓曾傍屬車行。爲郎未老單車出。射虎重過右北平。

次韻贈沈上舍

沈郎詩格珊瑚鈎。曾題八詠之高樓。著書應過習鑿齒。論事不數賈長頭。橋門鼓篋又三載。社酒治蠶須幾秋。愛子齋居花滿眼。疎簾清簟坐銷愁。

題高侍讀江村圖二首

菊圃疎寮舊跡存。畫圖髣髴見江村。雙橋儘許通舟楫。他日柳陰來叩門。杜甫南鄰有朱老。吾將徙宅問東家。水邊沙際閒田闊。添種鳴桃千樹花。

題畫羅漢

梅生小十六羅漢。筆力遠勝盧楞伽。我題此幅更奇絕。人影瘦於枯木查。

題雪中垂釣圖

九十九淀畿南水。五三六點塞北鴻。雪花漠漠濕柳絮。人影瑟瑟枯蓮蓬。易酒涑酒村壺白。東家西家爐火紅。此時堅坐不歸去。一笑無乃天隨翁。

爲王祭酒士稹題畫冊二首

澣山灤口水模糊。穉柳夭桃何處無。他日雪堂留客逕。不難疏鑿擬西湖。寒江窠石早梅舒。此地仙居也不如。但恐瀑泉侵案濕。小牕催徙讀殘書。

法酒

敕自宮門下。香從內庫來。綠瓷雙甕滿。黃紙一封開。燈火將除夜。屠蘇最後杯。沉吟主恩重。入手且先催。

官羊

考牧傳周雅。魚羔憶楚騷。肥應速諸父。瘦敢讓聯曹。家祭占丁巳。毛牀鉸圈牢。賜生臣必畜。詎忍授屠刀。
少牢饋食禮。日用丁巳。齊民要術。養羊法。三月。毛牀動。則鉸之。五月。毛牀將落。鉸取之。八月。又鉸之。

鹿尾

東丹王子畫。移刺楚材詩。鹿尾漿始見楚材集。尻截漿尤美。肴蒸味最奇。須停射工脯。不數果園狸。燒尾聞唐日。今朝宴亦宜。

梭魚

雉兔關東最。梭魚味更良。刺方青鯽少。鱠比玉鱸香。賜出春初早。攜歸尺半長。罟師題字在。魚鱗有字。識獲時係十月十日。寧分小臣嘗。

除日侍宴乾清宮夜歸賦

千門除日已春融。兩度椒盤侍禁中。坐聽鈞天仙樂後。起看珠斗上闌東。歸鞍笑逐三驥馬。守歲歡迎五尺童。不是雲漿浮鑿落。衰顏那傍燭花紅。

曝書亭集卷第十二

古今詩十一

闕逢困敦

元日南書房宴歸上復以肴果二席賜及家人恭紀

纔承曲讌侍仙闈。又撤瓊筵到北扉。歲酒更番移席勸。主恩一念感心微。比鄰漏下驚窺戶。兒女燈前笑攬衣。閒向金坡說遺事。全家賜食古來稀。

自禁垣徙居宣武門外

詔許攜家具。書難定客蹤。誰憐春夢斷。猶聽隔城鐘。

送張先生巡撫山東二首

十二河山大小東。中丞持節鎮繁雄。循良久數張京兆。副相依然漢上公。井稅蠲來青帝壤。屬車迎及素王宮。誰華秋色看逾好。秀澤單椒儼畫中。

秦雲堂上酒曾酣。種竹開亭徑舊諳。山湧高城雙戟外。池分新水七橋南。要知政簡無留牘。可許朋來賦壺簪。準擬春風陪杖屨。重游細酌澆泉甘。
澆泉予客濟南時所鑿

同黃虞稷周在浚彭桂飲劉學正中柱齋

國子先生屋數椽。晴牕齊拓衍波牋。詩題史籀岐陽鼓。書載汜光湖水船。百罰深杯初度夜。十年舊雨一燈前。不嫌臥甕人來數。日日牀頭釀酒錢。

副相徐公庭中種蕉結實禹鴻臚爲作圖因題絕句三首

已愛清陰護綠紗。更看秋蕊綻靈芽。豐宜門外園官老。能得幾人逢此花。

日南曾記一叢叢。合薦冰盤荔子紅。誰料塵沙燕市滿。露珠涼綴小亭中。

十年青簡待封題。官燭長分太乙藜。正值閒庭花放日。便應焚稿禁園西。故事國史編成於西苑蕉園焚稿。

題汪贊善霽讀書秋樹根圖

千官仗下列蛾眉。東馬嚴徐獻賦時。安有斯人坐雲壑。披圖眞笑虎頭癡。

同陸處士查上舍兄弟寓齋小集分韻得逢字

金水橋南楊柳西。華潭外芙蓉。衰年杯興未減。隔歲詞人又逢。爾汝何甥謝舅。飛揚季虎頭龍。夕曛戀客未落。留聽西林暮鐘。

送益都馮先生集萬柳堂次韻二首

十里沙堤萬樹楊。秋容猶未點新霜。小車稷下將歸日。上巳城東舊醉鄉。坐立部歌聽總好。田園樂事話

方長千秋祖帳嬴疎傅錄別樽前有和章。
白頭許賜治源閒。青史難將諫錄刪。此去耕漁尋舊侶。且憑絲竹解離顏。開簾浴鳥階前水。過雨斜陽檻外山。他日從游期莫定。強留嘶騎玉河灣。

送張遠之桂林二首

濯枝新雨玉河隄。送客遙尋五筦西。自是驂鸞逐仙侶。緇塵不上錦障泥。
星郵南指伏波巖。路轉衡山九面帆。吟到相思江更好。綠榕樹底紫蕉衫。

題王叔楚墨竹爲家上舍載震賦

畫家畫竹專用墨。李波文同已難得。後來能事吳仲圭。橫斜曲直無端倪。誰爲此圖王叔楚。意象豈必全師古。竹枝大者一尺強。其餘瑣細抽風篁。山泉泠泠走石罅。可惜無人坐銷夏。潛江主人購得之。索我點筆題新詩。吾家長水一茅屋。北垞南垞都是竹。每憶園林燒荀時。不戀樹雞及榆肉。海陵曹岳爲我畫作圖。藥爐茗椀書籤廚。年來松菊成榛蕪。對此臨風一惆悵。歸與歸與范蠡湖。

送馮遵祖宰平陸

著書獨有五亭好。作吏無如三晉閒。醉裏襄陵官甕酒。到來底柱郭門山。耕餘讓畔田千頃。吟對浮查水一灣。白鴈年年度汾曲。相思煙月幾彎環。

送少詹王先生士禎代祀南海兼懷梁孝廉佩蘭屈處士大均陳處士恭尹

今年天子省方岳。詔祀四瀆封五山。屬車先行上日觀。使者分命辭星班。先生儲端午遷秩。誕持龍節臨百蠻。維南有海祝融宅。沐浴日月神所寰。吾昔踰嶺謁祠下。嘔啞門啓金獸環。木棉陰濃畫壁冷。銅鼓雨漬苔花斑。模糊穹碑蝕歲月。夾侍祕怪殊鬚鬢。鸞帆歛忽鷗母惡。珠宮貝闕罕得扳。布還反。先生到日陳祝册。扶胥渡口黃木灣。雙崖斷若青玉玦。小海大海波漩還。綾袍織成孔雀翠。綵旗飄颭芙蓉殷。神絃安歌合竽瑟。巫覡屢舞搖花鬢。牲肥酒香百靈悅。旋臚奮權渡無艱。乾坤端倪盡軒豁。鱷魚遠徙除陰姦。五羊仙城六榕寺。劉王花塢恣迴環。況有尉佗臺畔樓。晴闌百尺眺高閒。人家兩岸種紅豆。芳草一叢飛白鷗。荔支洲邊少黃葉。菖蒲澗曲多青菅。江蕉成林乳滴滴。山鳥挾子鳴喧喧。珠孃搖櫓蜚子唱。小舫亦足開襟顏。先生賦才媿羣雅。得句豈獨驚愚孱。古來時巡必望秩。書有帝典頌有般。蚬蛤毛筆鸚鵡硯。輜軒所采誰能刪。郵籤雖越一萬里。計程七月當來還。河冰未合日南至。蘆溝橋水流琤潺。四牡光華送行邁。車前騶唱難牽攀。最愁執手河梁人。歸時穩臥柴荆關。南園舊友儻無恙。尺書報我吳會間。

送周參軍在浚之官太原

曩客晉陽城。逢君館香界。羣公方愛士。列席邀旅話。君時一縫掖。血氣自矜邁。高坐噉蕨肩。勇若舞陽噲。百壺恣傾倒。寸心無薑介。此會二十年。平生生意所快。川涂屢漂泊。第宅改湫隘。謀生術愈疎。汲古心匪懈。

詩圖審正變。樂章別流派。博稽皇象碑。耽讀向平卦。以茲河漢才。金門足遷拜。一官趨幕府。諾仕吁可怪。衣垢馬足塵。氣短酒壚債。所幸山水區。轍跡舊曾屆。瑋琮難老泉。分流注蒲稗。中有長生蘋。葱青儼圖畫。峪藏千佛經。遺蹟久未壞。吾初見之喜。力欲抉幽砦。徒置叔虞祠。琳瑯等金薤。事惟慮始難。謀以蓄疑敗。風峪洞中有北齊天保時刻佛經石柱一百二十六。予客太原。謀于王方伯顯祚。曹副使溶。將啓而徙於晉祠。築亭貯之。有方使君持不可。乃止。好奇君過我。試往破天械。築亭古柏交。移石秋陽曬。廣揚九萬牋。流轉都市賣。卽事良可傳。居卑莫深喟。行春狐突山。翫月鮑昭廡。適意亦由人。慎勿形神瘵。

送田少參 雯之楚分韻得江字

前年白下君送我。臨當解纜拔柳椿。勞勞亭子惜分袂。津吏伐鼓聲逢逢。今年燕市我送君。西山積雪連崆峒。夕陽欲落猶未落。返景倒射紅油牕。人生會難別苦易。君又乘傳熊渠邦。川涂迢遞四千里。計程涉濟河淮江。翻飛蒼鴈且莫致。攬環結珮何時雙。深杯當前宜縱飲。滿貯獸火傾羊羶。坐中曹貞吉謝重輝。鬪奇句。掉險類舞都盧橦。譬諸宮商迭相奏。竽瑟控榻紛瑋琮。君亦錄別留新詩。偏師一出長城降。古來文人志開濟。豈必翰墨驚冥忝。邇者七澤罷兵革。燒畬買犢齊耕耰。芻菱米粟待輸輓。宮籩糗糒爭牽扛。有時清暇集參佐。赤闌湖口浮舴艋。雄風颯然蘋末至。怒濤直指臺根撞。武昌魚泔十千尾。宜城酒醞二百缸。維藩樹屏昔所重。快意不在張牙幢。吾今謫官一無事。思從楚客搴蘭芷。題襟漢上許酬和。他日抽

帆偃畫杠。

送曹郡丞貞吉之官徽州

勝絕新安郡。高秋擁傳行。江流清見底。山色翠當楹。萬壑雲爲海。三都石作城。漆林分井社。松蓋辨陰晴。墨愛麋丸漬。茶先穀雨烹。由來風土美。見說訟庭清。之子齊東彥。才華鄴下并。詞源白石叟。詩法玉谿生。鳳沼趨晨久。鸞臺典籍榮。後來薪愈積。老去驥長鳴。豈厭承明出。遙思廐吏迎。名山謝康樂。隱吏許宣平。晚飯桃花米。春廚竹筍萌。麥光題素紙。龍尾滌金坑。暇有懷人作。知同惜別情。十年呼薊酒。雙調譜秦箏。忽漫登長道。沉吟數去程。跡猶淹旅食。心已定歸耕。七里嚴陵瀨。千秋黟帥營。相尋試酬和。編筏采紅蘅。

贈別孟楷二首

老夫臥穩謝浮名。羅雀閒門少送迎。一事近來差快意。篋中詩得孟雲卿。碧山學士王聖與。鑑曲詩人陸務觀。五百清詞纔過眼。最愁花外送歸鞍。

詠柿

纍纍八稜柿。託根西山陽。一株一畝陰。蟲鳥莫敢藏。烏稗秋迸實。赤葉新翻霜。團酥釀甘露。冰齒流寒漿。回憶三伏時。毒熱難周防。永日無片雲。焦煙起連岡。行人經樹底。豈異冰壑涼。此時儻結子。瓜果安足方。奈何風淒其。摘來始盈筐。嗟爾生非時。難誇受命強。況值蟹膏肥。配爾慮見殃。憧憧往來人。掉臂不一嘗。

空煩黃口兒。燈火市道傍。南鄰煨芋栗。北舍鳴椒薑。炎涼迭相代。歛退分所當。幸有林居人。愛之終勿忘。

題東浦學耕圖二首

上書空敝黑貂歸。賣賦年來計漸非。爭似爲農東浦畔。醉吟獨速舞蓑衣。

老我青緇嬾束腰。薄田枕水傍灣橋。明年準擬全家返。也買烏犍種楚苗。

題汪檢討楫乘風破浪圖

汪君才地何崢嶸。直與東馬嚴徐并。一朝銜命使絕域。瀕行封事上九閔。乞降御筆示海外。永使荒服輸其誠。僉曰不可。帝曰可。濃墨大字搖光晶。天子臨軒賜顏色。容臺諫院那得爭。琅函錦題國門出。車前騶唱揚三旌。麒麟之袍繡織成。青絲絡馬雙鞶纓。被以重鬪紅猩猩。南浮江淮達閩越。長風五月沙雨晴。天妃廟前醜酒行。柁樓語笑潮已生。梅花洋東天水黑。但見日月星辰明。一夫危檣赤腳撐。捷如山木騰颺颺。百夫仰望目盡瞠。峭帆風飽弓在檠。又如張翼鷲鳥征。有時吟嘯訝餅笙。千人同舟一心力。不比吳越交相傾。巨魚長似金背鯨。揚鬣前導莫敢撓。滿空霜禽飛且鳴。黃衣蝶翅方鸚庚。昏波忽拔虎蛟穴。靜夜或睽驪龍睛。潮雞報曉鼉報更。三日竟指中山城。中山君長搓手迎。道旁張樂聲琤琤。傾城士女堵牆立。筍皮笠重蕉衫輕。叢筠夾岸煙梢平。佛桑花開白紫纈。日長使館坐無事。圍棊隔院聞楸枰。銀光研紙百幅呈。詩篇或與沙門賡。愛君臨池用筆精。草書不減張伯英。八分遠過梁昇卿。宣尼新宮碑一丈。高文摹

勒榜兩楹。更聞島中田少耕。賓筵日日羅香秔。佳酥之魚翠釜烹。香螺勸酒黏綠餠。模糊深椀山蔕羹。遐
陬風土正不惡。亦有花藥同揚荆。歸艎仍以鍼計程。往還七見蟾蜍盈。君來詣闕因陳情。請假讀禮旋書
棚。卻金復荷主恩賜。投牒翻來遷秩榮。憶昨送君秋氣清。纔逾一暑入帝京。金門咫尺我顛蹶。君乃萬里
來蓬瀛。披圖雪浪看尙驚。眼花欲眩心怦怦。耳中髣髴波濤聲。粉精墨妙誰經營。恍疑博望星槎橫。我歌
長句揮散卓。青雲敢附千秋名。

題侯開國鳳阿山房圖三首

四先生里讀書莊。髯也經營與不忘。張筆孫詩陸經義。孰居南北孰中央。謂張上舍雲章。孫孝廉致彌。陸徵君元輔。
吾家亦有三畝宅。千个篔簹兩樹桐。輸與勾吳歸客健。滿頭白髮帝城中。
練江風物最牽懷。藥布筠筒市滿街。他日堂成須報我。便拖竹杖覓吳鞵。

沈上舍季友南還詩以送之

有客辭我行。席帽白羅袷。自言不得意。歸當荷松鍤。小園柘湖澗。流水似清雪。離黃舞花梢。靜綠照簾桺。
青蒼風筠竿。紫茜露藥甲。都籃茶具列。月波酒槽壓。恆許二仲尋。寧嫌三徑狹。年豐鰕蜆賤。市遠漁樵洽。
權歌夜尙聞。香稻曉仍畱。暇便操土風。先民有遺劄。上舍輯。樵李詩。樂郊續私語。雅製洵不乏。憶昨擔簦來。燕臺
雪飛恰。高詠篋中詩。得句奇且法。燈火擁上元。酒人齊賞狎。陽春詎寡和。轟飲恣深呷。雅材一百五。珠槃

藉爾歌，駢詞妙徐庾。經義析鄒夾，謂當搏扶搖。青雲在俄霎，豈意威鳳姿。先鳴讓鸚鵡，新霜危葉墮。遠渚羈鴻唳，別筵逾九日。寒水響五牖，竹節鞭乍持。萸房鬢猶插，倦游憐歸人。有若劍離匣，改歲誓言旋。比鄰數鵝鴨。

和韻題惠周惕紅豆書莊圖五首

離離紅豆映空亭，裊裊牽牛上短屏。最愛舍南風幔卷，高城不隔遠山青。
粥魚茶板近松門，夕照雙浮塔影存。一入畫圖看便好，城居僻似沈尤村。
全家擬泛酒城東，已分生涯釣叟同。他日招邀葑田北，一帆風飽似張弓。
羣雅之材一百五，說詩匡鼎未應過。老夫也擬刪箋注，點墨研朱奈嬾何。
吳船歸及早梅春，淨洗東華短褐塵。我亦潞沙旋放溜，來尋北郭十詩人。

嘉禾篇頌張先生

康熙二十三年冬，天子將登日觀峰。十行詔下軫三農，薄徭放稅寬租庸。南徐夫子小隊從，天廐賜馬繡纏鬣。先時水旱頻告凶，北達河泆東滌灘。晨炊不舉夜不舂，夫子下車憂慙慙。請發倉粟救鞠訕，鄉師爲粥吏佐饗。饑者得食皆歡悰，有如鴈唳魚噉喙。土鼓賽社聲瑟瑟，服田力穡不敢慵。麩麥旣登種稔種，洽風時至甘雨濃。生我嘉穀黑白彤，一莖乃見抽三稜。露苗珠綴花惺忪，照以澹月涼溶溶。下有溝水鳴琤琮。

淙。耕夫饁婦齊動容。樵負稚子行歷蠶。百年野老訝未逢。載筐及筥包以幪。來告節使獻九重。般般者獸
宛宛龍。連理之木蟠枝松。玉芝紫脫青芙蓉。未若茲禾和氣鍾。靈苗驛驛芒茸茸。八月其穫崇如墉。輸之
天庾惟正供。我聞樂事舒心胷。大賢美政孰比蹤。不貪爲寶民吏宗。主聖臣良時乃雍。五風十雨殊乾封。

簡宋觀察華

今年燕臺數雨雪。雪晴九陌吹回風。欲鳴不鳴曷日鳥。得過且過寒號蟲。茸裘已敝庫尙典。濁酒苦貴樽
長空。故人念我儻分贈。薊門白炭盤山菘。

題陳履端詞稿

尺書頻寄慰衰遲。裘履風流又一時。珠玉連篇歌乍闋。么絃別譜小山詞。

題洪生對酒圖

酒庫京坊六度開。近無月奉市官醅。荆高舊侶多零落。賴爾南鄰日往來。

再題高學士江村圖二首

荒茅結屋短牆垣。不似金坡學士園。只合年年借儂住。漁竿漁網插溪門。
勾吳嚴四畫難得。比似菘村境復殊。想像江鄉宜有此。蛤蜊菰葉賀家湖。

爲畢大生題扇

今年十月尙暄和。雨後流泉響玉河。竹扇未應收畫篋。絮衣猶可著香羅。籬根細菊冬逾媚。砌下吟蟲夜轉多。那得滄洲載新酒。亭前捉臥甕人過。

雨過劉學正兼隱齋觀石鼓文拓本

今秋最多雨。陸嘉淑昧谷藏烏蟾。彝尊枉書丙丁帖。魏坤果符甲子占。劉中柱夙興愁霞積。朱載震餘溜消突黔。查慎行折簡四門至。嘉淑卜晝得所欣。彝尊各各衝塗泥。坤紛紛汚鞞襜。中柱入門老莎滑。載震遶屋細菊黏。慎行焜黃已撼撼。嘉淑晚翠方娑娑。彝尊濕徑乍一取。坤油雲俄重淹。中柱側耳聽浙瀝。載震深坐防濡霑。慎行際此靄零并。嘉淑猶未霰雪兼。彝尊臘釀清五加。坤獸火紅半杓。中柱安肅菜翦甲。載震直沽蟹撐箝。慎行海物羅瑣碎。嘉淑山果咀酸甜。彝尊捉臥甕人醉。坤覬不速客添。中柱中筵樂方畢。載震主人發經奩。慎行獵碣自陳倉。嘉淑甲乙分排籤。彝尊其辭儷雅頌。坤其法妙鈎鈔。中柱選徒悉左右。載震體物窮游潛。慎行秀弓旣云調。嘉淑麋豕罔不殲。彝尊君子爰適樂。坤籩豆充包燂。中柱詩疑吉甫作。載震書命臣籀僉。慎行車攻與吉日。嘉淑比擬意交厭。彝尊奈何馬鄭徒。坤紛紛綸起詖諛。中柱年殊成宣狩。載震譜異姬嬴鏡。慎行缺畫費咿嚶。嘉淑密義煩顧瞻。彝尊修藤蔓麤望。坤勁草萌勾尖。中柱簪花女姚冶。載震帶甲士凝嚴。慎行作龍之而鱗。嘉淑掀攬于思髯。彝尊往在岐陽時。坤曠野孰窺覘。中柱受辛相夜杵。載震敲火磨霜鎌。慎行宣和忽移致。嘉淑皇慶乃覆苫。彝尊切磋留太學。坤愛惜蓋深檐。

中柱鈎金縱剗剔。載震節角仍安恬。慎行詛楚文久泐。嘉淑亡秦碑或燔。彝尊藉茲典刑存。坤一字直一
縑。中柱述書誦古賦。載震改席褰疎簾。慎行車轄投亦得。嘉淑接羅倒奚嫌。彝尊吏暇笑兼隱。坤官冷慵
趨炎。中柱有酒傾玉餅。載震無酒指青帘。慎行六街鼓瑟瑟。嘉淑兩頭月纖纖。彝尊欲行復被肘。坤燭至
還提槩。中柱謂客毋庸歸。載震險韻尙可拈。慎行

旃蒙赤奮若

秋涇行示吳秀才周瑾

秋涇水。上有落帆短亭子。渡頭橫跨百尺橋。蟹舍漁村合成市。吳郎門對涇水流。花南有堂北有樓。吾來
樸被過信宿。三日五日常淹留。泔魚倒臘甕。量酒傾新篘。君詩老蒼賦溫麗。有才如此翻不第。蘆簾紙閣
歷歲年。穉子蓬頭婦椎髻。婦爲吾妹子吾甥。薄田涇上麇可耕。掃除肯作一室計。汗漫寧爲千里行。相憐
童穉情親早。旅食京華吾潦倒。昨者有客來武陽。傳說容顏君不老。人生六十猶未衰。樽前只合開懷抱。
何況騷人屈初度。燈火上元時最好。歌長歌。書草書。知君發函伸紙還。軒渠吾今妻子返里閭。明年歸乘
穀鯨車。君還秋涇定何日。相期近結比鄰居。

送王贊善揆視浙江學政二十韻

京國沙隄舊。婁江甲第臨。世家唐宰相。經術漢儒林。早射匡時策。先鳴正始音。才華王轅謝。詩筆沈兼任。

偶出辭溫樹。重來翫薛禽。瑤山開四照。丹地拔千尋。朶殿新簪管。儲端每獻箴。詢謀公望最。眷顧主恩深。
持節巡江介。觀風采會吟。色絲能辨石。爨火定收琴。洞壑包三九。道書洞天福地在浙江共二十有七圖書足古今。湖光仙
權疊。嵐翠戟門侵。紫筍茶教瀹。烏巾酒待斟。詞場輸藻鏡。交誼重苔岑。十載逢青眼。相於愜素心。別筵愁
袞袞。嘶騎去駸駸。苑雪花猶積。官橋柳未陰。懷歸貪倚著。投分忘升沉。送送情何極。勞勞思不禁。還期承
蓋處。鄉曲共題襟。

社日二首

幾日社公雨。芹泥香滿汀。生憎飛燕至。不放海東青。海東青畏燕子。見歐陽原功詞。
藥甲何曾碧。花枝亦未紅。治蠶有方法。只恨酒錢空。

柳巷杏花歌同嚴中允繩孫錢編修中諧作

頻年住帝里。一山一水何曾經。有若蝸負殼。又若鳥翦翎。疾風揚沙卷花去。眼看春事如流星。邇來罷官
居。肆意尋郊坰。朝從潞河還。犯卯酒未醒。晨過宋使君。留飲漫堂。雙橋東偏柳巷北。小寒食後微雨零。偕行者二子。
各各駐輿丁。杏梢含苞猶未白。柳條踈地今漸青。晴絲冉冉香細細。卑枝嬾嬾高婷婷。村童灌畦愛看客。
轆轤井架雙銅餅。種花此地已難得。那不更縛香茅亭。江鄉爾時春愈好。西神山下泉泠泠。閭門游人連
臂出。筠車十里填支硯。只如南湖亦不惡。桑鳩穀犬聲可聽。紫荷花草雜坐臥。燕來竹筍生蛤蜊。人生還

家貧亦足。何苦晨夕勞其形。吾儕田廬況不遠。峭帆柔櫓凌迴汀。都籃兼攜茶酒具。悶拓小眼紅牕櫺。吳歛越吟相繼和。五日十日恣留停。念此令人反惆悵。夕陽四顧塵冥冥。

寄胡少參介祉

使君麗句過西崑。賦格詩圖許細輪。轉粟年年先社燕。抽帆處處市河豚。吟看上客題襟滿。書想高齋插架存。辜負連船載滄酒。故人未得下津門。

送陳舍人大章歸黃岡

君姿玉山並。君詩白雪高。豈意采風人。力不及楚騷。策馬去京國。卻佩腰間刀。深雍虎文鞞。短後茶色袍。但愁別須臾。何用心鬱陶。素業在黃岡。潮田滿江臯。烏犍三百尾。種秫持作醪。暇搜耆舊文。筆秃猩猩毛。少年能著書。此事亦足豪。何時涉夏澳。共爾浮金舸。

贈耿都尉二首

承恩驂乘入明光。賜第仍居履道坊。日昃尙趨三殿直。月正恆捧萬年觴。長楸走馬先歸埽。小苑飛花近拂牆。自有囊中餐玉訣。無煩菊水餉南陽。

萸房竹葉勸深杯。月底簫聲次第催。才子不妨如意舞。酒徒拚倒接羅迴。開簾最愛亭前瀑。改席宜登樹杪臺。笑問琴山一青鶴。可能天際忽飛來。謂周郎中襄緒也。

納臘侍衛性德輓詩六首

驟聽黃雞唱。驚隨白馬來。百年嗟輟瑟。五日尙銜杯。泉下知安往。人間信可哀。退朝憐相國。封篋忍重開。
通籍題氈筆。承恩改鷓冠。射鳥天一笑。走馬路千盤。禁直昏鐘入。廊餐午箭殘。傷心倚閭望。東第少歸鞍。
出塞同都護。論功過貳師。華堂屬續日。絕域受降時。悽惻傳天語。艱難定月氏。斂魂猶未散。消息九京知。
屈指論交地。星終十二年。斯人不可作。知己更誰憐。翠漸深門柳。紅仍膩渚蓮。舊游存益少。悽斷小亭前。
主客披圖得。雲煙過眼諳。吟花成絕筆。聽雨罷深潭。畫裏韶顏在。樽前綺語耽。憑將腸斷句。流轉到江南。
別悔從前易。途傷此日窮。迴腸歌哭外。搔首寂寥中。迹掃孤生竹。枝摧半死桐。自今觀物化。不詆釋門空。

送姚先生巡撫全蜀二首

漢庭折檻舊知名。節使疇咨副相行。曲讌午辭珠鏡殿。單車春莅錦官城。山川想像王師入。父老扶攜益
部迎。井絡坤維資重鎮。遙將籌策贊昇平。
清時文軌萬方同。將作經營五柞宮。雅雨黎風吟木客。芋田芸鼓輟巴童。亟須元老經綸及。不使遐陬杼
軸空。天眷自來西顧切。昌言早爲達宸聰。

高處士兆方處士中德陳上舍治將歸過集古藤書屋同陸處士嘉淑魏上舍坤分韻賦長歌送
別得要字

我攜家具海波寺。九月未槁青藤苗。夕陽倒景射檉柳。此時孤坐不自聊。故人遠別齊過我。謂言分手當來朝。或還東江陸瑁宅。或渡南浦江淹橋。龍眠一叟幡然回。斧柯無恙山中樵。金臺酒伴難悉數。隨意牽拂相招要。林衣滿地席帽脫。畫不絕筆書能超。吳船恰到麴車響。甕頭乍坼輕塵搖。匏樽屢空鴈壺覆。豈必柴汝官哥窯。南中風物試細論。歸值稻米蒸長腰。披緜黃雀切玉鱠。差勝北地肥羊燒。我今已解腰下組。羸馬且免晨趨朝。夜如何其判促膝。秋牕須盡燭一條。人生合并苦不易。後會久速誰能料。明年吾亦掉頭去。石田茅屋恣逍遙。儻能訪我長水曲。相留浮白還炊彫。

重九後一日雨中集長椿寺

九日倏已過。姜宸英濕雲漫四郊。森森長雨垂。彝尊颯颯虛檐捎。病葉戀冷枝。梁佩蘭驚鳥盤空巢。晨興殘夙約。陸嘉淑攬袂皆貧交。勝引雙樹林。魏坤宛若深山坳。藤縮三秋蛇。張雲章槐舞千歲蛟。赭柿迸露實。朱載震金英坼霜苞。紅的的吳萸。陳曾菽碧叢叢秦芠。瓦溝竄鼯鼯。湯右曾戶網除蠹蝟。蘇深最負伏查慎行篆古蒲牢哮。粥魚晝浩浩。俞兆曾牆雞午嚶嚶。光景歛明晦。宸英眺覽窮檜櫟。新耐綠滿罌。彝尊晚菘黃充庖。豈意青豆房。佩蘭俄頃羅嘉肴。鳴薑贖紫蟹。嘉淑題餠餘彩貓。子鵝新韭配。坤鮮鯽枯荷包。已見雉膏登。雲章況有兔首包。分曹玉鈎射。載震角力骰盤拋。急觴易沉頓。曾菽緩帶便爬抓。一飲動一石。右曾載號或載嘷。同聲倡者和。慎行含意漆在膠。五言乍妥帖。兆曾十手爭傳鈔。雖乏韶濩音。宸英肯

使下里殺。合并洵匪易。彝尊顧我中心恠。歸帆艤舫。佩蘭別騎籠鞅。鞘邇迤陟荒岡。嘉淑邪許。塞長笈。免泣卞和璞。坤且誅宋玉。茅草縛不借履。雲章泉酌。喑然匏。檳榔蕉椰荔。載震都蔗。菱菰菱。雞頭祖竹萌。曾藝翠羽官梅梢。熟知江鄉樂。右曾莫厭潮田礪。招隱丘中琴。慎行勵志。賁上交。豈必馬足塵。兆曾逐逐營斗筭。宸英

送梁孝廉佩蘭還南海

合昏花開暑雨微。故人留君解驂駢。謂納臘侍衛性德也。合昏花謝故人死。燕市酒徒看漸稀。秋林卷蘗百卉腓。籬根細菊圓如璣。北風蕭蕭南鴈飛。蟄蟲窮鳥相因依。此時欲別不忍別。馬行蹉跎循郊圻。把杯勸君君莫揮。執手語君君莫違。男兒貧賤亦常事。故鄉得歸姑且歸。吾今捐珮也當去。免使同學翻攢譏。遠遊汗漫計亦得。他年訪爾白板扉。舊交陳恭尹。屈大均。況無恙。相與散策探林霏。盡脫苛禮消塵機。龍瀧下上濯我足。石樓小大振我衣。乳蕉子黃荔子緋。馬甲柱脆紅螺肥。榕陰一畝竹十圍。南園可以恣酬和。詩卷無人論是非。

古藤書屋再餞梁孝廉

露蘗倦未飄。雲鴻遠相引。彝尊星埃感蓬勃。物候變淒緊。湯右曾。怪怪八達衢。有客駕修軫。查慎行。僕夫在郊坰。稌黍被隰畛。梁佩蘭。柅車浮淪瀾。舍權度嶮嶙。彝尊雷般風息颺。海大魚見鱉。右曾峽猿有時歸。

南雪終不質。慎行九十月之交。六千里而近。佩蘭懷居興雖洽。判袂情詎忍。彝尊置酒青藤陰。入門走蛇
蚓。右曾聽颺涼颺動。灑灑纖月隱。慎行山杯深窪匏。野蕨脆嚼菌。佩蘭迎寒笳卷葉。戒夜鼓鳴篳。彝尊譚
鋒摧趨雄。詩械破詰窘。右曾毫毛秋兔脫。墨光古香吮。慎行臨當黯然別。且復莞爾哂。佩蘭炎瘴舊所便。
眠食曷惟謹。彝尊行逢早梅墊。到及蟄蟲蠢。右曾前期久莫忘。鄉夢今始準。慎行穆如清風篇。袖以示均
尹。佩蘭謂屈大均陳恭尹也。

寄周參軍在浚

初聞歇馬臺駘廟。近說看花狐突山。愛客易傾冬醞美。著書難得晝簾閒。加餐道遠彌相憶。倦旅秋深尙
未還。風峪石經無恙否。何時徙置剔苔斑。

喜周貧至

耆舊西吳大雅材。白頭纔一到金臺。最愁馬上乘船似。不道天邊犯雪來。酒盞四年方得共。燭花昨夜記
曾開。郊扉晚計何時遂。十里艾山日往迴。

曹先生濬輓詩六十四韻

狗祿經時別。加餐萬里教。報書人未返。凶問客來譟。竟輟椅桐瑟。虛藏稷黍苞。腸迴真似結。語咽不禁脩。
投分懷衿契。忘年比漆膠。縱橫才不世。經緯學能包。壯日膺乾願。亨衢協泰交。皇華在原隰。驄馬避鞭鞘。

卿月青霄上。台星紫極梢。主恩中外重。物議愛憎殺。嶺外資分轄。雲中藉建饒。軍興還轉餉。戰勝屢登輶。
未覩勳書策。翻令祝代庖。清時臥安石。奇計老居鄴。種樹鄰初地。爲園傍樂郊。金陀坊最曲。錦帶水難淆。
曲解偷聲譜。扉從問字敲。說詩窮五際。布易得三爻。東馬文無敵。南狐史共鈔。近游師束皙。高論折尸佼。
昔歲投荒徼。芳筵恣叫呶。晴牕蟲蠟翦。晚飯鷓鴣包。飲罷題連軸。譚深坐轉胞。硯憐鸚鵡潤。筆肯蚶蛤拋。
小市船撐蜚。輕衣杼織鮫。荔支團火繖。蘭茁挂風髻。蝶翅仙裘曳。柑香佛手抓。潮來雞喔喔。日出鳥咬咬。
震瓦長鳴颺。奔雷易激颺。離愁珠海闊。歸計石田磽。魚最憐鶯脰。泉常激虎跑。避兵居共井。穫稻澤分櫟。
舫爲葦絲泊。廚看芡實飽。閒尋百法寺。悶解五湖筲。楓岸拈紅葉。茶槍試綠筲。探梅熨斗柄。射鴨竹弓梢。
纜繫蘇堤遠。壚逢卓女姣。過頭齊杖栗。婪尾數浮颺。山後津仍逮。樽前意更忒。池清移塞柳。花翠繞秦苒。
擁被陶爲穴。炊梁釜櫟箝。白榆貪食耳。黃鼠厭充肴。糖躁三沾蟹。餒黏九日貓。渾河流苦急。磧石面多顛。
獵騎掀茸帽。箏人疊舞綃。停軒聽賽鼓。並轡指飛髯。畫壁重重拭。苔碑處處籜。迎寒吹簫策。欲雪卷旂旛。
我去重游薊。公歸亦渡洑。往來頻聚散。契闊少謹譎。小草無端出。冥鴻忽見翼。盡嫌中散癖。難免北山嘲。
反教猱升木。那容鵲定巢。身猶依鳳闕。官久罷螭坳。閨寂門羅雀。淹留迹繫匏。正思耕作耦。何意影同泡。
磨滅頻年札。淒涼一束茭。賦成栖舍鵬。夢斷入懷蛟。遺草知盈篋。懸車定覆罇。空牀吟蟋蟀。暗牖網蠨蛸。
籤帙無由借。人琴自此培。茫茫千古恨。愒愒寸心恢。愧後兼金賻。惟將瀆酒醅。平生知己淚。亟欲反衡茅。

送曾燦之南海

白髮遊燕舊酒人。櫻鞵重踏六街塵。來辜鄧尉尋山約。到及長安臥雪旬。鴈底雲帆鄉樹繞。馬頭星驛嶺梅春。南園詞客多無恙。暇日爭扶大雅輪。

徐公元文小像二首

緇塵十丈罨東華。快馬明駝殼棘車。誰似先生銷夏處。水亭風幔俯雲沙。一編青竹萬蟬魚。東馬南狐總不如。官燭兩條人半臂。笑他紅杏未尙書。

曝書亭集卷第十三

古今詩十二

柔兆攝提格

驄馬行送任御史珙視鹺長蘆

春明門東驄馬嘶。奚官新鑿碧玉蹄。紫茸鞞鞞錦障泥。使者衣繡行長隄。寒花露草煙萋萋。千樹萬樹楊柳低。津門此去三百里。來朝定指西沽西。長蘆鹽筴通青齊。君今乘驄按左海。章綬不殊還會稽。我歌驄馬行。君騎驄馬去。明年策馬來春明。應記今朝送行處。

送顧進士永年南歸

曲江游讌罷。轉眼一年春。此日書驢券。仍同下第人。

贈魏世微

每憶金精天外峯。易堂書卷閱春冬。竹林舊侶嗟零落。喜見青雲阮仲容。

送周二之海陽

簷花對酒五蟾蜍。此去郵籤萬里餘。湖水東西仙令宅。帆檣來往海人墟。炎洲雨過香蕉子。夜枕潮迴徙

鱷魚後會竹林期莫定。相思天末意何如。

送劉郎中守思南

劉郎別我玉河灣。笑綰銅符領百蠻。千騎上頭殊不惡。峒花犵鳥滿溪山。

紫藤花下作

首夏花信終。月閏又開朔。彝尊溼雲來遠岑。密雨溜斜桷。周貧雖違登覽興。且喜氛垢濯。彝尊軸簾納餘清。叩戶尠重較。貧甌香碾新團。滴古濫散卓。彝尊虛齋憺無事。晚霽意蕭邈。貧高蘿何年植。老榦惜崩剝。彝尊杪春發新條。青翠纒一搦。貧有如荔含苞。又若烏破殼。彝尊籠陰忽蓋瓦。落格漸成幄。貧五髻瓔珞垂。羣玉玲瓏琢。彝尊榮悴迭後先。土膏異豐确。貧幽賞人未齊。暖游蜂已覺。彝尊將尋條鈴護。毋使雀豹啄。貧寫生畫史爲配饌。食經學。彝尊故鄉南湖南。風景別燕涿。貧濃陰壓兩岸。虺蔓埽船角。彝尊鷗鳧雜坐臥。鰕蜺恣撈捉。貧何爲久滯淫。來往昧鳩鷺。彝尊酒罷花亦殘。擁衾歸夢數。貧

送張帽宰淄川

般陽城下記曾過。負郭分流左阜河。相送履舄仙令去。恣聽驂篠短童歌。簾衣晝靜花應滿。書帶春來草最多。暇坐西堂官燭夜。吟情可憶舊羊何。往事沉吟十九年。潞沙津鼓解連船。河豚荻筍丁沽市。海燕芹泥趵突泉。岐路東西頻遠隔。故人意氣劇

相憐青藤絡格繁花紫涼月紛紛話別筵

遲湯上舍右曾不至

種葉綠如繖藤花紫滿簷望君君不至惆悵下廳簾

題王給事又旦過嶺詩集

邵陽王郎媿羣雅掖垣退食吟最工關西作者僂指數比於二李檢討因篤誰趨雄明府念茲去年使車踰嶺表笙歌鹿鳴聽乍終滿城象犀總不顧迎潮直渡東官東循州洞天福地兩羅浮近與泉源通晴峯四百三十二一一捧出青蓮蓬砂牀泥融坐啞虎竹葉篆古書秋蟲千年鹿跑草淺淺五色雀舞花濛濛盤游飯罷石樓去羣仙或請銘新宮偕行況有屈道士大均留題肯使莓牆空此鄉寶玉人所羨珠圓貝紫珊瑚紅王郎歸裝乏長物僅束詩卷藏髹筒解船下瀧指湖口餘興復入匡山中僧房五百恣登歷短筇輕屐隨樵童三條石梁貫員闕一匹瀑布拖長虹王郎得句轉清越墨花漬壁磨鉛銅攜來都亭曾幾日傳抄奚啻十數公要知能事久服習矢人之矢弓人弓邇來詩格乖正始學宋體製嗤唐風江西宗派各流別吾先無取黃涪翁比聞王郎意亦爾助我張目振凡聾覽茲過嶺集百過豈有癡垢堪芟龔往時屈道士游越山行水汎酬和同自從判袂廣武北十載夢寐懸江楓沖虛觀前斗壇在可有鄧嶽留葛洪投詩王郎并寄屈惜無萬里南飛鴻

題賈院判鉅畫荷二首

亭亭紅豔立清波。殺粉調鉛不在多。卻笑崔徐思憔悴。鷺鷥汀畔寫枯荷。
黃塵六月倦鳴鞭。苦憶中吳鴨觜船。夢入篷牕聽夜雨。半江風葉枕函邊。

竹爐聯句并序

錫山聽松菴僧人性海製竹火爐。王舍人過而愛之。爲作山水橫幅。并題以詩。歲久爐壞。盛太常因而更製。流傳都下。羣公多爲吟詠。圖旣失。詩猶散見於西涯篁墩諸老集中。梁汾典籍仿其遺式製爐。恆歎息舊圖不可復得。及來京師。忽見之。容若侍衛所容若遂以贈焉。未幾容若逝矣。丙寅之秋。梁汾攜爐及卷過予海波寺寓。適西溟青士愷似三子亦至。坐青藤下。燒爐試武巨茶。相與聯句。成四十韻。明年梁汾將歸。用書於冊。以示好事之君子。

西神峯連延。龍角洑泉歎。孫致彌桑苧。次水經。第較中冷遜。姜宸英山僧寡營役。谷飲遂夙願。朱彝尊脚

跌長松根。風來耳垂鬚。周貧都籃選茶具。一一細莎頓。張祐慧山詩。重街夾細莎。願貞觀舍彼陶冶工。截竹等辦罇。致

彌附以紅泥團。其修僅扶寸。宸英坎上離于中。下乃利用巽。彝尊微飄颺。颺入活火燄燄煖。箕初聆檜雨

喧。漸見魚眼隴。貞觀紫筍舒萌尖。乍點湯色嫩。致彌王郎穿竹過。愛接支許論。宸英解帶磐石間。素瓷迭

相勸。彝尊欣然愜所遇。伸紙隨染渲。箕濛濛巖亭瀑。歷歷水田畝。貞觀短短茅覆屋。茸茸荻抽蘢。致彌橋

敲乃有路。門闕或無楗。宸英林壑雖未深。埃壒頗已遠。彝尊流傳盛新詠。羣雅足彝憲。負或爲篆籀隸。若
盃鬲敦虜。貞觀或爲真行草。若繇靖義獻。致彌穆如清風作。舉一可當萬。宸英嗚呼百年來。精廬窟龜窟。彝尊
彝尊曩時所珍物。零落委荆蔓。負吾家鱸塘側。想茲恆繾綣。貞觀形模授巧匠。高下仿遺援。致彌所惜七
尺圖。慮爲塵土盆。宸英開篋逢故人。輟贈得右券。彝尊羊脂鏤瓊玉。獸錦束腰綵。負譬諸延平津。劍合始
無恨。貞觀俄驚鄰笛悲。永歎壑舟遁。致彌蕭條黃公墟。歌哭與俗溷。宸英是物覩者希。五都絕市販。彝尊
今年吳船來。載自潞沙堰。負徒置青藤陰。旅話破幽悶。貞觀質比蓮芍輕。形嗤石鼎鈍。致彌小勺分宮時。
頭綱試甌建。宸英忽憶秋水生。乘此風力健。彝尊逝將挂席歸。耦耕師下撰。負毋令石牀空。兼使夜鶴怨。

貞觀

送吳濩入太原三首

孃子關西木葉殘。煙霜回首井陘寒。馬頭不改團團月。絕壁韓詩拂蘚看。
并州山繞岵嶴蒼。桐葉祠前柏幾行。蘋號長生水難老。憑君抄入篋中方。
周郎在浚近在蓮花幕。點筆題詩興不孤。暇日經過煩問訊。硬黃曾搨石經無。

送毛檢討奇齡還越

一舸全家去。層闈別袂分。孤生倚知己。衰老感離羣。曉雨千門散。新泉五牖聞。花光晴澹沲。峰翠遠氤氳。

祖席愁帆影。回塘蹙水紋。語多兼往事。觴罷判斜曛。少日偕簷笠。遺書索典墳。扇邀王內史。舞起謝將軍。夢筆橋頭月。捫蘿磴口雲。徵歌依趙瑟。漬墨灑羊裙。午爨柯亭竹。秋眠蕙帳蚊。俄驚鄰笛弄。頓使酒船焚。失路栖淮浦。逃名適汝濱。易穿東郭履。慚勒北山文。燒尾同華讌。傳甘並紫紘。四聲研沈陸。六義續河汾。闌藥園官送。朝衫小婦熏。香匳詞悵悵。錦瑟淚紛紛。爲折章臺柳。翻辭祕省芸。空林憶猿鶴。舊社返榆枌。到及湘蕪美。閒看越鳥耘。朋箋存笥滿。麴米注牀醺。宰相陶弘景。神仙鄭巨君。行藏應自料。不用問靈氛。

題喬侍讀侍直圖

朶殿簪毫入。千門露未晞。臣心勤夙夜。天意慎幾微。慎幾微。本房御書扁也。細細香生幄。瞳瞳日滿衣。非君諳掌故。

奏事直前稀。

題項秀才奎水墨小山叢桂

少年席研項生同。每到秋行桂樹叢。今日天涯展圖畫。忽驚身是白頭翁。

程侍郎江山臥遊圖

啓禎之際南北派。書有董米畫崔陳。青溪先生起奪席。二者並妙稱絕倫。一水一石弗漫與。尺幅價值雙鳥銀。今觀此圖著色老。筆與黃鶴山樵親。蒼茫又類井西作。林霏掩靄泉洄淪。近來仿古求貌似。疊石細碎添苔勻。先生畫意不畫象。驅使二子窮其神。雲霞石淙開四面。一一鼠尾丁頭皴。山根木閣看最好。安

得買斷居河濱四門博士重手澤。請我跋尾歲在寅。其冬偷兒鑿我壁。室無泉布牀無茵。惟存文史五千卷。手摩插架撇撇頻。此圖幾失幸不失。留置愛玩緜冬春。朝來灑墨賦長句。書報博士遲無嗔。

送陳上舍曾藪還杭州三首

門外驪駒莫便催。紅闌亭子上行杯。誰能北地三年住。不憶西湖一舸迴。貓頭新筍長林扉。雉尾香蕁礙釣磯。船到水仙祠下泊。更無塵浣藕苗衣。官閣垂楊水寺燈。城隅處處結魚罾。舊游白髮幾人在。應笑歸遲張季鷹。

顧編修藻以橄欖見遺賦謝二首

疊果青於棗。嵇含狀最工。紅鹽齊落子。翠竹遠開筒。愛惜教頻數。歡娛忘屢空。要知君子意。獨許歲寒同。絕勝餘甘樹。來從荔子村。玉盤盛最好。青箸裹猶溫。酒後酸漿別。茶中俊味存。清香留改歲。試配煮河豚。

飲遂安毛檢討寓齋

城隅燒尾宴會同。六載重來就菊叢。珍重故人今夕會。招尋猶念一漁翁。

題蔡修撰早朝圖

遮莫瑟瑟畫鼓頻。披帷風定燭如銀。繡墩只許狸奴臥。辛苦妝臺攏髻人。

周上舍篁夜過

溲酒凍春碧。菜雞蒸栗黃。醉眠無不可。西舍有繩牀。

鱸魚同魏坤作四首

水面嘗排赤馬船。纖鱗巨口笑爭牽。吳孃不怕香裙溼。切作銀花鱠可憐。
微霜一夜泖湖東。楊柳絲黃兩岸風。不信輕舟往來疾。筠籃驗取四鰓紅。
已脫朝衫分卜耕。劇憐鄉味算歸程。秋風彈指今年誤。輸與江東老步兵。
翠網千絲白玉跳。蜀薑鏤切韭新苗。背篷圓笠平生慣。準擬抽帆第四橋。

強圍單闕

寶晉齋研山

有石產京峴。近在龍目灣。周篋外史火正後。愛好怡情顏。攀尊稜分巖穴岫。垢洗黃朱斑。篋俄看千仞峰。
勢拔方寸間。攀尊亭亭華蓋倚。隱隱卻月彎。篋岡巒各殊狀。一一相迴環。攀尊其下陷深窪。髣髴龍所寰。
篋有時風雨至。大小青來還。攀尊玩物不在多。對此形神爛。篋以之易園廬。勝絕臨江關。攀尊觀其賦詩。
意猶自心偏慳。篋年深異顯晦。幸未委榛菅。攀尊君家藏四葉。冷光古益豔。篋且以娛寂寞。豈復論銖銖。
攀尊舉世重黃白。孰營几上山。篋好語玉蟾蜍。勿用清淚潸。攀尊

附米海嶽研山歌爲朱竹垞翰林賦

濟南王士禛

海嶽研山不可見。人間空說研山圖。研山之圖亦遭燬。雲煙過眼徒嗟吁。宣和艮嶽已塵劫。矧乃片石輕鎚銖。永嘉流落幾百載。昭陵玉匣今亦無。詎知神物有呵護。星芒夜隕三天都。太平宰相盛文物。寶此何啻千璠璣。石初藏許文穆家。後歸朱文恪。古藤書屋花未放。主人愛客招吾徒。眼中突兀忽見此。乍疑几席羅衡巫。壺中九華那足擬。仇池枉用誇尋蘇。三茅地肺互鈎帶。二華雲氣相縈紆。蚊龍屈蟠待雷雨。仙靈髣髴迴駟車。華蓋一峰獨秀拔。宛插玉笏翹犀株。翠巒玉筍左右列。睢尻股腳相欹扶。上洞下洞闕曲折。潛通小有涵空虛。龍池幽窈驗雨候。頗疑中有驪龍珠。峰獨者蜀屬者嶧。上泉有埒下有澗。座客摩挲三歎息。蒼然古色生眉須。海嶽之菴書畫舫。幾伴此老浮江湖。巧偷豪奪歷千劫。閱盡春秋如螻蛄。翰林好事過顛米。日餐蛾綠忘飢飭。滄江夜夜虹貫月。莫令光怪驚菰蘆。

懷汪進士煜

人日梅花落。懷君過嶺時。安牀紅豆底。日日坐相思。

喬侍讀萊一峰草堂看花歌同陸嘉淑周貧姜宸英錢金甫孫致彌查慎行湯右曾陳曾藝賦

疾風經旬不出戶。獨客嬾過三眠蠶。今朝風定塵塼減。女牆翠湧西山嵐。修門池館綴金碧。鑲柵未許停羸驂。主人新拓百弓地。中園卉木吾舊諳。天桃濃杏雖已落。海棠乍坼丁香含。初疑徑闢過者少。早有勝侶齊幽探。新松四尺挂席帽。炙具一束攜荆籃。絲頭毯展午陰直。婪尾杯泛冬醪甘。今年春較去年晚。花

信十猶餘二三。長紅小白枝尙亞。雄蜂雌蝶飛相參。酒闌回憶壯年事。於此晨夕朋盍簪。燒瓷甕頭臥畢卓。蠟板曲子歌何戡。滿墀明月露濯濯。繞屋垂柳絲毵毵。十餘年來五易主。魚牀潦盡成枯潭。茅亭崩剝泥暗裂。有若燕子留空龕。仙源重過豈易得。惜花老去心逾貪。韶光三月忽已盡。牡丹將吐房山南。綠囊紅襖水精域。鹿女微笑狸奴酣。相期雙屐著謝客。更借一鶴騎盧耽。諸君偕游恐不遂。試與二老評花擔。
謂周陸二子。

同作

嘉興周貧青士

九十日春不可駐。玉河穉柳青漸濃。官溝滌穢難墊足。何處得看林壑重。客言侍讀新築好。紫丁香結千枝穠。辛齋竹垞吾老友。不嫌策騎參支筇。查生慎行叩扉湯生右。曾起顧我一笑偕過從。是日天朗惠風細。晴絲冉冉煙茸茸。莎亭擁腫敲四柱。花氣遠接檐前峰。縛樹老藤更天矯。如割左耳奔乖龍。縹囊欲坼尙未坼。已見小尾游黃峰。主人朝回躡草履。揖我得觀冰雪容。食單藉地任箕踞。脫略禮法便疎慵。騰觚凍醪贖百末。釘盤雜果儲三冬。吾家長水塘一曲。白鵝繡鴨紛游溶。油菜花香蠶豆熟。貓頭筍迸芹泥髮。艾基山東審山北。麴塵波暖浮方脚。撫琴久已謝宗炳。鑿穴今復輸臺佟。自從騎驢入燕市。魴鯉去沼鵬閉籠。得閒曠論廁坐末。一洗膠固從來胸。銀絲切鱠韭登俎。更留午飯餐冬春。何當清暑復來集。醉看夜合花惺忪。

棗花聯句

棗花香細細。亂結春風闌。孫致彌。既免纖手摘。寧邀上客看。周貧。燕郊得千樹。吾將老園官。彝尊。

王暉畫三首

王郎手摹一峰畫。宛似張顛作草書。鼠尾皴山鴉點樹。只今能事有誰如。
帝城日日足風霾。眯眼黃塵漲六街。對此溪山最清絕。便思衝雨踏櫻鞵。
王暉老去畫尤工。橫幅吳裝仿惠崇。曾記北高峰上望。村村風景似圖中。

檀聯句

有木生庭隅。入夏翠陰發。周貧。卑枝易妨帽。密蔭恰承轡。孫致彌。重露一以晞。微風久不歇。彝尊。皮乾敲
殷赭。花瑣補禿缺。貧。色籠澹泞天。影漏惺忪月。致彌。遮門肖水松。驗雨促耕垡。彝尊。莖小舞蝶翻。脂香行
蟻窟。貧。其身異樅柏。其產徧揚越。致彌。豈惟敵雪霜。兼可蠲宛喝。彝尊。疾疾崽子除。枵槃匠人斲。貧。是物
錫嘉名。肇詩皇矣曰。致彌。爾雅配蟲魚。圖經繪苗髮。彝尊。過從每淹留。愛護勿翦伐。貧。森森埽庭夢。淺淺
露鷲骨。致彌。清談自亭午。離坐到日沒。彝尊。雖非郊野居。且免土蓬勃。貧。況有易釀沽。把琖恣百罰。致彌
箕踞獨樹根。狂哉酒榼杌。彝尊。

萬柳堂同沈秀才蕙纒對酒作

亭徹沙逾擁。橋欹路轉迴。自從疎傅去。懶逐葛疆來。穉柳春重徙。新荷暑未開。故人留旅話。仍勸竹根杯。

畢上舍大生止酒經年冬夜枉過勸之復飲賦三十韻

畢生本酒徒。系沿銅陽卓。長筵慣分曹。專與大戶較。傾壺滿觥船。鬪力出捲握。選格拋牙骰。射覆探雀鷄。勇哉氣如虎。可奪力士稍。初愁鼓鑿鑿。俄至雞喔喔。一朝忽不飲。客勸輒驚遑。人或強之坐。竦身等山嶽。甘令浣衫袖。不復顧謠詠。自從斷酒來。月改十晦朔。問之何以然。其志在困學。僧寮止容膝。居若蝸負殼。一盂黃螿酸。一燈青豆爆。當其夜分倦。欲睡乃翻覺。漆鬢添初星。丹顏損舊渥。入秋試不利。泣抱楚和璞。羣飲徒擲揄。背面肆評駁。獨醒亦何苦。羌不如醉濁。北地釀法多。滄易通薊涿。茲非禁酒國。況弛官務權。胡然守枯槁。血脈久淫濯。生來恆鬱鬱。我見尤爆爆。是夕風最寒。冰簪挂斜桷。西市買山麋。東市買海鰓。此時浮一瓊。亦足忘蹇剝。生也聞我言。相視忽而曝。有如魚含鈎。又如鶴受錠。紅文螺曲房。黃支犀斛角。沛然決江河。豈能塞一璞。詰朝客來尋。仍向壺邊捉。

畢子飲二十杯而腹痛復欲止酒再以詩示之

我歌勸生飲。生醉我亦眠。繩牀一牆隔。聞若呻吟然。殘燈撥餘燄。夜半衣重褰。問之臥欹側。欲語哽在咽。手摩腹與肚。抱痛青兩顴。歷鹿車轂轉。往來梭腸穿。良久始起坐。絮被遮寒肩。答云我祿薄。福過災則延。緘之苦不易。一夕敗終年。飲啄各分定。造物信有權。譬諸再嫁婦。羞澀塗脂鉛。譬諸黃面僧。破齋烹肥鮮。

旁人笑且侮。瑟縮難自前。麴蘖伐性斧。自此仍棄捐。主人忽大噓。物理生未研。八尺士皮肉。以腰分地天。藏府應音律。經絡貫源泉。江河漳潔流。夫豈可涸焉。古聖作醪醴。服之斯萬全。後來止酒徒。託辭匪真詮。奈何屏杯杓。委腹爲枯田。數升下喉嚨。反若湯沸煎。陷河湧越嶠。谷水淪由拳。此如囊裏漿。暴下乃得痊。及其潤旣燥。百骸自安便。金平水靜順。豈復重崩騫。來朝生且住。剩有叉頭錢。再爲生解醒。清聖濁亦賢。不聞朔風號。雪虐層冰堅。地爐擁終日。與我常周旋。

送葉參議映榴督儲楚中

國家歲漕粟。千里連舳艫。上給宮服用。下充軍國需。以之實天庾。寧曰此緩圖。先生富才術。文與東馬俱。道山橐筆入。粉署含香趨。單東采秦風。奉席盛羣儒。天子眷南顧。特借司轉輸。荆襄漢沔間。土沃田膏腴。歲或不登。天下皆饑吁。吾賢開濟策。足使民困蘇。暇日登南樓。俯瞰赤欄湖。武昌柳百萬。翠色兼蘅蕪。臨風興不淺。高詠無時無。歲晏一相送。欲別愁須臾。南魚北有鴈。冀慰心煩紆。

表弟查二嗣璞至都過古藤書屋留宿作詩二首依韻奉酬

鹽官人到逼殘年。贈我吳興十兩緜。肌粟頓消生暖後。鬢絲相視入愁邊。醉拚把琖循環飲。倦便安牀曲尺眠。玉桂國中來底事。開春同縛送窮船。

別時花藥發春壇。五載離居感百端。一泝武溪行棘道。兩浮炎海狎珠官。蠻中土俗諳王範。篋裏雲山奪

范寬。此夜劇談高燭換。北風頻送漏聲寒。

冬日陪徐副相元文姜著作宸英游大房山出郊雨雪馬上作

蓬勃東華塵。窈窕西山容。二者各有宜。強之心不從。徐公脫朝簿。姜子淹旅蹤。期我大房游。捫葛攀長松。茲山我舊歷。不憚寒飈衝。車中三升榼。馬後九節筇。誰能先花時。蠟屐乘清冬。雨霰雖載塗。相顧多歡悰。雪色妙渲染。一峰殊一峰。明當踏霽日。遍覽金芙蓉。

止孤山普濟寺

曉辭盧溝河。暮踰韓姑砦。荒榛取綫路。亂塔湧香界。峰迴削峘岌。水涸失涔派。啞啞飢鳥集。簌簌病葉敗。返景寒易收。陰厓暝逾怪。俄而樵歌歇。近寺響僧唄。言投水晶域。棲止得所屆。山餅溫凍釀。冬窖出秋菜。坐久霜月高。起行猶未憊。逍遙青松陰。於心豈不快。

入上方山

山心夜不寐。凍雀喧前牕。香廚卯飯熟。傑閣晨鐘撞。柅車束櫪馬。各雇輿丁雙。彎環柳捲椅。夾以棗木杠。舍村入坡陀。百折循崆峒。萬古此積石。山農絕耕耒。短松走長根。老樹撐空腔。徑盡緣仄磴。險過梯雲杠。置身縹緲間。若掉都盧橦。層軒坐僧榻。喘定心猶懣。

一斗泉

昔尋一斗泉。俯睨千花塔。壯歲不知疲。三日行兩市。重來筋力倦。十五換僧臘。已拚百骸困。猶幸半踵納。崖傾旋曲蝸。石扁鏤文蛤。雨暘迭晦明。龍虎互乖合。忽焉松門在。茅屋向斜搭。短綆汲澄泓。微風吹颯沓。精廬憺忘歸。惜未攜酒榼。向下招游朋。仰視笑不答。

兜率院

幽燕古奧室。兜率居中巖。花宮七十二。下上東西嵌。六時響魚鼓。四面圍筠杉。沙泉細流續。石壁遺經劄。欲探乳穴勝。改著短後衫。其中路窈糾。其外雲封緘。百千羊須珠。往往乖龍銜。所嗟腳力弱。畏此高嶄嶄。山僧飯我腹。朴野言多儂。嗣歲期重過。同把黃獨鑿。

望摘星陀

梯頭歷上方。崖內平僂僂。其西叢木杪。樵路乃荒迴。蜿蜒衆山伏。崱嶭一峰挺。誰燒陰陽炭。鑄出火風鼎。旣絕鸛鵲棲。兼少麋鹿甦。何年運鬼工。於此置屋並。遙想層雲巔。六月亦清冷。況當密雪零。夙宵斷杯醕。天逼寒稜稜。星壓光炯炯。自非鐵頭陀。安敢居絕頂。鐵頭陀。金時高僧。居此山。

中院

天開寺中院。舊在沙河南。應公昔來棲。曾立水磴三。河流今已徙。亂石堆枯潭。孤碣當麥壠。頽基迷蘿龕。同游各下馬。考古性所耽。剗苔讀遺文。其體國俗參。紀年稱虎兒。草昧典未諳。采之入舊聞。亦足資客談。

攢筆抄乍終。日隱西峰嵐。添我蒙茸裘。寒色齊回驂。

東峪寺

孤山指憇題。馬力苦顛跋。藁夫云一舍。五十里始達。不知深山中。地志誰所括。亭午入東峪。僕飢主亦渴。寺門依白楊。風葉滿頭脫。牆西五墩古。階下一水活。竹爐拾墜巢。茗盃收棄盞。蕭然此時意。百累皆可割。修塗驗短景。揮手謝禪闥。回聽星星鐘。流響在林末。

西峪寺

層層金仙塔。宛宛白帶山。西峪在其下。梵刻扁重關。經始齊隋代。斷手金元間。千春闕不發。爲計誠陰姦。九經勒咸陽。響搗流人寰。乃知慈氏隘。未若儒者爛。土花填石闕。鉛汁灌戶櫺。有時野火燎。豈得恃堅頑。我瞻雲居寺。磴險不可攀。翠微未及上。已足舒心顏。

甘池

涿水魚重脣。甘池魚一目。涓涓六七竇。羅注滿陂谷。淺漾苔衣斑。深含苻帶綠。清泠下浴鳥。遠近來飲犢。河北將軍祠。臙臘走巫祝。不知何名姓。遺像猶在屋。秋晴秔稻香。日至麩麥熟。匪因水泉利。何以具饘粥。東度白石橋。沙行背山麓。村醅解留人。風幔青半幅。

六聘山中弔晉處士霍原

昔有霍處士。居涿西山陽。弟子半千人。大小開黌堂。六聘節愈堅。義不干侯王。無端豆田謠。乃受彭祖殃。紛紜永嘉末。鐵騎搜武鄉。伏尸出藏戶。繫之如驅羊。殺機本倚伏。善人安可戕。我來後千載。覽古心靈傷。祠墓久摧沒。末由酌椒漿。緹馬白楊樹。旋馬黃茅岡。

瓦井

瓦井社北東。中田卵塔七。叢叢蒺藜中。高下如卓筆。傍有石鐘幢。各志歲月日。比丘守司徒。榮祿大夫秩。當時崇國師。此輩盡驕佚。非惟混釋儒。兼亦亂名實。奈何茶毗後。公然肆刊述。粵漢兩燕王。改葬蹟遂失。樂毅及霍原。遺冢莫可悉。彼亡茲乃存。物理信難必。

欲尋孔水洞不果

晚投故砦宿。晨別羽士家。欲尋孔水洞。村路迷三叉。傳聞蹟最勝。自昔圖經誇。怒衝礮礮石。晴響霹靂車。層層落暗穴。湛湛渟深窪。每當三春時。流出天桃花。仙鼠舞白日。文鱗漾銀沙。我思窮其源。惜哉無古槎。僕痛促歸數。未得探幽遐。立馬長店岡。心仍戀峰霞。

詠古二首

漢皇將將屈羣雄。心許淮陰國士風。不分後來輸絳灌。名高一十八元功。海內詞章有定稱。南來庾信北徐陵。誰知著作修文殿。物論翻歸祖孝徵。

寒夜集古藤書屋分賦得火箸

我昔誦茶經。其具得火筴。圓直無葱臺。修長過銅鋌。是物最末微。尋常付竈妾。偶爲桑苧詮。詎錄香山帖。自來京城居。七度脫林葉。窮陰朔風號。聚沙眯樓堞。南人氣柔脆。土炕意不愜。瑾戶類蟄蟲。曲身苦跼摺。握火置甄爐。聊以熨胸脅。燕俗饒栗薪。市者病遠涉。虛傳紅螺產。罕致白炭篋。爆急燎竄須。煙騰淚棲睫。箸也誠要需。取用便指捻。制以偶勝奇。力惟同乃協。出入炎燄中。身手洵趨捷。有若赴敵場。擒馘恣所挾。峙立必雙聳。倒臥亦並接。須臾不相離。無以異鶉鶻。留之載都籃。配以紙黏箠。持喻同心人。歲寒入吟篋。宛轉溪橋浴野鳧。城隅瀟灑得重湖。少年背面休相笑。憔悴何曾似左徒。

題喬侍讀小像

食采玉山藥

窮冬旨蓄盡。客至我心廡。藥尊打門門者。膾擔僕走汗背。查慎行周遭解村綯。磊落倒僮僂。浦越喬士藹。二尺強。愛惜煩點對。吳卜雄冰須截柔膩。井渫洗麤穢。朱昆田未許餅盆藏。亟勒釜鷺漑。查嗣璫酸鹹百無功。水火兩不悖。藥尊炎炎力通透。勃勃氣洸潰。慎行中筵出佐酒。扶寸陶盤內。越喬紋皺蛇跗斷。語滑兔褐退。卜雄軟嚼便牛飼。饑捩鬪烏喙。昆田是物種實繁。厥產徧陽味。嗣璫其葉不足憐。其花不可佩。藥尊孔林殷而瘦。禹穴白而僨。慎行或如佛手擘。或如龍卵碎。越喬方經炎帝收。藥錄桐君載。卜雄詎若采。

玉本品格壓儔輩。昆田水芋山慈姑。味劣遠難配。嗣稟

宋僉事準園亭雜詠六首

淥波村

照碧堂前水分流。穠稔村。築場移碌碡。繫艇到籬門。

芰梁

背郭十畝園。滿陂種水栗。浴鳥游清冷。人語忽飛出。

釣家

芙蓉以爲裳。女蘿以爲帶。釣魚師得魚。沽酒夕陽外。

和松菴

微風起中林。調我松下琴。黯黯太古色。泠泠太古音。

放鴨亭

渚荇抽新碧。園桃吐小紅。莎亭長日坐。不引竹枝弓。

緯蕭草堂

草堂何所營。志蟹譜漁具。夜分汀火紅。點點出深樹。

曝書亭集卷第十四

古今詩十三

著雍執徐

次查上舍韻送楊侍郎雍建還里四首

吾愛吾鄉少司馬。乞歸躬養太夫人。聖朝孝治容將母。元老功成合引身。篋裏詩篇行處有。道傍歎息見來親。計程一舸鹽官水。到及陔蘭滿眼春。夜舫朋箋晝賭棊。昔游嶺表共栖遲。頻過韋幔傳經地。尙記潘輿置酒期。南北幾回分手路。升沉相對滿頭絲。今朝遇我歡心劇。不異蠻天捧檄時。橫浦先生舊里居。爲園郭外儘堪娛。人家戶戶通舟楫。藥草村村盡畫圖。坐久春禽啼滿樹。朋來臘釀勸傾壺。更饒入饌江魚美。添買臨平半頃湖。僂指東華九載過。罷官歸計尙蹉跎。最憐老友忽忽別。不惜衰顏夜夜醅。酒倒三罍猶恨少。夢隨千里自今多。早春也擬輕帆下。更嬾金臺獨放歌。

任孝廉坪以家釀苦酒見貽賦詩志謝效孟東野體卽送其還高密三首

步兵游竹林。左徒吟江潭。思古憔悴人。舍酒何所耽。東海任公子。遺家醞一甌。味苦炎上作。色黝封中涵。一酌我顏赭。再酌我身酣。三爵矧多又。醉枕南牕南。自哂同蓼蟲。食苦翻知甘。竹苦四味齊。蓮苦寸心撥。瓜苦斯有敦。草苦亦可捋。周原美堇荼。越女采叢葛。以蒿漬冬醅。香味勝百末。自來頌酒人。豈爲甘旨奪。於越百花露。味重杯慵銜。維揚五加皮。飲之漸作鹹。詎若膠西釀。可以解清饑。君今馬首東。讀書歸舊巖。暇看糟狀注。飲略手自芟。儻遺一尺書。方法試我緘。

送吏部侍郎張先生假旋京口六首

袞袞諸公歲九遷。先生何事賦歸田。不愁關吏饒如虎。一葉官河放溜船。便門東去柳依依。一路垂絲埽石磯。青眼年年長送客。幾人生擁八騶歸。汶濟分流照畫舫。中丞問俗向來經。山東父老應傳語。雙鬢依然舊日青。清淮泛濫濁河淤。鴈戶飄搖少定居。厝火積薪曾上策。至今太息雒陽書。真州柁轉卽金山。曉挂蒲帆十幅還。總是當年釣游地。詩牌細拂蘚衣斑。墓田丙舍鍾繇帖。京口谿山米芾居。十丈紅塵吹不到。江樓日日倚南徐。

偶成

三月東風何太狂。塵沙黯黯天茫茫。主人十日不出戶。空園花落無丁香。老年逢春須愛惜。悔不走馬看花忙。無事獨坐宣武坊。吾家茅屋長水旁。舍南有池舍北塘。荷花草紫油菜黃。鱸魚上釣四寸強。矮貓筍肥錦襖脫。新蠶豆熟青莢長。客何爲不歸故鄉。好約比鄰沈十二。進薔薇架底醉壺觴。

杭州水利不治者累百年矣。巡撫趙公考城河故道。悉濬治之。鄉人來述喜而作詩。凡二十四韻。武林古澤國。十八澗九溪。當年宋宮闕。溝水流東西。陳迹漸已湮。深谷皆成蹊。民居日湫隘。編竹兼芑荇。猛火一燎原。悲燄百室迷。塗徹大小屋。繙井愁難躋。女丁配夫壬。相顧但愴悽。吏治狗目前。孰能防禍梯。中丞溢世才。利器剗水犀。下車命丞倅。故道資考稽。率錢具畚鍤。曾不煩鉏犁。經始底告成。歲序尙未睽。坐令闌闔間。無異蘇白隄。紅闌鴈齒列。赤石羊肝刳。嘔啞小航船。蹠躩快馬蹄。停鞭市蓮藕。倚檻來鳧鷖。柳陰穀犬鳴。露腳莎雞啼。祝融廻其馭。婦子方安栖。乃知濟時策。不在拯顛隴。公之治水術。豈獨過白圭。泉清原隰平。名與召伯齊。我家由拳城。閭巷多蒿藜。願公祛墨吏。如決濁水泥。上以答天子。下以寧羣黎。

送柯孝廉維楨之蕪湖

劉蕢下第原風漢。王粲依人復遠游。舊屐尙存尋赤鑄。殘書又抱去盧溝。春槽酒熟沙門店。夜柵檣平估客舟。儻得黃金休易散。歸時須築小丹丘。

紫藤花下醉歌同查上舍弟嗣琛賦

客舍紫藤長數尋。馱蔓年多半枯槁。往歲丰茸莖太密。花事去春翻草草。今年二月呼園丁。三百銅錢費除墻。雖然芟後花較遲。漸見含苞同蕨腦。檐牙朽株換棚格。井牀新汲傳栲栳。景歛低垂香細細。游絲不動日杲杲。鈎簾忽驚啅雀去。仰面生憎土蠶抱。越州老酒吳船來。小榼偏提恣傾倒。頭銜久矣脫朝簿。那問蓼蓼鼓昏早。惜哉筋力日已疲。惟有花前不知老。停杯還憶故鄉路。亂水穿沙入裴島。千章古木藤纏身。飄落繇英滿衫襖。明年期爾橫漲橋。上舍柔櫓嘔啞撥萍藻。綠陰共聽黃栗留。醉臥檣頭船更好。

爲錢給事晉錫題王給事原祁富春大嶺圖二首

記得山城水閣添。畫眉聲裏晝垂簾。還憑同省王郎筆。暖翠浮嵐五尺縑。富春江上雨溟溟。兩岸花開躑躅紅。髣髴舊游如畫裏。一帆曾轉釣壇東。

吳徵士還蒲東魏上舍還嘉善集古藤書屋話別聯句

握手古藤下。秋深旅愁積。歸來西溪傍。猶及種春麥。吳雲我亦袖輕鞭。明發辭紫陌。倦鳥不同飛。各自張旅翮。魏坤二子澹雅才。肯爲時俗役。英辭迭相應。如以桐叩石。陸嘉淑柳塘水濺濺。蒲坂山驛驛。改歲君到時。古藤花滿格。查慎行大防一斗泉。釀酒冰雪白。酒熟君不來。落花良可惜。彝尊

送楊侍御燦還東湖

一謫金門住五年。羨君容易早歸田。他時願結香山社。八口先浮潞水船。秋鳥炙來鄉味好。月波釀就禁

方傳桃枝況有仙人母。同注真靈位業篇。

秋日萬柳堂同譚十一給事瑄沈秀才蕙纒龔主事翔麟同賦三首

亂水秋無路。篋輿入壞垣。粉銷題壁字。落浸插籬門。蟲網捎衣桁。魚牀齧樹根。頻來曾不厭。觴詠舊游存。
撲棗過頭杖。裝緜短後衫。沙平攜小榼。徑遠罷長錢。古塔疎林出。遙峰夕照銜。蕩舟無不可。只少布爲帆。
積潦沉官柳。迴流限女牆。白鷗來款款。黃蝶舞佺佺。鄉曲情無改。行歌醉不妨。城南呎尺地。想見雲野堂。

馮檢討招諸同年集六枳園對菊卽席分賦得顏字

可怪南鄰馮檢討。酒錢肯爲謫官慳。盡除簾額虛牕白。亂插籬根細菊斑。新雨不來那在眼。故人相對且開顏。近年同脫趨朝籍。漏鼓頻催獨後還。

贈許容

今之官印古璽節。漢制斗檢封略同。周秦以來鑄私印。往往撥蠟銷金銅。會稽王冕易以石。細切花乳桃皮紅。青田山根凍玉斲。稷下里石舊穴空。羊求休嫩大松老。其餘麤惡不可礪。往時長洲文博士。刻石頗有松雪風。墨林天籟閣書畫。以別真僞鈴始終。吾生好奇頗嗜此。碑礪犀象羅笥中。徐貞木亡鄭埴天。尙有程邃留江東。故人衰病遠莫致。縱饒玉石何人攻。如皋許容近過我。手出圖譜重錦蒙。古文離離雜鍾鼎。爾雅一一詮魚蟲。乃知六書得其故。大小繆篆能兼通。相斯史籀各具體。左蟠右屈何妍工。合肥尙書

雙端最賞擊。紛紛朝士傾詩筒。吁嗟萬里十年別。一官不達翻途窮。低眉強隨抱關吏。失足幾陷鮫人宮。重來歎息舊游盡。酒錢燕市何由充。容今髮白我耳聾。瓜牛舍近地百弓。日長莫學打睡翁。相邀硬筆寫獵碣。夫豈不如薛尚功。

題畫送徐檢討鈞還吳江二首

三高祠下水溟濛。紅蓼花香一笛風。驚起沙鷗定相笑。黑頭未稱作漁翁。不貪臺閣送行詩。索我尊前折柳詞。合喚菱舟付菱女。更吹漁笛教漁兒。

屠維大荒落

二月自古藤書屋移寓槐市斜街賦詩四首

穀觶車輕簸兩輪。殘書秃管雜勞薪。移居絕似村夫子。寫入圖中儘笑人。莎衫桐帽海樓鞵。隨分琴書占小齋。老去逢春心倍惜。爲貪花市住斜街。阿鏐秋去又春殘。遠信封題萬里難。不道衰翁無倚著。藤花又讓別人看。屠門菜市費羸驂。地僻長稀過客譚。一事新來差勝舊。昊天寺近井泉甘。

上巳集南城祝氏園聯句

六年人海中。襖飲恆不果。尚書忽相期。折簡起踈惰。彝尊並轡城南隅。地僻少塵堞。入門愛團瓢。登閣見

馭娑崑山徐乾學原一山橫雉堞上。水洩龍湫左。隄柳金乍含。闌藥紅未妥。崑山徐元文公肅雖乏三徑
幽恣攜十榼可。北酒雜薊滄。南烹屏蒜薤。彝尊日遲宜賭弈。場闊縱飛筇。吟或叉手吟。坐便錯脚坐。乾學
初筵已脫略。帶緩頭不裹。既醉席屢移。三影照碧沱。元文夕曛苦催人。馬鳴車炙輶。莫愁風揚沙。定有雨
潑火。彝尊

奉題徐副相祝園修禊卷三首

右軍但草蘭亭序。不及羣賢被禊詩。輸與先生鼠須筆。春風一一寫烏絲。
一時裙屐最風流。擘紙花前點筆收。我若當年參末坐。便應罰酒似羊劉。
滴珠方勝杵頭新。瘦本看來妙入神。真跡祇愁容易賺。莫將缸面酒留人。

社日登黑窑廠聯句

隗臺久蕪沒。薊丘不可梯。濟南王士禛貽上雖有千里目。將何共攀躋。徐乾學原一佳辰趁新社。膏雨融
凍畦。彝尊早抽紅藥萌。漸見碧草萋。姜宸英層坡簇五騎。兩壺提一奚。澤州陳廷敬子端陟彼積土岡。同
駐削玉蹄。士禛安房隱曲几。藉地分疎莢。乾學泉樽酌用匏。飯黍先以雞。彝尊既瀝甘蔗漿。復堆苦蕒齏。
宸英微酣恣坦步。遐覽窮端倪。廷敬南有松柏林。其北桃李蹊。士禛亭午風華香。疑是麝脫臍。乾學居人
半陶族。門竇皆衡圭。彝尊濃薰樹杪煙。濁漉水中泥。宸英童娃亦娟勞。面目成黧黧。廷敬何時得頽濯。勝

眼刮神篋。士禩不見九陌塵。奔車日冥迷。乾學吾儕處其中。形殊境則齊。彝尊相期泛裂帛。瑩拂湖上隄。宸英子爲逸少序。我續興公題。廷敬

題畫二首

宣和舊譜識徐熙。猶記都官畫裏詩。三月江南看不足。宛陵句也。湖塘花鴨影參差。數株枯柳倚苔磯。話別沙頭客未歸。多事錢唐戴文進。釣師渲染著紅衣。

朴公書來招游盤山却寄

三盤勝地稱絕。衆嶺何峰最尊。別後時勞夢寐。書來興轉飛翻。青松十里巖磴。紅杏千株寺門。好雇犢車一兩。軟塵碾到山根。

題龔主事翔麟西湖雨汎圖二首

茶檣酒幔靜無鄰。鏡面平波碾溼銀。回憶少年歌舞誤。烏篷不作獨吟人。葦絲菱葉浸魚天。十里湖山思悄然。疎雨夜眠聽亦好。莫因月黑便回船。

徐尙書載酒虎坊南園聯句

夜市燈熒熒。晨衙鼓統統。試瞻十二衢。何人事游覽。姜宸英 吾黨脫朝簿。甘與世味淡。初疑諫果食。漸似都蔗噉。彝尊 駕言適丘園。塵慮益澹澈。取徑衣乍褰。入門首先領。陳廷敬 循廊無坦步。引緼得危攬。高下

屋四隅。其中乃習坎。徐乾學穿池注嶽嵌。搆草當蒹葭。非無鶴在沙。亦有魚聚椽。宸英移情欣鳥音。側足避花苔。層樓牕面面。遠目水黝黝。彝尊際此日。載揚可以釋愁豔。矧饒凍春醪。因之瀝詩膽。廷敬滿酌金屈卮。並坐綠頭毯。行廚少新烹。糲飯有遺糝。乾學司寇珍庖盈。尙慮客顛頷。說禮何鏗鏗。升車必抱槩。宸英上司寇冢宰論春秋。凡例屏趙啖。觀其豎一義。堅銳不可撼。彝尊上冢宰太史述舊聞。意欲闡幽闇。羣書擁戶棟。散紙滿箱籥。廷敬史答太姜生老不遇。其氣頗虓鬪。譬之珠在淵。光彩詎能揜。乾學答著趨陪固所願。賞譽夫豈敢。將毋糜燔魚。嚼及菖蒲歎。宸英論議或異同。片言恥阿媮。共此千秋心。方寸默相感。彝尊坐久歸反慵。臨分祛再擊。起視天壇煙。如雲出封礮。廷敬堂坳雖一杯。五月有菡萏。相期避暑游。復此安窳窳。乾學

題倪高士畫

房山潑墨太模糊。那似倪迂意匠殊。一片湖光幾株樹。分明秋色小長蘆。

苦熱聯句

苦熱今年甚。幽州亦蘊蒸。朱茂暘久無甘雨降。惟見火雲升。姜宸英際夜焦煙合。經天杲日恆。張遠高林枯白帶。淺泚露丹稜。王原最怕衝灰洞。何須堰戾陵。徐善河流金口膩。山翠畫眉層。彝尊黑蜨潛難見。商羊舞莫憑。萬斯同新畚荒稷黍。遺種慮螽蟘。朱儼雩隊分行綴。祠官典故徵。譚瑄力難驅旱魃。咒乃試番

僧查慎行童女雙丫髻。旂竿五色繪。李澄中新妝朱箔卷。雜戲綠衣能。魏坤虹霓羣情望。塵埃萬目瞪。黃
虞稷疾雷無影響。長轂但鞦韆。釋淨憲銷夏愁無策。聯吟喜得朋。龔翔麟盡諳微徑入。不待小僮嚶。湯右
曾席帽人人脫。亭欄處處凭。鄭觀袞劇談多野趣。苛禮必深懲。錢光夔旅跡頻年共。鄉心觸緒增。宸英小
舵思劃漿。精舍憶擔簦。茂喟白剝烏頭芡。青牽紫角菱。原夕風嘶麥蜚橫。港沒魚鷹。右曾竹樹濃於畫。筓
籬密似罽。千家花滿屋。六月稻交塍。龔尊自失江村樂。翻憐毒暑仍。善黃沙隨扇集。白汗比漿凝。遠易漬
牀牀簟。空支院院棚。擔稀珠市果。價倍玉河冰。慎行槁落含香蕊。攀拳裊格藤。斯同暗窺蛛網縮。乾坼燕
泥崩。翔麟戶撤垂簾額。餅添汲井繩。儼慵尋溫水浴。只想冷硯登。瑄三葛衣猶重。雙絲履不勝。撥書嫌走
蠹。懸拂倦驅蠅。坤抵覺娑拖便。誰甘襤褸稱。覲袞到門防客刺。無地曲吾肱。龔尊亟買泉澆圃。同貪草藉
芳。宸英酒拚何朔飲。茶愛武夷秤。澄中返照斜初斂。微涼暮可乘。原分曹爭射覆。四座百觚騰。慎行

曹贊善鑑倫移居二首

家具先生有幾車。朝來移傍古城窪。澄泥小硯題詩處。開遍莪葵一丈花。
後園虛閣壓城濠。濺瀑跳波插口牢。正欲凭闌看洗象。玉河新水一時高。

櫻鞵聯句

五兩來江市。千毛結海櫻。龔尊澤蒲材較賤。楚筍製徒工。魏坤健許踏層碧。疎難入軟紅。坤老夫還稱此。

桐帽伴山中。彝尊

藤杭

剪就蠻藤細。方花織淺深。坤
香兼沉水木。涼勝辟寒金。彝尊
只合青奴配。何曾白汗侵。坤
一函容茉莉。短髮不須簪。彝尊

竹簟

六尺蘄春簟。繩牀臥最便。彝尊
紋同麴塵水。滑比研光箋。坤
攤飯宜三伏。看棋判一年。彝尊
物微休棄置。歸載潞沙船。坤

風燈

暑愛當風坐。移燈趁晚涼。坤
紗綳扶寸闊。燭減一分長。彝尊
紫鳳垂垂結。飛蛾面面障。坤
更宜單舸去。留照露荷香。彝尊

響竹

巧劃千絲竹。仍留一尺筒。彝尊
勁捎櫻拂畔。密置筍廚中。坤
搖翅潛形速。先聲逐隊空。彝尊
莫因餘點墨。觸損畫屏風。坤

冷布

秋月瀉池罷。炎風入市初。坤暗牕塵繭換。方格畫屏餘。彝尊賤豈妍娥織。涼宜倦客居。坤應逢麻紙笑。三葛更鹿疎。彝尊

油紙扇

本自錢唐製。猶存蜀府名。彝尊雖殊白羽潔。却比素紈輕。坤蓬勃塵難污。清涼風易生。彝尊翻嗤王內史。題字費真行。坤

瓦歎壺

舊製惟煎錫。新來器上陶。坤最愁芳草歇。頻課短僮操。彝尊病葉分疎雨。珍珠迸小槽。坤連筒雖自苦。不比漢陰勞。彝尊

涼篷

平鋪一面席。高出四邊牆。查慎行雨似撐船聽。風疑露頂涼。坤片陰停卓午。仄景入斜陽。彝尊忽憶臨溪宅。松毛透屋香。慎行

竹簾

吳船初解縛。燕市喜重編。彝尊一綫條條直。雙釘戶戶懸。慎行鈎時教燕去。疎處恐蠅穿。坤布幔旋催換。秋風又一年。彝尊

送蘇郡伯守杭州

新涼纔報上林秋。五馬雙旌發薊丘。方鎮表存唐國史。郡伯尊人左符秩等漢諸侯。江湖水氣城陰合。吳越山光戟外收。自是前身蘇玉局。黃州領郡又杭州。

送張世濟之官楚中

酌春堂上勸觥船。僂指分攜又八年。偶寄一官江漢去。風流少府勝藍田。

宋中丞舉鎮撫江西詩以寄之

離華秋色濟陽行。送別燕郊空復情。十月乍遷吳子苑。六幢今指豫章城。樽移南浦仙舟近。幔卷西堂幕府清。宰相史家書世系。代興誰得似先生。

再簡朴公

謝家木屐無完齒。陶令籃輿怕朔風。黃葉滿山來未得。幽尋也待杏花紅。

送胡參議分守河東四首

周北張南夾巷居。傳鈔互借一瓿書。使君好事誰能及。馬後巾箱載滿車。朔風千里動幽燕。欲醉壚頭費酒錢。君到襄陵官醞熟。可能遺我蒲萄煎。天際河流戟外黃。桃花春水漲魚梁。銜杯不改陵州樂。鱸取銀鱗尺半長。

歷井捫參儼畫圖。到來官閣一塵無。十年漢上題襟客。不數詩人鄭鷓鴣。時鄭上舍培偕行。

和韻送金檢討德嘉還黃州

謫居人海我未還。君亦捐佩蛾眉班。忽攜紅藤杖七尺。歸臥黃篾樓三間。編肥筍香酒戶大。月明風熟漁舟閒。有時橫江逐孤鶴。一聲長笛開心顏。

同諸君聖安寺餞曹檢討宜溥

載酒入古寺。柳林東湖頭。將以送遠人。豈惟恣讌遊。精廬金源舊。香乳塗白牛。二帝一宸妃。遺像堂中留。更聞王萬石。辭榮返故丘。傾城出祖餞。於此聚行輶。古來離別地。草木常先秋。火雷焚怪柏。霜葉鳴老楸。雖乏斷碣存。陳迹尙可求。曹子酒大戶。十榼飲不休。一朝忽言去。無以申綢繆。列席庭槐陰。日午風修修。窪匏截竹節。主客互勸酬。未知臨岐語。遠合古人不。坐久林鷗集。斜照忽已流。並馬歸道南。明發期登舟。一帆挂楚澤。百尺臥竹樓。川涂日以邈。何以寫我愁。夢爲黃衣蝶。飛繞崢嶸洲。

晚過崇效寺同李檢討澄中李中允鎧龐舍人塏曹檢討宜溥賦

繚垣途轉曲。入寺淖初乾。尙有殘僧在。同尋斷碣看。白花秋細細。紅棗晚攢攢。更上荒臺望。遙山五髻盤。

白馬寺

仁壽千年寺。今存半畝宮。落鐘橫道北。瓦塔限牆東。客至愁嗥犬。僧寒似蟄蟲。夕陽留未去。雙樹鳥呼風。

輓錢進士廷銓

曲江讌後放歸艎。豈謂才人祿命妨。差勝孤魂追及第。最憐無子奉高堂。門前載麴車難得。夢裏生池草未荒。不待山陽聞笛罷。西風老淚寄千行。

寓君天寧僧舍同魏坤作四首

青豆房容借。經旬且閉關。日邊連右輔。樹杪豁西山。六井泉相似。千花塔易攀。不應朝市客。翻羨旅人閑。萬古光林寺。相傳拓跋宮。著書非柱下。留客卽淹中。味坼園蔬甲。香攜市酒筒。波濤人海闊。安坐作漁翁。到此栖遲慣。都無應接勞。借書僮入市。莖薦馬騰槽。塔射層層火。松鳴夜夜濤。惟嫌重九會。風雨罷登高。故人分月米。言自玉田來。黃雀兼鄉味。金瀾勸客杯。徐尙書所遺也。醉便尋茗盃。行卽遶香臺。要踏西峰雪。狂歌未擬回。

爲魏上舍坤題水村圖二首

鷗波亭子趙王孫。曾爲錢郎畫水村。過眼雲煙難再覩。披圖髣髴筆蹤存。斜插魚標颺酒旗。柳陰小犬吠筵籬。歸田最是分湖好。我亦相期作釣師。

九月八日天寧寺觀塔燈聯句

秋風鳴枯槐。斜日薄西崦。徐善並馬入寺門。客衣胥稀蘇。朱茂暲于焉展嘉觀。一笑輟鉛槧。高佑紀巡廊。

禮紺塔卓立大且儼。彝尊陳丹和暗粉。古色剩渲染。魏坤蹟仍開皇舊。函并舍利掩。查慎行一十三重檐。檐檐風鐸颭。善蟠楹蛟躩。負礎鬼瘠貶。茂凋飛梯截階級。白石奪琬琰。佑鉅鎔金范爲燈。設砌架成厂。彝尊纍纍仄蜂房。歷歷覆蟹曆。坤怖鴿棲未安。一夫突走險。慎行綆缶牽膏油。豆火發星燄。善初如螢尾。炫忽若獸目。茂凋或如爐炊炭。或如竈炊栝。佑鉅須臾環扶闌。散作四百點。彝尊虛堂鑿纖毫。老樹失掩冉。坤氛煙看直上。樓閣時一閃。慎行置身圓鏡中。交光不可掩。善鼓鐘聲遠聞。來者紛襤褸。茂凋提攜及童嬰。羅拜雜寺閣。佑鉅營營各有挾。邀福毋乃諂。彝尊禮義苟不愆。寸心又何慊。坤玩物隨所遭。誰能束崖檢。慎行宵分梵放歇。漏轉人散漸。善茗盃坐屢遷。松關啓還唇。茂凋衰年疲倚徙。禪榻擁衾簟。佑鉅弦月隨側輪。溼雲俄泚泚。彝尊驟驚山雨來。昏夢豁嚙魘。坤晨興矚林端。餘燭尙未斂。慎行

九日雨阻天寧寺聯句

仁王塔。祇樹林。客九日期登臨。彝尊風蕭蕭。雨淫淫。泥滑滑。愁人心。慎行馬毛縮。魚潦深。行躑躅。坐沉吟。坤日月逝。衰遲侵。去者昔。來者今。善別苦易。思難任。尊有酒。且酌斟。佑鉅脫我帽。披我襟。折黃花。試共簪。茂凋

同錢光夔王原嚴虞惇魏坤查慎行吳卜雄過白雲觀分韻二首

愛見晴山出。郊西萬木疎。偶尋樵子徑。因訪羽人居。活脫存遺像。蒼涼感廢墟。惟餘綵旛字。髣髴鶴頭書。

世祖興元日。真人獨召丘。片言能止殺。萬里不虛游。羽蛻長春觀。池枯太液流。誰裁釋老傳。乃與帝師儔。

送高佑鉅之安邑和魏坤韻

驪駒九日郭門催。問子西征幾月來。最好河東苦桑落。懷人一倍引深杯。

夜宿天寧寺大風和徐四處士善韻

檻外開皇塔。三千六百鈴。天風吹不定。一夜枕函聽。砌咽寒蟲語。牕搖獨樹形。故人眠未穩。吟傍佛燈青。

曉起風未止復賦

已湧高城日。猶號昨夜風。六年凋佛樹。乙字數邊鴻。催粥桐魚響。薰衣桂火籠。薄寒須摒擋。仍作鹿皮翁。

送樊明府咸修之嘉興

仙臯南發指江關。到及梅花點地斑。倚郭千家齊傍水。登樓百里更無山。郊垞近日園亭少。旱潦頻年稼穡艱。憑仗賢侯妙爲政。不難風景舊時還。

蘆塘放鴨圖爲查大弟慎行題二首

橫漲橋東宿雨殘。盡驅鴨鴨出紅闌。蘆花兩岸冷如雪。十里秋容倚槩看。鴨頭老綠鴨腳黃。十五五沿斜塘。不勞蜀郡滕昌祐。勾染一枝紅拒霜。

冬夜同諸子集杜尙書齋中分韻得波字

司空愛客埽東第。十里杜曲齊來過。揚眉且作吳下語。婪尾笑卷樽中波。吾老謫官久當去。人生良會安能多。街頭蓼蓼漏鼓急。不醉奈此明燈何。

給事弟雲宅席上觀倒刺四首

雪後風燈燄燄寒。雲韶舊部走伶官。一雙手技從容入。勝舞銀貂小契丹。洞庭橘酒注雙餅。老去繁絃不厭聽。爲語參軍休打鶻。衝筵喚出李青青。杯槃暢舞蹈紅綃。高下冰盞燭一條。不是羊家張靜婉。如何貼地轉纖腰。琵琶鐵撥自西涼。十四箏絃三足牀。街鼓蓼蓼催不去。更翻一曲玉娥郎。



國家圖書館



004758670

